

LUKIM OL RIPO  
LONG WANTOK  
NIUSPEPA TUDE

Bill  
Skate  
tok em  
i no  
helpim ol studen



- pes 2

50 yia  
silva  
jubili  
bilong  
Rosay  
Risters

- pes 13-14, 19-20

Moa bilong  
Amerika i  
laik pait  
wantaim ol  
teroris

- pes 15-19

Polis i mas  
yusim ol rait  
samting taim  
pablik i straik

- pes 3

Pes 30  
Winim  
prais,  
painim  
hal resis

PAC NEWSDEAD STACKS

# Pakistan i tok lukaut long noken helpim ol Afghhan

AMERIKA i wok long go klostu long mak bilong kirapim woa wantaim ol birua o teroris lain long Afghanistan na sapot i wok long kam long planti kantri husat i no wanbel long birua pasin bilong ol teroris.

Foren Minista bilong Pakistan Abdul Sattar i tokaut olsem ol arapela kantri husat i laik makim Afghanistan long bikpela bung wantaim ol arapela kantri long Yuropien Yunion long dispela hevi i mas lukaut gut bikos planti lain husat i bin mekim olsem i bin kisim bikpela taim pinis long bipo. Bikos Taliban em gavman we i lukautim Afghanistan. Yuropien Yunion i bin holim ol miting wantaim ol Muslim kantri pinis long dispela hevi.

Satter i tok lukaut tu long ol ausait kantri husat i laik givim sapot long ol Afghan grup wantaim ol samting bilong pait long ol i mas lukaut gut tru. Bikos dispela kain sapot bai kamapim narapela tingting na pasin we ol gutpela pipel bilong Afghanistan bai kisim bikpela bagarap nating long woa.

Amerika i bin givim tok lukaut pinis long ol

lida bilong Afghanistan long holim na givim Osama bin Laden i go long han bilong Amerika o nogat, bai woa i kamap.

Pakistan i sanap strong long em bai sapotim Amerika long dispela pait egensim ol teroris birua lain. Pakistan em i stap long hapsait bilong Afghhan tasol.

Tasol planti tausen manmeri bilong strit long Pakistan i no wanbel long dispela disisen bilong ol lida. Ol i sapotim Osama bin Laden na tok ol bai birua long ol Amerika ami sapos Amerika i kam yusim graun bilong ol olsem bes kem bilong go insait long Afghanistan. Long Pakistan yet, ol pipel na ol lida i no sanap wantaim.

Osama bin Laden em bilong Saudi Arabia na em i bin ronawe i go hait long Afghanistan bihain long Amerika i wok long traime holim em long sampela birua em wantaim ol teroris lain bilong em i bin kamapim pinis we ol i bomim Embesi bilong Amerika long Kenya long Afrika, bomim wanpela bikpela sip bilong Amerika na tu ol i bin laik bomim bikpela tawa, Wol Tred Senta long 1989. Long Septemba 11, 2001, ol


i bomim stret Wol Tred Senta long Amerika na narapela tawa tu long Wasington we i kilim ol manmeri moa long 6000.

Amerika i sanap strong yet olsem Osama bin Laden em i man i go pas long dispela olgeta birua pasin egensim Amerika.


Amerika i tokaut klia tu olsem em i no inap pait wantaim ol Afghanistan. Em i laik pait tasol wantaim ol teroris grup bilong Osama bin Laden. Tasol ol pipel bilong Afghanistan na Pakistan i tok dispela em i woa egensim ol Muslim. Olsem na sapos dispela i kamap, bai olgeta Muslim long wol i pait. Ol i kolim dispela em holi woa.

Tasol ol lida bilong Afghanistan i tokaut olsem dispela birua man, Osama bin Laden i no moa stap long hap na ol i no klia long em i hait we nau.


Osama bin Laden em bilong Saudi Arabia tasol em i bin ronawe na i go hait long Afghanistan. Em i wanpela biknem bisnisman tasol taim em i go long hap, gavman bilong Taliban i daunim ol bisnis bilong em na em i wok long lusim bisnis.



• Ol Pakistan i no amamas long gavman bilong ol i sapot long Amerika long go pait wantaim ol Afghans husat em ol muslim lain bilong ol.



• Aiman al Zawahri. Em i namba tu bilong Osama bin Laden. Amerika i painim em tu.



• Ol Pakistan i soim sapot bilong ol long Osama bin Laden na karim piksa bilong em raun.

## Bagarap long Amerika i birua long demokresi na fridom

VERONICA  
HATUTASI i raitim

BAGARAP i kamap long Amerika long Septemba 11 i no bilong dispela (Amerika) kantri tasol nogat, em i karamapim olgeta man long ol kantri i laikim gutpela sindaun, Prait Minista Sir Mekere Morauta i bin tok las wik long Memoriel sevis bilong ol pipel i dai na kisim bagarap long teroris birua long Wasington na Nu Yok.

Sir Mekere i bin tok PNG i bung wantaim intenesenel komyuniti long sapotim Amerika na ol bikpela samting we yumi luksave na lukautim long stap gut long komyuniti, kantri na wol. Dispela birua i pretim fridom long toktok, fridom long lotu, fridom long laik na fridom long stap gut.

"Dispela foapela demokretik fridom we yumi traime hat long kisim na lukautim i kam aninit long bikpela hevi nau. Na i no long Amerika tasol long wol i laikim gutpela

sindaun na fridom. Birua i no kamap long ol manmeri na pikinini i no wokim wanpela rong na ol i laik karimaut ol wok bilong ol tasol long rait bilong yumi long stap gut na fri long laik bilong yumi.

"Ol politikel na spirituel rait we ol demokretik gavman i karamapim aninit long mama lo bilong ol long lukautim ol sitisen bilong ol i kam aninit long taget long ol birua lain.

"Terorisim em nogut samting tru we i laik bagarapim lewa bilong trupela samting, jastis na

pasin bilong olgeta pipel maski wanem kala, rilijen na lotu ol i kam long en i bung wantaim na sindaun gut.

"Wol i tok pinis olsem em bai rausim terorisim o dispela kain birua," Sir Mekere i tok.

Em i tok taim yumi joinim wol long dispela pait long lukautim fridom na jastis, i moabeta long tingim ol man i dai long en na luksave long ol olsem ol i as long gutpela sosaiti na em i makim ol i narakain long sosaiti we i nogat fridom tasol pret

pasin.

Em bin tok taim PNG i joinim ol arapela long sori long birua long Amerika na ol lain i dai, yumi hop dispela birua bai kamapim nupela oda bilong pis, jastis na pasin bilong luksave long ol arapela na sindaun gut wantaim ol.

"Em i mak bilong PNG olsem nupela oda bai kamap olsem memori long ol gutpela manmeri na pikinini husat i bin lusim laip bilong ol long Septemba 11, 2001," Sir Mekere i bin tok.

# PLIS RIPOT

### MOSBI:

\* Plis i wok long painim yet 62 kalabus man husat i bin brukim Bomanan Haus Kalabus na ranawe long Tunde dispela wik.

Ol kalabus man ya i bin pasim tok na redi long brukim haus kalabus tasol ol woda i no bin save long dispela inap ol i bin ran i go na i bin hat long ol woda i mekim wanpela samting. Plis i no holim wanpela yet.

\* Plis i givim tok lukaut i go long olgeta manmeri long Mosbi long lukaut gut long ol man husat brukim sel na ranawe. Ol i tok ol manmeri i mas toksave hariap long plis sapos ol i lukim ol man em ol i save olsem ol raskol i brukim sel.

### LAE:

\* Plis i bin holimpas wanpela man husat i bin brukim sel na ranawe. Dispela man i bin sevim 10 yia mak long stap long kalabus tasol em i bin stap 6-pela mun tasol na ranawe. Plis i bin holimpas man ya taim em i laik singsing long lonsim bilong Pipel's Leba Pati long Lae long wiken.

### MADANG:

\* Planti wok manmeri bilong lotu i wok long kisim taim bikos ol raskol i wok long hansapim ol long kisim mani nabaut long ol. Plis long Madang i tok ol raskol i wok long tingting olsem ol pater, pasta na ol sista na brata lotu lain i gat mani samting na planti ripot i kamap i soim olsem ol i wok long kisim hevi long han bilong ol raskol.

\* I gat ol gutpela plen bilong mekim nupela plis bareks long Madang. Ol eria we bipo i bin stap olsem setelmen i gat ol plen bilong provinsal gavman long mekim plis bareks. Dispela wok i kisim helpim long gavman bilong Australia. Planti plis long Madang i painim hevi long haus na dispela projek bai helpim ol gut tru.

### GOROKA:

\* Tupela haiwe patrol opisa em plis i bin holimpasim ol bikos ol i bin gat spak brus na gan long bilum bilong ol. Plis i bin patrolim Hailans Haiwe na mekim dispela ares taim ol i bin stapim ka bilong ol long boda bilong Goroka na Madang. Bai ol i kamap long kot long dispela mun.

# Skate i tok em i no helpim ol studen

LIDA bilong Oposisen Bill Skate i no amamas tru long harim nem bilong em i kamap long dispela kot bilong Komisn ov Inkwair we i wok long painim ol asua i go insait long dai bilong ol yunivesiti studen long mun Julai long Mosbi.

Nem bilong Mista Skata i kamap long dispela kot olsem em wantaim Gavana bilong Isten Hailans Peti Lafanama i bin toktok wantaim ol yunivesiti studen na helpim ol wantaim mani na ol arapela helpim we ol i go

het wantaim straik bilong ol.

Ol studen i bin straik egensim nesanel gavman long toktok bilong Len Mobilaisesen (graun) na pravitaisesen we gavman i laik salim olgeta bisnis

bilong gavman long ol pravit bisnis lain.

Mista Skate i tok dispela toktok i no tru olgeta bikos long dispela taim em i bin go long Australia long haus sik.

Mista Skate i tok dispela kain pasin bilong kolim nating nem bilong ol lida long bagarapim wok bilong ol i no gutpela tru. Em i tok em i sori tru long lukim olsem Sief Seketeri bilong olgeta gavman dipatmen na siaman bilong sekeyuriti bilong kantri, Robert Igara i mekim giaman toktok long ai bilong kot long bagarapim nem bilong em.


Mista Skate i tok em i sori olsem pasin bilong politikis i yusim Mista Igara long bagarapim em. Olsem na em ino bilip long sistem bilong gavman nau, tasol em i gat bilip long wok bilong

kot. Olsem na em i laikim gavman i mas putim moa mani i go long wok bilong kot long dikim i go insait moa na painim aut olgeta hevi na asua we i wok long hait i stap insait.

Mista Skate i tok em bai kotim Robert Igara na Nesanel Intalijens Ogenaisesen (NIO) long sutim tok na bagarapim nating nem bilong em.

Em i askim tu dispela kot bilong Inkwairi long ol i mas surukim kot i go liklik moa na givim em sans long kamap na tokaut long em yet long klinim gut nem bilong em.

Tasol siaman bilong Komisn, Sir Robert Wood i tok Mista Skate i no asua long wanpela samting. I nogat wanpela evidens long ol dispela toktok.



Stail bilong ol Karkar • Tupela liklik pikinini ya i bilas gut tru long Kaikai Ailan long amamasim 26 Independence De. Foto: FUZO PAUL.

## Kamapim polisi bilong studen i ken helpim em yet

SALENS i go long ol prinsipal bilong ol sekenderi na hai skui long skruim ol polisi bilong helpim ol yet insait long ol wanwan skul bilong ol.

Edukesen Seketari Peter Baki taim em i opim ekstensen bilong Sen Ignatius Sekenderi skul long Sandaun provins i bin wokim dispela toktok.

Mista Baki i bin tok long dispela yia, gavman i bin tok orait long self rilaiens polisi bilong ol skul long kantri. Dispela polisi i singaut long ol skul long plen na go hetim ol samting we i sut long lukautim ol yet.

Mista Baki i tok bikpela samting olsem ol sumatin i kisim eksperiens long ol rot na samting we bai helpim ol long kamap self rilaien ol lukautim ol yet.

# WANTOK

All departments. Phone: 325 2500 - Fax: 325 2579  
P. O. Box 1982, Boroko, NCD, Papua New Guinea

Publishing Weekly, Thursday, for  
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

General Manager and Group Editor in Chief:  
Anna Solomon.  
Acting Advertising Manager:

Papers distributed by air throughout PNG. Available by air mail subscription within Papua New Guinea and overseas.  
Email address: [word@global.net.pg](mailto:word@global.net.pg)

Advertising deadlines, Display bookings: Tuesday midday. Camera ready copy Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

## Meri kilim meri i dai long man

ALISON ANIS i raitim

WANPELA yangpela meri bilong Kanauki distrik long Yangoru, Is Sepk provins i dai bhain long narapela meri i kilim em wantaim naip long Sande las wik. Meri ya wantaim narapela meri bin kros na pait long wanpela yangpela man bilong ples yet inap dispela biru i kamap.

Plis i luksave long meri ya olsem em i gat 20 krismas na i dai taim ol lain i laik kisim em i go long haus sik tasol em i dai taim em i kamap long haus sik. Narapela meri i bin sutim em tupela taim olgeta wantaim naip.

Is Sepik Provinsal Plis Komanda Leo Kabilo i tok tupela meri i bin kros lokng wanpela yangpela man bilong ples taim pait i bruk na namel long tupela inap narapela i kisim naip na sutim narapela long beksait bilong em.

Plis i holim pasim dispela meri husat tu i wanples yet na lokim em long rumgat long sas bilong kilim man i dai.

# 26 kalabus lain ronawe long Bomana

26 kalabus lain i bin ronawe long Bomana haus kalabus long Mosbi long dispela wik. Ol i bin yusim waia kata na opim waia na ronawe taim ol woda i lukim na i laik ronim ol tasol ol i no inap long holim wanpela bilong ol.

Deputi Plis Komisina bilong Operesen Sam Inguba i tok strong long NCD Sentrel Plis Komanda Jeffery Vaki long mekim plen long ol plisman i ken sanap long rot blok na karimaut operesen long tram holim ol dispela kalabus lain.

Komisina bilong CIS Richard Sikani i tokaut tu olsem sampela

bilong ol dispela lain i ronawe em ol lain wantaim bikpela trabel na i stap laip yia long haus kalabus. Planti i stap long wet kot.

Mista Sikani i tok wanpela bikpela hevi long haus kalabus em planti kalabus lain tumas na i nogat inap spes. Planti tru em ol lain bilong wetim kot bikos kot i no save harim kot bilong ol hariap na ol i save stap nating na wetim kot. Dispela i mekim na ol haus kalabus i save pulap we strong bilong banis kalabus i no inap long lukautim bikpela namba bilong ol kalabus lain olgeta taim.





# Amerika bai sanap strong long lukautim jastis

**VERONICA HATUTASI i raitim**

MASKI Amerika i karim bikpela hevi long han bilong birua, em bai sanap strong yet long lukautim demokrasi, fridom na ol gutpela samting, Ambaseda bilong Amerika Susan Jacobs i tok.

"Septemba 11 em i de we olgeta pipel bilong Amerika long ol kain wok i bin yunait long holim strong jastis na pis. Amerika i bin daunim ol birua bilong em bipo na em bai mekim olsem long dispela taim. Yumi no inap long lus tingting long dispela de tasol bai yumi go fowed long lukautim fridom, jastis na ol gutpela samting long wol," Mis Jacobs i bin tok long Memoriel Sevis i bin kamap long Sen Mary's Katitrel las wik.

Em bin tok Presiden George Bush i bin askim long preia bilong yumi olgeta long helpim ol dispela i karim bikpela hevi na wari, long ol pikinini we laip bilong ol i bagarap, long ol dispela we sefti na sekyuriti i stap long hevi.

Em bin tok lewa bilong Amerika i stap long bikpela hevi long ol bagarap we ol teroris i kamapim long Nu Yok, Washington na Pennsylvania. Em bin tenkim ol pipel na gavman bilong PNG long preia bilong ol long helpim ol dispela pipel na famili hevi i karamapim ol long Amerika na wol.

Em bin tok ol gutpela pipel long wol i egensim stret pasin nogut we liklik teroris lain i kamapim na tu ol dispela we i haitim na lukautim ol.

"Jastis i tok ol dispela

teroris na ol lain i sapotim ol i mas kisim panisment. Gen jastis i tok lewa bilong yumi i noken wansait na yumi no sutim tok long planti lain bikos long trabel na birua we liklik lain i kamapim," Mis Jacobs i bin tok.

Amerika nau i wok long mekim ol plen long painim strongpela saspek teroris i bin kamapim dispela birua, em Osama bin Laden i wanpela risman bilong Saudi Arabia i hait i stap long kantri Afghanistan wantaim ol Taliban lain.



Sauten Hailans givim Indipendens medal • Dispela ol sampela bikman bilong Sauten Hailans we gavman i luksave long gutpela wok bilong ol. Ol i kisim Indipendens medal long Septemba 16. Ol i amamas long medal long Mendi Valley Club. Foto: Joe Kanekane.

# Plis nidim rait trening

**HILDA WAYNE i raitim**

LOYA bilong Yunivesiti ov Papua Niugini (UPNG) edministresen, Dokta John Nonggorr i tok i gat bikpela nid long plis fos bilong kantri i gat gutpela trening na rait samting ol i ken yusim long stapim ol protes na mas long kantri.

Dokta Nonggorr i bin mekim dispela toktok long kot bilong ol studen i dai o komisen ov inkuairi long asde.

Em i tokim inkuairi olsem iaip bulet, gan na tia ges em i no rait samting bilong yusim long stapim ol lain husat i nogat gan na protes nating.

Dokta Nonggorr i tok yet olsem ol pipel long dispela kantri i gat olgeta rait long kamapim ol protes na mas sapos ol i no

wanbel long sampela samting gavman i mekim.

Dispela rait em i tok i mas stap yet na nogat tenis i mas kamap long stapim dispela rait.

"Demonstresen ol protes mas em i rait bilong wanwan manmeri long kantri na nogat wanpela i mas stapim dispela rait o kamapim ol lo bilong senisim," Dokta Nonggorr i tok.

Em i tok politikel sistem bilong mipela em i hat we ol pipel bai welim laipwela via long soim dei hevi bilong ol long vot.

"Faipwela via em i longpela taim tumas na ol pipel i ken protes na mas sapos ol i no wanbel," em i tok.

Dokta Nonggorr i tok yet olsem UPNG edministresen i nogat rait long stapim ol studen long straik na tu em i laik bilong ol leksera bilong UPNG long lainim ol stu-

den long wanem samting ol i pilim olsem i gutpela long ol studen i mas save.

Em i tok dispela straik ol studen i kamap bikos ol i no wanbel long praivetaisesen na gavman i mas gat wok long toksave long olgeta pipel long kantri.

Dokta Nonggorr i tok planti redio stesen long ol provins i pas na gavman i mas wok long opim ol dispela redio stesen na tokim mas go long olgeta pipel long kantri.

Em i tok pasin bilong straik na protes i gutpela na bai kamap yet bihain taim na gavman na piis i mas redi long dispela heks taim.

Em i mas hat rait trening long kontrolim dei na yusim rait samting olsem tia ges, taba sik na samting bilong stapim ol ston na sik long paitim pes bilong ol.

Ol i noken yusim samting we laip bilong ol pipel i noken bagarap.

## Lafanama tok em i no rong

GAVANA bilong isten Hailans Peti Lafanama i laikim ol pipel bilong em long isten Hailans na Papua Niugini i save olsem em i no bin kisim mani long Leming Bod.

Ombudsman Komisen i bin tok olsem long Mista Lafanama i bin kisim K10,000 mani long Nesenel Leming Bod long 1998 olsem na em i mas go long opis bilong Pablik Prosekjuta long dispela.

Opis bilong Pablik Prosekjuta bai painimaut sapos ol rong ol i mekim i tru o nogat pastaim long ol ken go long kot.

Tasol Mista Lafanama i tok dispela toktok i no tru bikos em i no bin stap memba long dispela taim.

"Mi laikim ol pipel bilong mi long Isten Hailans i save olsem mi no stilim mani olsem Ombudsman Komisen i tok. Mi no bin stilim wanpela mani na mi no mis yusim pablik mani long helpim mi yet," Mista Lafanama i tok.

Em i tok em i bin askim bipo Praim Minista Bill Skate long sampela mani long helpim ol sapota bilong em i ken go bek long ples taim ol i bin kam daun long Mosbi long harim kot bilong Mista Lafanama.

Dispela kot i bin rausim pawa bilong em olsem gavana bilong provins na em i no memba bilong palamen long dispela taim.

Mista Lafanama i tok em i bin kisim dispela mani long Novemba 1998.

Tasol em i no bin stap olsem memba bilong palamen long Agustus 25, 1998 i go Julai 13, 1999.

"Mi kisim mani olsem wanpela sitisen nating bilong kantri bikos mi bin gat nid long dispela mani na mi no stilim long ol pablik fand nabaut," em i tok.

# Komisina tok lo noken senis

YUMI mas noken senisim ol lo bilong mipela long kantri we i givim ol pipel fridom long toktok long wanem samting ol i pilim olsem em i rong.

Dispela toktok em Sir Robert Woods, Komisina bilong kot bilong ol yunivesiti studen husat i bin dai long Jun i bin mekim.

Sir Robert em wanpela i go pas long mekim ol wok painimaut namel long ol loya bilong ol studen, UPNG na plis na gavman.

Em i mekim dispela toktok taim loya husat i makim gavman na plis, Sarea Soi i tok olsem i mas gat sampela senis long lo

long stretim sampela rait i stap insait long Pis na Gud Oda Ekt o nogat ol i mas kamap wantaim nupela lo olgeta we i stapim ol pipel long toktok long wanem kain samting ol i gat long tingting em ol i nogat wari long em.

Mista Soi i tok long wokpainimaut em i bin mekim long ol protes mas we i save kamap dispela mas we i kamap long Jun we i lukim foapela man i dai i nogut tru na em i laik bai nupela lo i ken kamap long stapim ol manmeri long noken mekim ol protes mas nabaut.

Em i tok nupela lo i mas kamap bikos plis fos bilong

mipela long kantri i painim hat tru long baim ol rait o stretpela samting we ol i ken yusim long rausim ol lain husat i bikhet long toktok bilong plis long taim bilong protes.

Inkuairi o kot bilong ol studen i dai i harim olsem rait samting we ol plis inap long yusim em bikpela stik kanda ol i kolim baton long inglis, sil na het bilong ol plis i putim na abrusim ston na stik nabaut.

Dispela ol samting em i hat tru long plis dipatmen i baim bikos nogat mani na ol i no inap long baim long olgeta yia.

Mista Soi i tok long dispela as

em i mekim rekomendesen bilong em i go long inkuairi long lo we i givim rait long ol pipel i protes i mas stap long mekim isi long ol plis i mekim wok bilong ol tu na nogat nid long plis yusim laip bulet na gan olsem ol i bin yusim las taim.

Komisina Woods i no wanbel long toktok bilong Mista Soi na em i tok pasin bilong senisim ol lo long kantri bai stapim rait bilong ol pipel na dispela i nogutpela.

Komisina Woods i tok yet olsem plis i mas gat ol rait samting long stapim ol lain long mas sapos ol i rong tasol plis i mas noken yusim gan.



# Pawa bilong makim ol Gutpela Lida o Lida Nogut i stap long vot bilong yumi

ILEKTOROL Komisina Mista Reuben Kaiulo i tok gen aste olsem ol manmeri i noken bilipim ol kusai na toktok giaman long wok bilong enrolim ol vota na stretim gut Koman Rol bilong Nesenel na Lokol Gavman Ilekseks neks yia.

Mista Kaiulo i tok olsem Koman Rol bilong olgeta hap bilong Papua Niugini bai i redi na stret olgeta taim ilekseks i stat long Epril 4 neks yia.

Em i mekim dispela bikpela tokaut gen long Pot Mosbi hetkwota bilong Iektorol Komisina aste bikos i gat nara-pela tokwin na paul toktok gen olsem planti hap bilong kantri bai i no nap vot long ilekseks neks yia

Tokwin i tok olsem dispela hevi na bagarap bai kamap bikos Iektorol Komisina i no gat inap mani long pinisim vota enrolmen na putim nem bilong olgeta kwolifaid vota insait long Koman Rol.

Sapos nem bilong yu i no stap long Koman Rol o nem na stori o toktok bilong yu i no stret, yu i no nap long vot olsem na Iektorol Komisina i wok hat tru long stretim gut Koman Rol, Mista Kaiulo i tok.

Mista Kaiulo i tok Nesenel Gavman i save long as bilong Koman Rol na Iektorol Komisina i bilip olsem Fainens Dipatmen bai givim mani long pinisim

wok bilong enrolim olgeta kwolifaid vota na stretim gut Koman Rol bilong ilekseks neks yia.

"Gavman i save olsem sapos Koman Rol i gutpela na stret tru, olgeta pipel bai bilip olsem ilekseks i fea, gutpela na stret tu," Mista Kaiulo i tok. "Dispela em i as bilong Koman Rol olsem na mipela long Iektorol Komisina i wok hat stap long stretim gut Koman Rol."

Long wanwan mun, Iektorol Komisina i save spendim K400,000 o K600,000 long enrolim ol kwolifaid vota insait long olgeta provins, Mista Kaiulo i tok.

"Taim mipela kisim dispela K600,000 o K400,000 i kam long Fainens

Dipatmen, mipela i save skelim K20,000 na K30,000 i go long ol wanwan provinsel Iektorol Komisina ofis long wokim vota enrolmen bilong ol long wanwan mun," Mista Kaiulo i tok.

Mista Kaiulo i tok sampela provinsel Iektorol Komisina ofis i save askim hetkwota long givim ol K800,000 o bikpela mo mani long mekim wok bilong ol tasol Iektorol Komisina i no harim toktok bilong ol bikos Iektorol Komisina i mas kontrolim gut mani bilong Gavman.

• PNG Iektorol Komisina i sponsorim dispela Ilekseks Tok Save.

# Gavman i mas helpim long surukim ol Carterets pipel

**Veronica Hatutasi i raitim**

SINGAUT i go long Nesenel Gavman long givim bikipela tingting long hevi we ol liklik ailan long Bogenvil i stap long en na helpim long risetelmen program bilong ol.

Dispela em program long putim ol long wanpela gutpela ples we ol ken sindaun long em long bikailan Bogenvil.

Manimak ol atoriti long Bogenvil i laikim long karimaut risetelmen program em long K2 milien.

Wanpela rot tasol long helpim sevim ol Carterets Ailan pipel em long putim ol long bikailan Bogenvil. Tasol hevi long mani i sot i stapim long karimaut dispela wok long go het.

Carterets Ailan grup i gat 1,131 pipel long en. Na em i bungim bikipela hevi moa long solwara i wok long bagarapim ol moa long ol arapela liklik ailan grup long Bogenvil. Ol arapela liklik ailan we i bungim hevi tu long bikipela solwara i karamapim ol em long Motlok, Tasman na Nuguria.

Asisten Seketeri bilong Distrik Sevis insait long Bogenvil Edministresen Mathias Pihei i tok long baset we divisen bilong em i putim long Provinsel baset las yia em rikwes rikwes long K2 milien bilong karimaut risetelmen program. Tasol ol bikman i katim mani long ol arapela samting.

"Hevi em long mani. Mi no bin amamas taim ol i lusim i stap pastaim K2 milien rikwes sabmisen mipela i putim long provinsel baset

bilong dispela yia. Mi pret long hevi long Carterets Ailan. Tingim, wanem samting bai kamap long ol famili sapos hevi i go nogut olgeta taim ol i no save na ol i nogat seif hap bilong ronawe. Dispela em bikipela samting na tu, em i nogut long stap long dispela kain situesen," Mista Pihei i tok.

Em i tok em i putim sabmisen gen long baset bilong neks yia. Bipo long Bogenvil hevi, Provinsel Gavman i bin gat risetelmen program bilong ol Carterets Ailan pipel long Kuveria klostu long Mabiri long Sentrel Bogenvil. Tasol long taim bilong hevi ol pipel i bin go bek long Carterets.

Mista Pihei i tok sampela liklik hevi i bin kamap we sampela bilong ol Carterets pipel, moa yet ol lapun i bin painim hat liklik long kain laipstail long Kuveria, maski olgeta samting long mekim sindaun bilong ol i gutpela i stap.

Olsem na em i tok long nau taim ol i lukluk long ples bilong sindaunim ol, ol i mas glasim na skelim olgeta samting. Na sapos ol i painim hap ples, ol bai lusim long han bilong ol pipel yet wanem taim ol i laik muv i go.

Mista Pihei i tok i moabeta long Nesenel Gavman i givim helpim long sait bilong mani bilong karimaut dispela risetelmen program bikos hevi we solwara i wok long karim graun, i go insait karamapim ailan na bagarapim ol gaden kaikai i go nogut moa. Olsem na ol pipel i bungim sot long kaikai klostu klostu.

Em i tok tupela wik i go pinis, Nesenel gavman i bin givim K200,000 long helpim ol Carterets pipel bihainim askim bilong Provionseel Gavman long K500,000 helpim.

Sampela helpim long sait bilong mani na kaikai i kam long ol sios, komyuniti, ol skul na ol arapela lain i wari long hevi ol Carterets pipel i bungim long en. Olsem na edministresen i tok wantaim dispela mani, em bai helpim tu ol pipel long Saut Bogenvil i sot long kaikai bihainim bikipela ren we i bagarapim ol gaden kaikai bilong ol.

Long wankain taim tu, Mista Pihei i askim strong Provinsel Dipatmen bilong Agrikalsa na Laipstok long karimaut moa aweanes na edvaisim ol pipel long ples long planim ol kaikai we bai stap gut long helpim ol long taim bilong bikipela ren na tu, long ol binatang we i bagarapim ol kaikai long saut Bogenvil na kamapim hevi long kaikai i sot long olgeta yia.



• Dispela man bilong Carterets ailan i holim ol liklik mangru diwai long planim bilong traime danim solwara i karim graun long ailan. File piksa

## Ples Lavege kirapim wokabaut somil projek

**Fred Raka i raitim**

PLES Lavege i stap 50 kilomita is long Kimbe long Biaila Haiwe em i kamp nambawan long PNG Eco-Forestri program bilong Wes Nu Briten Provinsel gavman na Yuropien Yunien.

Tupela grup i sanim pinis wanpela Memorandum ov Andastending long dispela samting.

Eking Provinsel Edministreta Paul Rame i tok dispela program i sut long lukautim envaironmen o ol samting bilong solwara, bus na graun long pasin bilong manesim na yusim gut ol naturel risos olsem ol samting bilong bus.

Long dispela rot, ol i strongim ol komyuniti long go insait long ol iko forestri projek we i ken helpim gut ol pipel long sait bilong kism mani long en na tu, i no kamapim bikipela bagara long envaironmen.

Long las Fraide, ol bin putim wanpela wokabaut somil long ples Lavege bilong helpim ol ples lain i katim ol timba long wokim ol haus bilong ol long ples. Eco Forestri Homes fans bilong Provinsel gavman i bin baim dispela wokabaut somil.

Edministreta i tok ol bin glasim na skelim gut na tu makim ol hap bus we projek i kamap long en i bin kamp pastaim long givim wokabaut somil i go long ol Lavege ples lain. "Long olgeta komyuniti o ples we dispela program bai kamap long en, mipela i wok long tokim ol pipel long lusim sampela hap bus i stap na ol pisin na ol arapela animel bilong bus i ken stap long en.

Dispela program i wok long helpim long trenim tu ol yut long besik so dokta, skelim ol timba volum na envaironmen awenes," edministreta i bin tok.

Mista Rame i bin tok tu olsem dispela projek ol i karimaut long Lavege em ol bai i mas pinisim long mun Desemba. Long dispela taim, ol bai i mas sanapim sikipela pemenen haus.

Ol bai wokim wanpela seremoni bihain long ol i pinisim ol haus. Ples Lavege bai kamap olsem piksa long ol arapela eria na tu ol Lokol Level Gavman i wokim rikwes long program i go long eria bilong ol.

## Buka bai pasim edukesen wik miting

**Helen Rei i raitim**

OL wok redi i go het long Mosbi na Buka em tupela host senta long opening na klosing bilong Nesenel Edukesen Wik (NEW).

Wanpela wik tasol i stap nau long dispela program bai kamap. Long Nesenel Kapitell Distrik, opening bilong NEW bai kamap long Kolis bilong Disten Edukesen (CODE) risos senta long waigani.

Long wankain taim tu bai i gat opening bilong CODE bilding, CODE websait, sekonderi edukesen na CODE logo o

sainmak. CODE risos senta i stap nau moa long tupela krismas na neks wik tasol ol bai opiseli optim.

Het tok bilong edukesen wik long dispela yia em "Skruiim edukesen long Disten na Open Lening" planti ol samting bai sut long disten edukesen.

Wanpela de semina long dispela bai kamap long Gateway Hotel na tupela de ekspobai kaamp long Sir John Guixse indo stadium. Dispela bai stat long Fonde.

Long Tunde bai gat Tokbek So long FM 100 na dispela bai sut long disten edukesen we sikipela

bikman long Edukesen Dipatmen yet bai toktok long en.

Em long Edukesen Seketeri Peter Baki, Presiden bilong PNG Tisas Asosiesen Paraka Pena, Fes Seketeri bilong Humen Risos Developmen Patrick Modakewau na Philip Kereme em Dairekta Jenerel bilong Opis bilong Haia Edukesen.

Klosing bilong NEW long Mosbi bai kamap long sem taim we Intenesenel Tisa de i kamap long en. Ol i givim wok long PNG Asosiesen bilong Disten Edukesen long go pas long en. Foapela tisa long NCD bai kism ol 2000 Siva Jubili medal

tasol ol i no toktok yet long enm bilong ol. Long klosing seremoni long Buka, Edukesen Minista Dokta John Waiko na lain bilong em bai stap long en.

Bogenvil Gavana John Momis bai stap tu long dispela.

Ol bikman long edukesen i givim luksave long ol wok kamap insait long ol Bogenvil CODE senta na olsem ol i givim wok long hostim klosing seremoni long hap.

Ol wok i go gut long Buka ol klosing de aktiviti bai kamap long Not Solomon Yunivesiti senta klostu long Hahela long Buka.



## Gaulim i laik lukautim em yet

PRINSIPAL bilong Gaulim Tisas Kolis insait long Is Nu Briten Samson Maneo i bin kam bek long wanpela wik woksop long Manila, Filipins.

Het tok bilong woksop em "Managing Change through Organisational Development"

Colombo Plen Sta Kolis long Teknikel Edukesen i beis long Manila i bin go pas long dispela woksop.

Mista Maneo i tok bikos ol ogenaisesen i save stap long envaironmen we i save senis olgeta taim na ol yet tu i save senis, kos bai helpim em long lukluk long as tingting bilong ol senis ol i plenim long ogenaisesen.

Mista Maneo i bin

tok tenkyu long Asisten Seketeri bilong Tisa Edukesen Cherian Lukose bilong helpim em i go long dispela kos.

Mista Maneo i tok UCPNG i papa bilong dispela kolis na ol wok long toktok long kamapim ol senis long mekim Gaulim i kamap moa gutpela long stended bilong tude.

Mista Maneo i ting strong olsem ol staf na sumatin bilong Gaulim Tisa Kolis inap go hetim ol plen senis ol bin kamapim long 1998/99.

Bikipela long ol senis ol bin laik kamapim em long kamapim bek self rilaiens o ol projek we skul i ken helpim em yet.

Ol kain projek we i stap pinis long skul we

ol i ken strongim em long kkolis entin, vanila fam, manfarin fam, kakau blok, pik na kakaruk projek.

Prinsipal bilong Madang Tisa Kolis Dominica Philip i bin stap tu long dispela kos.

Madang Tisas Kolis long dispela taim i wok long traime senisim tupela semesta insait long wanpela yia i go long tripela semesta.

Mista Lukose i tok sapos dispela i wok gut, ol arapela sevenpela Tisa Kolis long kantri bai bihainim long neks yia tasol.

Mista Maneo na Mis Philip i bin kam bek long kantri long Septemba 18. Edumkesen Dipatmen i bin kodinetim wokabaut bilong ol.



## Somboi Nambes papagraun yesa long givim Karanas

OL dairekta bilong Tuau Holdings bilong ples Somboi na Nambes insait long Bewani sab distrik i singautim ol atorit bilong distrik long helpim na painim wanpela investa husat inap bung wantaim ol papagraun na kisim ol karanas na brukim long ol mesin long miksim wantaim kolta na putim long ol rot wok we bai kamap insait long Vanimo Grin Distrik.

Bihainim ol wok kamap bilong Vanimo Fri Tred Jon na tu ol ripot long wok kamap bilong Vanimo Wutung na Vanimo Grin haiwe.

Ripot Wantok i kisim i tokaut olsem ol papagraun i givim tokorait bilong ol pinis long Bod ov Dairektas bilong papa-

graun kampani bilong ol. Long wok bung wantaim ol distrik atorit na kisim wanpela investa na kamapim "Join Vensa" bisnis long brukim ol ston bilong silim rot.

Ol ston bilong putim wantaim kolta na silim ol rot long Vanimo, long longpela taim i save kam olsem long Madang, Lae na Jayapura. Na dispela i save kosim gavman bikpela mani tru abrusim mak mani bilong K600,000 long rot bilong tede opisel gavman ripot i tokaut.

Atoriti bilong Vanimo Grin Distrik i tokaut olsem i mas gat sampela mak mani inap long K20,000 long karimaut wok painimaut na kamapim dispela projek insait long distrik.

## Nogat helt sevis na planti pikinini i dai

FELIX RAMRAM i raitim

OL pipel bilong Kwontari Sensis Divisen i sutim tok olsem ol helt lain long Vanimo i no save mekim wok bilong ol i go insait long ol bus ples olsem kwontari, i as planti pikinini i save dai. Guriaso Komyuniti Skul hetmasta Andrew Moimbi i mekim dispela toktok taim memba bilong Vanimo Grin, Micah Wesi bin go long Guriaso long stap insait long amamas bilong 26 Independens de bilong Papua Niugini.

Hetmasta bilong Guriaso i tokim Mista Wesi ol lain wokmanmeri bilong

helt insait long 9-pela kris-mas. I no save karim aut wokbus, bikpela tru long ol sista i givim tambu sut long ol liklik pikinini. Mista Moimbi i tok, bikos long dispela 99 pesen pikinini i save dai aninit long 5-pela krismas.

Long sait bilong helt woka, Mista Moimbi i tokaut olsem Edpos opisa bilong Guriaso i bin ronowe long taim pinis. Na inap nau helt i no painim wanpela na salim em i go long Guriaso ed pos.

Distrik Helt Kodineta bilong Vanimo Grin Distrik, Conrad Tilau i tokaut olsem. Ol toktok Mista Moimbi i autim long nogat gutpela helt sevis. I strongpela toktok tru", tasol trupela tok em hetmasta

bilong Guriaso i no bin inap givim trupela stori na sampela kain namba.

Bikpela tru long taim Mista Moimbi i tokaut olsem 99 pesen bilong ol pikinini i dai bipo long ol i kisim 5-pela krismas.

Distrik Helt Kodineta i tok: "Olgeta toktok hetmasta i toktok long en, i nogat wanpela ripot i stap long pepa. Olsem na olgeta dispela toktok, em ol toktok nating na i nogat trupela bilong en.

"Na long toktok bilong tambu sut bilong ol pikinini, i tru olsem ol lain bilong klinik i no save go olgeta taim. Tasol ol ripot i stap long opis i soim olsem las tambu sut long ol pikinini i kisim em long mun Oktoba na Novemba las yia."

Mista Tilau i sutim tok i go long Amanab Helt Senta long i no luksave long ol hevi bilong Kwontari eria long sait bilong helt. Bikos Guriaso i stap aninit long luksaut bilong Amanab, na bai kisim 2-pela de wokabout long Amanab i go long Guriaso.

"Opis tu i gat ol ples i stap pinis long putim sola boksi ais bilong putim ol tambu sut marasin long Guriaso ed pos. Ol narapela 2-pela man ed pos husat bai kisim ol sola boksi ais tu em fas, Punda, staib Guriaso, Wagu na Idam. taim mipela i putim ol dispela sola boksi ais, dispela bai i mekim wok bilong givim tambu sut long ol pikinini i kol.



## Bewani Wel Pam Projek kisim K15,000 helpim

FELIX RAMRAM i raitim

OL papagraun bilong Bewani Wel Pam Projek bihain long 5-pela kris-mas ol i bin wet i amamas bikos Gavman i luksave long dispeal projek na i givim K35,000 long ol i karimaut wok painim aut insait long Bewani sab distrik.

Toktok makim ol Bewani papagraun, lenona kampani Wowel Risos Siaman, Otto Wari i givim bikpela tok tenkyu i go long Sandaun Provinsal Gavman na memba bilong Vanimo Grin na Vais Minista bilong Tred na Industri, Micah Wes long gutpela eapot ol i givim we i lukim Gavman i yesa long givim dispela K35,000.

Mista Wani i tokaut olsem memba bilong Vanimo Grin i givim bikpela eapot tru long lukim dispela projek i kamap long mak em i stap nau. Long

pasin bilong givim helpim mani i go long Siaman long go kam long Pot Mosbi as tu long helpim na stretim ol pepa wok.

Otto Wani i tokaut olsem, wel pan projek ya i no bilong ol papagraun bilong Bewani tasol. Wanem mani dispela projek i pulim i go insait bai i go long helpim long gutpela bilong Sandaun na Papua Niugini olgeta.

"Mani i stap nau, na mipela i laik lukim olsem ol atorit bilong Vanimo Grin distrik wantaim ol projek opisa long mekim olgeta samting long lukim ol fisibiliti stadi ol i karimaut hariap. Ol i save rausim gen mani we i save kamap planti taim pinis na putim i go long ol narapeal projek, Otto Wani i tok.

Long dispela taim ol papagraun bilong Bewani Wel Pam Projek i redim ol yet long mekim wanpeal wokabout i go long ARSO insait long Wes Papua.

## Pipel komplek long akaun bilong Amanab Kaunsel

OL pipel bilong Kwontari Sensis Divisen insait long Vanimo Grin llektoret i askim memba Micah Wes wantaim Distrik Edministreta long go het na singautim wanpela painimaut i go insait long Amanab LLG. Bikos pipel i tokaut olsem ol lain i stap insait long opis i paulim pablik mani.

Ol lidaman bilong Kwontari pipel i tokaut olsem klostu o K30,000 stret em mani bilong karim aut wok mentenens long wanpela ples balus insait long Amanab LLG eria. Ol i gat strongpela bilip olsem dispela mani ol lain i stap long opis i paulim pinis. Na ol i gat laik long lukim wok painim

i kamap.

Sapos ol i painim olsem mani paul, ol lain i stap insait long dispeal pasin nogut i mas kisim bikpela mekim save tru long pasin ol i mekim.

Husat ol lain i mekim dispela singaut i tokim memba bilong Vanimo Grin wantaim opisel bilong em olsem. Ol i gat ol pepa ol sek namba wantaim ol narapela pepa long soim olsem toktok bilong ol i tru. Ol i redi long givim ol dispela samting i go long ol lain husat bai karim aut dispela painimaut.

Dispela singaut ol lida bilong Kwontari i mekim long taim ol i singautim Vanimo Grin memba husat i bin go

stap wantaim ol long Guriaso. Long amamasim tu Independens bilong Papua Niugini long, Septemba 16. Memba i mas go pinis long Mande 17 tasol bikos long ol hevi bilong balus, mas go pinis long Mande 17 tasol bikos long ol hevi bilong balus.

Bekim ol toktok bilong ol lidaman bilong Kwontari, Ekting Distrik Edministreta Mista George Jelsiwi tokaut olsem. Ol dispela toktok i strongpela tok tru, na ol lain husat i mekim ol toktok ya i ms gat gutpela as long mekim kain tok olsem.

Mista Jelsiwi i askim ol long, raitim ol stori bilong ol long pepa na salim i go long opis.

### Amamasim Independens wantaim spots

• Ol Pipel bilong Paliama long Is Sepik provins i amamasim Independens De bilong Papua Niugini wantaim ol bikpela pilai long Septemba 16. Foto: ELVIS MATHEW.



# Dandenong Laions Klub helpim Not Flai

DANDENONG Lions Roteri Klub bilong Melbon Australia na ples Yenkenai na matkomnai long Not Flai eria long Westen provins i strongim prensip bilong ol taim Dandenong i donetim 204 hariken am na 204 ekstra wik i go long ol pipel bilong tupela ples ya.

Dandenong Roteri Klub (DRC) i bin donetim ol lam na wik bihainim neim ol bin givim long wanpela pikin bilong ples Yenkenai las ya.

Pikinini ya em Jerroni Rocky nusat i gat faivpela krismas i bin kisim marasin na ol dokta long Melbon binain long tin kerosin lam i bin pairap na kukim em taim em i sid.

Wokabaut bilong em na papa

bilang em long Mosbi i go long Melbon na tu long opersen na haus sik em Boroko na Dandenong Roteri na Ok Tedi Maining i bin peim.

dandenong Lions Klub i bin tro-moim moa long AS\$300,000 long peim medikol kea bilong Jerroni. Sapos sairti grup bilong Australia i no helpim, em bai dai pinis.

Stori bilong Jerroni i bin kirapim bel bilong Dandenong Lions Klub long helpim tupela ples wantaim ol hariken lam long givim long olgeta wan wan famili bilong tupela ples.

Ol Dandenong Lions Klub i plen long raun i go lukim Jerroni neks ya na tupela ples i wok long redi nau long kamap bilong ol gutpela pren na stap wanpela nait wantaim ol.



• Ol woklain bilong Tabubil Haus Sik wantaim Jerroni (long sia) long taim bilong presentesen.

## PNG na Indonesia painim Wes Papua lidaman

OL atoriti long PNG na Indonesia i wok long painim moa ripot long nius olsem Wes Papua independen ektivis Wilen Onde i lus.

Ol nius ripot long Indonesia long dispela mun i ripotim olsem Mista Onde i lus klostu long Merauke, bikpela taun i stap klostu long saut kos bilong Wes Papua.

Mista Onde i holim posisen olsem kenel na rijinel komanda long Operasi Papua Merdeka (OPM) inap long taim em i lus.

Taim Mista Onde i lus, ol bin painim wanpela poroman bilong em i dai klostu long klos bilong Mista Onde we i karamap long blut.

Plis long Indonesia i laik toktok long Mista Onde long dai bilong poroman bilong em na long wok em i go insait long en long hajjekim ol man i wok long plaiwut mil klostu long PNG boda we Korea na Indonesia i papa long en.

Planti hauslain bilong Mista Onde i save stap long ples logi long Ok Tedi long PNG sait bilong boda.



Kas bilong ol twins • Joshua (lephan) na Jacob. Tupela stail twins manki bilong Sepik i bilas na sanap stail long poto.

## Not Flai holim komyuniti polising woksop

IAN KAKARERE i raitim

NOT Flai Provinsel koman i bin holim komyuniti polising woksop long Kiunga las wik.

Not Flai Provinsel Plis Komanda Saibu Ako i tok 40 kaunsila na wod komiti memba long siksipela Lokol Level Gavman (LLG) long distrik i bin stap insait long woksop we ol bin holim long Kiunga LLG hal long Kiunga taun.

Mista Ako i tok Sauten rijinel trening opisa Tom Baker na Sagen David Wiyalu wantaim Dick Katafa husat i wok wantaim Not Flai koman komyuniti polising i bin kodinetim dispela bung.

Ol samting we woksop i bin lukluk long en em long rikrutmen na trening long ol oksileri

staf, risev plisman na meri, aweanes kempein long HIV/AIDS, drag na famili vaiolens, ol diskasen long ol sosel isu olsem hevi long lo na oda long Not Flai eria, komyuniti polisi bilong Plis Komisina, kirapim na ol wok bilong Not Flai koman komyuniti polising komiti.

Mista Ako i tok ol plen i stap long kirapim ol plis risevis long ol distrik senta olsem Nomad Riva, Leik Mari, Ningerum na Kiunga. Na long putim ol oksileri plis long ol wan wan wod insait long siksipela LLG eria.

Tabubil i gat risev plis pinis we Ok Tedi Maining i fandim. Tasol em i tok plis na ol LLG long Not Flai eria bai sainim wanpela MOU luksave pepa bipo long pinis bilong dispela ya na rikrutmen na trening i ken stat long neks ya.

Em i tok long MOU, ol LLG bai peim rikrutmen, trening na pe bilong ol oksileri na risev plis.

Mista Ako i tok ol oksileri plis i nogat pawa long holim pasim ol trabel man tasol ol bai stap olsem bris namel long komyuniti na plis fos.

Ol bai stap insait long komyuniti na helpim long kisim ol lain i brukim lo i go long ol regula plis long holim pasim na wokim kot long ol. Ol bai helpim tu long stretim ol liklik hevi insait long ol wok na ples.

Ol oksileri plis bai putim grei yunifom na i no blu olsem ol plis na ol risevis.

Ol risev plis bai putim blu yunifom tasol long raitan poket, bai i gat repela plastik raiting wantaim wod Reserve long en. Ol risev plis i gat pawa long holim pasim na kisim i go long kot ol trabel manmeri.

### KENNEDY EDENE i raitim

OL Sogeri lida insait long Sentrel provins i gat plen long sanapim HIV/AIDS komiti long hap bilong ol.

Dispela i bihainim wari ol pipel i gat long ol ripot olsem dispela sik nogut i wok long kamap bikpela na pas gut insait long PNG sosaiti tude.

Man husat i go aps long tingting bilong kirapim komiti em

Teddy Ambing. Em bin wok pastaim wantaim Dipatmen ov Sosel Welfea na Developmen olsem Welfea Opisa na tu Welfea na Rihabilitesen Asisten Komisina wantaim Koreksenen Institusen sevis.

Mista Ambing i wok long toktok wantaim ol helt atoriti na Koiari Lokol Level Gavman kaunsil long kirapim wanpela komiti long

dispela samting. Em i tok namba wan HIV/AIDS program we komiti bai wokim em long karimaut HIV/AIDS pia eduketas woksop.

Tasol em i tok ol i mas sanapim distrik HIV/AIDS komiti pas-taim we bai kodinetim ol program insait long Koiari eria.

Komiti bai kam long ol wod kaunsil long Koiari na ol stetutori na

pablik sevan long eria.

Koiari LLG helt siaman bai kamap siaman bilong komiti.

Mista Ambing i tok bai ol i holim woksop long ol lain i makim ol wan wan wod na ol i ken trenim ol pia eduketa long HIV/AIDS.

Ol dispela lain bai go bek insait long ol wan wan komyuniti na karimaut ol aweanes namel long ol pipel.

## Plis kisim drag aweanes long Cloudy Be

SIKSPELA Nesenek Drag Skwat wantaim plis hetkota long Mosbi na Moroguina komyuniti plis opisa Konstebol Mark Asa i bin holim wanpela wik drag aweanes kempein. Dispela em long ol ples long Cloudy be eria long Abau, Sentrel provins.

As tingting long aweanes em long skulim ol pipel, moa yet ol yangpela long bagarap we ol spak brus i kamapim.

Plis Stesen Komanda long Moroguina Inspekta Basil na Durama wod kaunsil Henrey Winindo i bin stap tu long dispela taim.

Ol yut i bin lusim sampela ol mariwana spakbrus na 10-gan ol i wokim long ples long dispela taim.

Ol plis i bin rausim 120 mariwana diwai we ol yut yet i bin soim ol plis long ol gaden we ol dispela spakrus i gro long en.

Yut lida Regan Hai i bin tok Cludy Be eria i gat gutpela graun na ol gaden kaikai i save gro gut long en, gutpela bus long painim ol

abus na solwara na ol wara long painim pis samting long en. Tasol insait long las foapela krismas, rot i bagarap na dispela i stapim ol PMV na ol ples lain long karim ol samting i kam salim long ol maket long Pot Mosbi na Moroguina.

Em i tok long dispela tasol na ol yangpela i tanim long planim na salim ol spakbrus long ol yut long ol ples klostu long kisim isi mani. Sinia Konstebol Asa i ranim tu siksipela yut soka kompetisen long Moroguina stesen long mekim ol yut bisi na abrusim trabel. Em i bilip olsem spirituel, mental na fisikol developmen i gutpela long mekim ol yut i kamap olsem ol gutpela man.

Em i putim strongpela toktok i go tu long ol pipel long taun long noken go long ples na pulim ol yut long mekim ol kain doti samting we bai bagarapim tingting na laip bilong ol.

Senia Konstebil Asa i tok namba tu long dispela operesen bai kamap neks mun.



## Rot developmen bai stat long Sauten Hailans

GAVANA bilong Sauten Hailans Anderson Agiru i tok wok long rot namel long Kisenepoi na lalibu bai stat long neks mun.

Mista Agiru i tok planti toktok namel long Esia Developmen Benk (ADB) na em yet i bin go orait pinis na olgeta pepa wok i redi pinis long wok i ken stat klostu taim.

Em i bin toktok wantaim ol Kou viles lain klostu long Kisenepoi na em i tok ol pipel i mas stap redi long helpim ol wok long rot.

"Mi save olsem planti bilong yupela i wok long lukluk na askim long ol wok bilong dispela rot na mi amamas long tokim yupela olsem wok bai stat long pinis bilong mun Oktoba na salens i stap wantaim yupela ol pipel long wokbung wantaim ol lain kontrakta husat bai mekim rot," Mista Agiru i tok.

Em i tok planti lain tu i wok long askim long kain samting olsem kompensesen nabaut na mani ol i save askim long em em planti mani tumas na ol i mas tingting gut na askim long kompensesen we gavman inap long peim.

Viles lida bilong ol lain Kou Anton Nandie i tokim Mista Agiru olsem em i amamas tru long dispela tok-tok bilong rot i kamap gut bikos ol pipel i save painim bikipela hevi tru long bringim kaikai na kago bilong ol i go kam long rot we i save bagarap.

"Mipela i save karim kaikai bilong mipela na wok-about long longpela rot i go wetim bas bikos ol ka i no save kam long dispela rot bikos ol i pret bai ka bilong ol i bai bagarap," Mista Nandie i tok.

Taim ol i stretim dispela rot pinis bai ol lain bilong Kagua, Pangia na Erave i ken isi long painim we bilong ol i go kam long Hailans Haiwe i go long Hagen long kisim ol kago bilong ol na mekim bisnis.

Mista Agiru i tok yet olsem narapela rot we bai i stat tu long wankain taim em rot namel long Tari na Ambua na dispela rot projek tu i kam ananit long ADB projek.

## Viles pipel lainim helt wok

WANPELA Komyuniti Bes Helt Senta (CBHS) long Tari, Sauten Hailans Provins i bin hoiim wanpela greduesen bilong em long Tigibi viles ausait long Tari taun.

Dispela greduesen i lukim mak long 95 helt wokus i bin kisim ol setifiket long kamap ol helt wokus.

Long dispela 95 lain, 53 viles helt volentia na 42 viles helt na developmen komiti i bin greduet na kisim setifiket bilong ol.

Moa long 4,000 pipel i bin kam bung long dispela greduesen.

Ol dispela greduet i bin pinisim wanpela kos we i kisim 3-pela mun olgeta long pinisim we ol i skul long ol komyuniti helt progrem.

Nau em ol i gat save long helpim ol komyuniti bilong ol long wanem kain sik ol i save kisim we ol i ken wok long stapim.

Kodineta bilong projek Joseph Warai i tok CBHC em i wanpela progrem ol i kamapim long ol pipel long viles komyuniti i ken kisim save long we bilong stapim ol kain sik we i save kamap long komyuniti.

## Tari kisim pawa gen

HEVI we i kamap long liklik pawa stesen long Dauli Haidro stesen i mekim na Tari taun i bin nogat pawa long sampela mun tasol nau dispela hevi i pinis.

Olgeta gavman na praivet bisnis i bin kisim taim tru na ol i wok long yusim jenereta bilong ol yet na yusim kendel tu long kisim lait long haus na ples bilong ol.

Dispela hevi i bin kamap long planti mun na ol lain bilong Tari i bin amamas tru taim ol i lukim olsem pawa i kam bek gen long ol i ken yusim.

Tasol narapela hevi ken i bin kamap long wanpela bikipela kampani we i save givim ol kaikai na saplai i go long olgeta hap long Hela.

Dispela kampani em Collins and Leahy Ltd na brens menesa Bilip Nanae kampani bilong em tasol em ol i bin makim na ol i no larim pawa i go long ol taim hevi bilong pawa i stap na olgeta lain kisim pawa.

Em i tok ol distrik edministresen i bin kam na katim pawa lain bilong em na taim olgeta hap i kisim pawa em i lukim olsem bisnis bilong em i nogat pawa.

Mista Nanae i tok em i no wanbel long dispela kain pasin na em i laik bai edministresen i noken makim olsem long bisnis bilong em na larim em i ken go het long givim sevis long ol pipel.

Em i tok kampani i wok long givim sevis yet long ol pipel na ol i yusim jenereta bilong kampani yet long kisim pawa long helpim bisnis i ran gut.

## Edministreta tok rifom no wok gut long Simbu

SIMBU edministreta Joseph Dopar i wari olsem sapos nogat trupela pasin i kamap bai ol rifom i no inap kamap gut long ol provins.

Em i tok sapos yumi i laikim ol rifom i mas kamap gut orait ol bodi we i wok strong long kamapim ol rifom i mas mekim trupela wok na noken mekim ol hait pasin.

"Planti ol lokol level gavman kaunsil na ol presiden i no save toktok stret long kain pasin ol i save mekim na dispela i no save helpim mipela long mekim wok bilong mipela olsem ol lokol gavman," Mista Dopar i tok.

Em i tok ol kaunsil i mas wok strong long dispela ol

toktok bilong rifom i mas kamap tru na i no toktok tasol.

Mista Dopar i tok edministreta bilong Simbu i lukluk long stretim dispela hevi tasol planti moa wok i stap long mekim olsem na ol kaunsela i mas wokbung wantaim long helpim ol wok bilong rifom.

"Ol liklik samting i save kamapim bikipela senis. Ol kaunsela i no save go long ol kaunsil miting bilong ol tasol ol i save kisim mani bilong ol dispela miting," em i tok.

Mista Dopar i tok yet olsem i nogat ol gutpela plen nabaut long kamapim developmen tasol ol kaunsela i wok long kisim yet ol risos we bai go

insait long bringim developmen i go insait long ples.

Em i tok yet olsem ol kaunsela i no save stap long opis bilong ol na ol presiden i save givim mani na i no save tok-save long amas mani i save go long ol.

Narapela samting we ol kaunsela i save mekim rong em long kisim dinau long ol mani bilong mekim ol wok long kamapim developmen.

Em i tok long Simbu dispela pasin i save kamap bikipela na ol opisa i painimaut pinis husat i save mekim rong na bai ol yet i baim bek na stretim dispela kain pasin bilong kisim dinau we i rong na ol i brukim lo

long mekim.

Tasol em i tok dispela ol samting i no stapim ol wok long go het yet.

Mista Dopar i tok wok long stretim Kundiawa i stat pinis na tu ol i laik stretim Mirane plis bareks na ol rot wok tu.

Em i tok klostu tu bai ol i kisim K3 milien bilong helpim ol primari skul we i gat base: long K15 milien.

Mista Dopar i tok dispela ol developmen i wok long strongim ol long wok yet.

Em i bin mekim dispela tok-tok long wanpela bikipela bung bilong ol Lokol Level Gavman Presiden Konfrens long Kundiawa.



## EUROPEAN UNION OVERSEAS POST GRADUATE SCHOLARSHIPS 2002

The European Union (EU), through the Human Resource Development Programme, finances scholarships for Papua New Guineans for postgraduate study in any of the fifteen member states of the European Union or in an African, Caribbean or Pacific (ACP) state that is a signatory to the Lome IV Convention (such as Fiji, Botswana, Mauritius or Jamaica).

Some 20 such scholarships (preferably 10 each from the public and private sector; preferably for 10 males and 10 females) will be awarded for courses commencing during 2002. Applicants should normally be under 40 and the scholarship programme is for postgraduate studies lasting up to a maximum of two years.

Scholarship applications are now invited. Women are especially invited to apply; companies and departments are called upon to put forward as many female and male candidates.

Interested persons or their employers should obtain the Expression of Interest and One-Page Statement Forms from:

**Mrs. Vienna Alewa, HRDP II-PIU  
Department of Education  
5th Floor, FinCorp Haus, Waigani**

**Telephone: 301 3574**

**Facsimile: 301 3468**

**e-mail: vienna\_alewa@education.gov.pg**

to whom the completed forms should be returned by 31 January 2002.

# Yut mas kisim gut skul

PLANTI moa lukluk i mas go insait long helpim ol vokesenel senta long helpim ol studen husat i pinisim skul bai ol i ken lainim ol gutpela pasin bilong helpim ol bihain taim ol i lusim skul.

Kodineta bilong Vokesenel Senta long Madang Kerro Bagiel i bin mekim dispela toktok na em i tok stendet bilong ol vokesenel senta long kantri i no go antap bikos ol lain husat i stap long atoriti i no save givim taim long lukluk i go insait long dispela samting.

Mista Bagiel i tok ananit long nupela rifom ol vokesenel senta long Madang i no save kisim ol gutpela trening long wok kapenta, mekenik, agrikalna na ol narapela samting.

Em i tok i nogat rispek na sapot namel long ol wok lain bilong ol senta long wokbung long helpim ol yangpela husat i laik lusim skul.

Ol i mas save olsem ol i pablik sevens na ol i mas wok strong long helpim ol yut bilong kantri long go aut na lusim skul wantaim gutpela tingting.

Mista Bagiel i tok yet olsem ol bik bos i no save givim gutpela

sapot long go raun na lukim ol vokesenel senta na toktok long wanem kain wok ol i mekim.

Em i tok i ol vokesenel senta long Madang em Bau, Ramu Talidig, Sen Benedict na Sen Anna vokesenel senta i save painim hat tru bikos nogat sapot i kam long ol atoriti.

Ol yut i gat bikpela namba long kantri bilong mipela na sapos yumi no givim ol helpim long save ol i mas kisim long go aut long helpim komyuniti bai bikpela hevi bai kamap.

Em i bikpela samting tru na gavman na atoriti i mas lukluk long wok gut wantaim ol yut husat i laik lusim skul bikos ol i laik go bek long komyuniti na sapos ol i nogat gutpela save bai mipela i lukim olsem planti hevi i kamap long PNG.

Nau yet yumi harim olsem ol yut tasol i wok long givim planti hevi long kantri tu bikos nogat wok na ol i stap nating na mekim raskol pasin tasol yumi mas wok strong long sapatim ol taim yumi gat sans.

Mista Bagiel i lukautim olgeta vokesenel senta long provins.



Man i kisim namba • Joseph Kulubob bilong Karkar long Madang i kisim luksave bilong kwin long independens las wik. Em bin go pas long sampela wok bilong edukesen na ol arapela sevis tu long komyunit. Foto: Fazo Paul.

## Plis bung long woksop

### ALOYSIUS AISI i raitim

PLIS opisa long Madang i bin holim wanpela woksop long Madang las mun long lukluk long we bilong luksave long sampela gutpela we bilong helpim wok bilong ol.

Dispela woksop em AusAID i bin fandim na em i bilong mekim gut ol trening program bilong plis fos long Papua Niugini.

Seif Suprintenden Plis Koles long Pot Mosbi Jerry Frank i bin opim dispela woksop na em i tok plis man na meri long PNG i gat bikpela nid tru long mekim wok bilong ol i kamap gutpela moa.

Em i tok ol i mas givim sapot namel long ol yet long ol komyuniti we ol i mekim wok long kamapim gutpela lo na oda insait long kantri.

Long dispela woksop ol i lukluk long wanem hap eria

bilong plis fos i gat problem i stap na we bilong mekim ol polisi na we bilong kamapim ol trening namel long fos bilong stretim ol problem.

Seif Sajen bilong Madang Paul Kipak i tok ol meri plis opisa tu i mas wok strong long plis fos.

Em i tok ol man plis wanwok i mas soim sapot long ol meri plis na dispela i ken helpim ol meri tu long strongim na kamapim gutpela piksa long

plis fos long kantri. Ol opisa husat i bin bung long dispela woksop em ol plis supavaisa, CID opisa, trafik opisa, ol opisa na ol narapela woklain bilong fos yet.

AusAID i bin givim K9,000 long fandim dispela woksop bilong karamapim balus fea, ples bilong silip na poket mani bilong ol opisa i kam long woksop.

Dispela mani i karamapim tu woksop yet.

## Inspekta tok edukesen rifom i no wok

WANPELA Praisimari Skul Inspekta long Madang i tok em bai i no inap tok sori long ol toktok em i mekim we i egensim gavman long ol edukesen rifom long kantri.

Issac Sikit em i wanpela skul inspekta long Walium Praisimari long Madang na em i bin toktok olsem gavman i hariap tru long kamap rifom na dispela ol edukesen rifom i no kamap gut.

Em i bin mekim sampela toktok long las wik olsem gavman i no stretim gut we bilong ol rifomi ken kamap gut long ol skul bikos ol skul i no redi yet long kisim ol edukesen rifom.

Mista Sikit i sanap strong long toktok bilong em taim Nesanel Sekretari bilong Edukesen Dipatmen i bin askim em long tok sori long ol toktok em i bin mekim egensim wok bilong edukesen rifom.

Mista Sikit i tok em i no rabisim edukesen rifom bikos rifom i kamap long stap olgeta long kantri tasol em i laik bai dispela ol rifom i ken kamap long olgeta provins long kantri.

"Nesanel gavman na edukesen dipatmen i mas givim mani long strongim na sapatim dispela ol wok bilong edukesen rifom insait long kantri," Mista Sikit i tok.

Em i tok sapos ol i kamapim nating ol rifom na lusim tingting long ol rifom i go olsem wanem bai hevi i kamap long we bilong kamapim ol rifom nabaut.

Mista Sikit i no sori lon toktok em i bin mekim.

Toktok bilong Mista Sikit tu em narapela lidaman tu i sapatim.

Bruce Samban em bipo primia bilong Is Sepik provins na em i tok i gat tupela samting we i gat rong long ol edukesen rifom long kantri.

Em i tok namba wan em karilulam o material bilong lainim ol studen i mas stap long go wantaim rifom na namba tu em gavman i mas givim mani long sapatim ol rifom.

Mista Samban i amamas olsem Mista Sikit i tokaut long dispela rong we i kamap long edukesen rifom insait long kantri.

## Memba tok yumi mas helpim gavman

### WILLIAM NATERA i raitim

PIPEL bilong Papua Niugini i mas wokbung wantaim na ol i noken stap nating na lukluk tasol long kamapim ol kain developmen insait long kantri.

Dispela toktok em memba bilong Sumkar Open Mathew Gubag i bin mekim taim em i bin givim medel long ol lain long independens de long Karkar Ailan.

"Taim bilong mipela long sindaun na lukluk tasol em i pinis," Mista Gubag i tok.

Em i tok nau em taim bilong ol pipel long tingting gut na helpim ol yet na maski long lukluk long han bilong gavman tasol long helpim ol long ol kain sevis bilong bringim gutpela sindaun i kam insait long kantri.

Mista Gubag i tok sampela pipel long komyuniti i no save kaikai na silip gut na ol i save tingting long mekim wok long helpim ol pipel bilong ol na dispela kain tingting em yumi olgeta i mas gat long strongim kantri.

Em i tok planti yangpela manmeri long kantri i gat dispela kain tingting we gavman i mas mekim olgeta wok na ol i ken stap nating na wetim ol lida, papamama na komyuniti long mekim ol samting tasol ol i no save olsem wok em i stap long han bilong ol tu long helpim kantri.

Mista Gubag i tok ol yangpela i mas lusim pasin bilong dring bia na simok spak brus na ol i mas tingting gut olsem dispela kain pasin i no helpim ol.

Em i tok sampela yut i save askim mani tasol ol i no save yusim ol dispela mani long mekim moa mani bilong ol yet.

"Maski long kamap man o meri bilong askim askim tasol, yu yet i mas wok long helpim yu yet," Mista Gubag i tok.

Em i tok graun bilong mipela i gutpela na sapos ol pipel i tingting long putim han bilong ol i go insait long graun bai mipela i nogat dispela hevi we planti pipel i nidim mani na raun nating.



**MOROBE PROVINCE  
AGRICULTURAL SOCIETY INC.**  
i laik toksave long ol singsing grup bilong ples husat i tingting long stap insait long 2001 Morobe So Singsing olsem ol i mas rejista nau. Ol registresen fom yu ken kisim long: The Professional Real Estate Opis 5th St, Lae.  
**Olgeta registresen bai pas long Oktoba 7th.**  
**Fax: 472 5141 - Tel: 472 2887**  
**Morobe So Singsing Tumbuna, 28 Oktoba .**

**Morobe So**  
**26th, 27th na 28th Oktoba**

COCA-COLA  AMATIL  
PAUA NEW GUINEA



## Wenge tok pipel i prea na lida i kamap

GAVANA bilong Morobe Mista Luther Wenge i tokim ol pipel bilong Kabwum olsem mipela lida bilong gavman em kaikai bilong prea bilong yupela pipel long 1997 na long pre bilong yupela bai nupela lidas bai kamap bhain.

Developmen em i no rot, skul na haus sik tasol. Ol bikpela developmen em ol pikinini bilong yupela i kamap kainkain wokmanmeri na karim wok bilong kantri long sios, gavman na bisnis.

Olsem Bisop Getake Gam, jas Don samting na arapela ol kainkain wok.

Olsem na no ken lusim developmen

long wanpela rot tasol na bagarapim mipela ol lida na gavman.

Mista Saonu na Mista Wenge i bin wokabout wantaim Mista Nakalip na ol i givim K14, 787.00 long Maladum ed pos, tuwe redio K10,000.00 long Sagiama komyuniti skul na K2000.00 long Takngawe paris opis.

Ol lias bilong sios na ol kaunsila wantaim pipel i amamas na i tok tenkyu long tripela lida wantaim ol opisel bilong Seko LLGC ol i kamap long dispela opening bilong Takngawe paris opis long Kabwum distrik long mun Septemba, dispela yia.

## Tupela Luteran seminari kamapim patnasip program

TUPELA seminari bilong ELC PNG Martin Luther Seminari (MLS) na Logaweng seminari long Morobe provins bin holim patnasip program long Lae.

Program bin kamap na MLS SRC presiden Steven Waina, i tok olsem dispela em i namba wan taim kain program wok bung i kamap.

Bikpela as tingting bilong tupela seminari i holim projek em ol sumatin i mas save long ol yet na tu, kisim moa skul long save moa long sakaramen, bilip bilong sios na ol ken autim gutnius bilong bikpela i go long ol arapela kristen manmeri.

Dokta Kemung Zeniakae MLS prinsipel tok amamas long kain program bin kamap. Prinsipel tu tok olsem dispela kain pasin nau ol seminari bung wantaim em gutpela.

Mista Waina tok i gat plen olsem arapela seminari bilong Luteran olsem Ogelbang tu bai stap long kain program olsem.

## Nupela Beroleki Tieta Grup long Lae siti

### DAPSY MINGKA i raitim

WANPELA Tieta Grup Beroleki bilong Lambutina viles long Sio hap long Finsafen Morobe provins i stap long Lae siti.

Dispela tieta grup ol i statim long 2-pela mun i go pinis. Siaman na deputi bilong dispela Beroleki Tieta Grup Mista Veta Mandi i tokim Wantok olsem. Planti bilong ol wanwan tieta grup bilong Lae siti tieta ats ol i laik strongim ol yangpela we ol i mas lainim pasin bilong tumbuna, bikos long dispela taim pasin bilong tumbuna i

wok long dai..

Mista Veta Mandi i tok planti bilong ol yangpela ol i no save long Singsing tumbuna na tu ol i no save long wokim krafts afeks olsem ol kundu na garamut na ol kaving na bilas bilong ol singsing tumbuna.

Mista Mandi i tok dispela tieta ats em i foma tieta grup bilong Sio long Lae siti na wanem hap long ol provins ol i mas luksave long pasin tumbuna bilong ol na holim dispela pasin kalsa bilong ol mas i stap laip long olgeta yangpela manmeri long bhain taim.

# Morobe gavman helpim Lae so, Ilektrol Komisen na Morobe Turis

### DAPSY MINGKA i raitim

LONG Tunde, Septemba 4, 2001 Morobe Provinsal Gavman Edministra Manasupe Zurenuoc na Gavana Luther Wenge i wokim wanpela presentesen bilong Morobe So na Morobe Turisim Bireu wantaim Ilektrol Komisen Opis.

Gavana Luther Wenge i tok amamas long bos meri bilong

Morobe Turisim Bireu Mis Sheryl Guthrie na givim ol K20,000.

Songang Wenge i tok long agrikalsa so olsem Morobe provins i mas go het yet long lukautim ol agrikalsa samting na ol wok didiman na ol planti wok agrikalsa na dispela em provins bilong agrikalsa.

Mainin bai pinis olsem na yumi mas go het yet long agrikalsa bilong yumi na dispela yia 2001 no ken go nating,

Mista Wenge i tok.

Mipela mas go yet mekim yus long Morobe So. Siaman bilong Morobe kalsa So Mista Mike Quinn i tok amamas. Mista Mike Quinn i tok Lae so em i bikpela So winim arapela provins.

Morobe Turisim Menesa bosmeri Sheryl Guthrie i tok amamas na tenkyu tu long Gavana Luther Wenge long gutpela helpim bilong em. Olsem na mi ken wok bung

wantaim gavana bilong yumi long Morobe provins Luther Wenge long singautim ol turis bilong ovasis i kam long Lae long Morobe Kalsarol So.

Luther Wenge wantaim edministreta Manasupe Zurenuoc i givim K20,000 sekmani i go long So Sosaiti.

Morobe Provinsal Ilektret opis i kisim K316,000 long kari-maut wok bilong stretim ol nem long komon rol buk.

## ANGLICAN CHURCH OF PAPUA NEW GUINEA

### ANGLICAN HEALTH SERVICE - NATIONAL HEADQUARTERS

Tel: (675) 329 7405

Fax: (675) 329 7889

e-mail: ahsppop@global.net.pg

P.O. Box 245

POPONDETTA, Oro Province

Papua New Guinea

### Job Vacancies

#### 1. Church Health Secretary Highlands Region

Responsibility for 1 HC, 3 HSCs, 1 AP. and 23 staff. Based at Koinambe, Jimi District, Western Highlands to regularly visit each centre; to monitor service; guide staff; liaise with communities and support VBA and VHA programmes.

Applicants must have 2 years experience as OIC or equivalent; excellent financial management and interpersonal skills; enthusiastic and innovative approach to improving the health of people living in isolated communities.

#### 2. Principal 3. Tutor

#### St Margaret's School of Nursing, Popondetta, Oro Province

Responsibility for management and development of the only CHW training school in Oro Province with 43 students and 4 staff.

Applicants should be energetic and enthusiastic about the role of CHWs in the improvement of health in rural communities, 2 years Tutor experience and teaching qualification.

#### 4. Projects Officer Popondetta, Oro Province

To work with the Church Health Secretary in the management of the service and in developing, implementing and monitoring innovative approaches to improving the health of rural communities. Must have good admin skills and be able to travel. Requires Registered HEO and Registered Nurse.

Further information from Peter Rookes, National Health Secretary, Anglican Health Service, P O Box 245, Popondetta, Oro Province. Fax: 329 7889, Phone 329 7405.

Enclose your contact fax/phone number.

# Amerika na wol mas skelim gutpela rot long daunim teroris pasin

**Veronica Hatutasi i raitim**

MAN i nogat fridom i olsem man we ol i rausim bikpela samting we i save mekim em i man tru na tu long stap na wok bilong em wantaim God husat i papa bilong olgeta samting. Olsem ol man i pikinini bilong God, ol i singautim yumi long kamap fri (Galasen 5,13)

"Yumi mas wok hat long fridom yumi gat long en na long em bai stap. Dispela em wankain fridom we i bin strongim saveman bilong Gemeni em Johann Wolfgang von Goethe long raitim long buk bilong em olsem "Fridom em i naispela wod. Tasol husat bai kisim gut ful mining bilong em? Fridom bilong ol lain i fri em wanem samting. Em i wokim gutpela pasin, jastis) na wokim gut"

"Yumi mas sanap wantaim na go het long wokim dispela", Nunsio em man husat i makim hetman bilong Katolik Sios long PNG Bisop Hans Schwemmer i bin tok long las Trinde insait long memoriel sevis ol bin holim long Sen Mary's Katolik Katitrel long tingim ol tausen pipel i bin bagarap long Amerika long Septemba 11 tasim ol teroris o man nogut i karimaut operesen egensim Amerika. Na tupela bikpela Wol Tred bilding Twin tawa long Manhattan Nu Yok na Pentagon long Washington i pundaun taim ol teroris i bamim tripela balus long ol bilding ya.

Olgeta pasindia long foapela balus we ol man nogut i bin haijekim na bamim i bin dai tu wantaim ol dispela long ol bikpela moa long 100 stori bilding husat i bin wok na i save stap long ol dispela bilding. Mak bilong ol i dai long foapela balus na tupela Twin tawa i winim 6,000. Liklik lain em ol i painim tasol planti tausen em ol i lus insait

long ol pipia bilong bilding na ol i wok long painim ol yet. Planti tausen moa tu i kisim bagarap. Ol ripot i tok moa long 40,000 pipel i bin save wok long tupela Twin Tawa na Pentagon bilding em hetkota bilong US Difens we ol teroris i bin bagarapim tu long dispela

birua bilong Septemba 11. Katolik, Yunaitet na Angliken Sios i bin stap insait long dispela kombain sevis na planti pipel we i gat long em Praim Minista, ol palamen memba, ol bikman long gavman na praivet sekta, ol embasi na pablik i bin stap long en.

Haus lotu i bin pulap gut tru.

Nunsio taim em i autim tok sori long ol pipel bilong Amerika, ol famili na hauslain bilong ol i bin dai na ol dispela i kisim birua i tok yumi sanap wantaim ol long lukim jastis i mas kamap long ol dispela teroris i kamapim hevi ya.

Em bin tok wok long painim ol dispela teroris i mas kamap long gutpela pasin na ol i ken ansa long dispela birua nogut stret ol i kamapim long man, fridom, jastis na gutpela pasin. Em i tok tru dispela birua ol i wokim i nogut tru tasol i no gutpela long sutim tok long olgeta lain.



• Nunsio - Bisop Hans Schwemmer na Asbisop Brian Barnes long memoriol sevis.

## Noken bekim birua wantaim birua

**Veronica Hatutasi i raitim**

"YUMI askim yumi yet ol wanem kain man i laik wokim dispela kain birua long ol narapela na watpo tru?" Asbisop Brian Barnes bilong Por Mosbi Katolik Asdaiosis i bin wokim dispela toktok long memoriel sevis bilong mao long 6,000 pipel husat i bin dai long birua we ol teroris o man nogut i bin kamapim long Septemba 11 long Washington na Nu Yok insait long Amerika.

Em bin tok yumi bung long pre na serim sori na belkros we ol pipel bilong Amerika i pilim long planmti tausen bilong ol famili, pren na hauslain husat i bin dai long birua. Ol i no bilong Amerika tasol sampela i bilong ol arapela wol kantri husat i save stap na wok long Nu Yok na

Washington tu. Na sampela i bin stap long foapela balus we i wok long ron lusim Amerika long dispela taim na ol teroris i haijekim.

Asbisop i tok wol i kirap nogut tru long dispela kain birua i kamap long Amerika na i wok bilong liklik strongpela lain Islam daihat.

Long skelim wantaim PNG, Asbisop i bin tok "nius long PNG long olgeta wik i save givim yumi long ol nogut birua i kamap long olgeta hap bilong kantri. Planti taim yumi kirap nogut, moa

yet taim yumi save long ol i dai long dispela kain hevi long han bilong ol birua. Vailens tru em i no gutpela samting i save kaamp planti taim long PNG," Asbisop i bin tok.

Tasol em i tok dispela i kamap long Amerika em i kamap long bikpela mak na i nogut tru. Em bin kamap long planti tausen inosen manmeri na pikinini.

Em bin tok sampela lain i bin plenim gut tru dispela birua.

Em i tok taim dispela samting i kamap, hariap tru tingting bilong man bai

i sut long peimbek olsem dispela hap tok "wanpela man i rausim ai bilong yu, rausim narapela. Wankain tu long tit, wanpela i rausim tit, yu tu i wokim wankain". Dispela i gat gutpela saun long em. Bekim Bekim em Melanisen pasin bilong stretim hevi. Tasol Jisas i tok yumi noken bekim wankain na pasin nogut wantaim wankain samting. Yumi mas lain long tok nogat long vailens. Dispela em wanpela hatpela lesan yumi lainim long Bogervil," Asbisop i bin tok.

## Rot we Sen Mary's Peris kamap long en

**Helen Rei i raitim**

SEN Mary's Angliken peris na sios long Gerehu, Mosbi i olsem bebi stret bilong ritaia Asbisop David Hand. Em yet i bin statim ol bung, givim nem bilong sios na makim namba wan peris pris Pater Peter Fox nau husat i kamap olsem Bisop bilong Pot Mosbi Angliken Daiosis.

Taim Pater Peter i bin kamap long Mosbi long 1980, i no bin wanpela samting tasol ol pipel husat i sios. Pater Peter i bin save slip wantaim ol wanlotu na sampela taim long komyuniti senta bipo ol i bin sanapim peris haus pater. Long Septemba 7, 1980ol bin wokim namba wan sevis long hap graun long Tarumana Avenyu na long Mas 29 1981, Bisop Hand i bin blesim haus i no pinis gut yet long dispela hap graun. Long Ista Sande bilong sem yia, ol bin holim namba wan sevis long haus lotu we ol i wokim long ol samting bilong bus.

Dispela em bipo Pater Peter i bin go long Inglan long marit.

Taim em na meri bilong em i kam bek long mun Ogas, pamanen haus ol i wok long en yet i no pinis. Ol i stap long en na long dispela taim tu, namba wan pikinini bilong ol i bon.Kongriksen i wok long kamap isi isi, na straksa bilong peris tu. Na long dispela taim tu,ol i kirapim Mada's Yunien Long 1993, peris i wok long kisim ol envelop wantaim helpim tasol dispela i no inap na long tyia i kam, Pater peter i bin kamap olsem Seketeri bilong Daiosis. Long Novemba 1984, Pater Peter i bin go bek long Inglan na long dispela taim bikpela sori i bin kamap long ol perisina.Long Adven Sande, Bisop i makim Pater Titterington long lukautim Sen Mary's peris. Sios i wok long yusim haus ol i wokim long ol bus metiriel tasol dispela i egensim lo bilong taun. Presa nau i stap long sanapim pamanen haus lotu. Ol i putim ol liklik mani long dispela wok tasol long namel bilong 1986, ol moni pinis long peim Hornibrooks kampani husat i sanapim ol faundesen bilong bilding.

Ol perisinas i save helpim long karimaut ol wok bilong sanapim sios na wantaim helpim mani ol i kisim long London, wok i pinis.

Bisop Isaac Gadebo i opim na blesim nupela sios long ai bilong moa long 3,000 pipel. Long Mas 3 1981 ol i rausim olpela sios haus long mekim rot bilong nupela bilding, long tasim bilong bikpela ren na klaut i pairap.

## Pot Mosbi Angliken Sios gat nupela Bisop

**Helen Rei i raitim**

POT Mosbi Angliken Sios i gat nupela Bisop tasol em bai kisim wok long neks yia olgeta.

Nem long nupela bisop em Reveren Peter Fox husat i bin wanpela foma misineri long kantri.

Ol bin autim nius long dispela bihainim wanpela bung we komiti bilong makim bisop bilong Angliken Sios i bin holim long Haus ov Bisops long Septemba 4.

Seremoni long makim em olsem bisop bai i kamap long neks yia Februeri.

Pater Peter i holim wok olsem Jenerel Seketeri bilong Melanisen Misin Rekta long Harpsden, Oxfordshire long Inglan. Tasol long 1979 inap long 1985, em bin mekim misinari wok long PNG we wanpela long ol samting em i wokim em long bildim nupela peris na sios long Sen Mary's Gerehu Iorig

Mosbi. Siaman bilong PNG Sios Patnasip Paul Richardson i tok em i gutpela sios i tingim gutpela wok we Pater Peter i bin wokim na ol i singautim em i kam bek long PNG.

Pater Peter taim em i toktok lng telipon i tok em i amamas long kam bek na wok long PNG.

Bisop ilek na meri bilong em i gat tripela pikinini man. Ol bai kam wantaim upela na ol bai skruim skul long Mosbi. Namba wan pikinini em David Robert em mama i bin karim em long Mosbi long Julai 1983 long Por Mosbi Jenerel haus sik. Manki ya i gat 18 krismas na em i wok long beng taim narapela tupela i skul yet.

Taim ol bin stap long Sen Mary's Peris long Gerehu, meri bilong em Angie i bin helpim long kirapim Mada's Yunien long peris. Nau long London, em i wok olsem manesa long pos opis.long Henley on-Thames.

Mama i bin karim Pater Peter

long Julai 1952. Papa bilong em i wanpela Angliken Pater. Em bin kiism skul long King's Kolis long London Yunivesiti. Em bin graduet long 1974 na bihain go long Sen Augustine Tiolojikel Kolis long Kenteberi. Long 1975 em bin kamap dikon na foapela krismas em bin wok olsem kureta long Norwich daiosis long Inglan. Long 1976, em bin kisim odinesen long kamap pater.

Long Septemba 1979 em bin kam long PNG long wok olsem wanpela misinari pater.

Em bin wok long Popondetta Daiosis, Balob Tisa Kolis long Lae na Nambaiyuba long Isten Hailens. Long Februeri 1980, em bin kam long Mosbi na ol i opurim em long lukautim Sen Mary's Angliken Sios long Gerehu.

Em bin kirapim dispela peris we pastaim em i go long en, i no bin gat haus pater, nogat sios, nogat ka samting. Tasol em bin wok hat long karimaut ol fan resing long kamapim wok long

peris. Taim em i stap long Mosbi, em bin stap long provinsel kaunsel, daiosisin sindon na ol arapela sios komiti, antap long wok em bin gat olsem peris pris bilong Gerehu Sen Mary's. Long namel bilong 1980, em bin go bek long Inglan na maritim Angie na kam bek.

Long Desemba 1984, bihain long em i wok long sait bilong Bisop Gadebo, em bin go bek long Inglan. Long hap em bin wok long planti pris insait long Exeter Daiosis. Long 1995 ol bin makim em jenerel seketeri bilong Melanisen Misin. Dispela em Misin ejensi i lukautim Angliken Sios long Solomon Ailan, Vanuatu na Nu Kaledonia. Dispela wok i bin kisim em i kam klostu long PNGSios Patnasip long Yunaitet Kingdom. Mekim na em bin kam raun long PNG gen.

Pater Peter bai kisim ples we Bisop Michael Hough i bin lusim wok ya long go bek long Australia long Desemba 2000.



### God Em i Nambawan King

God i stap namba wan long bikpela miting long heven. Ol hetman i bung na God i tokaut long tingting bilong en. Em i tok olsem, "Yupela i save kot giaman na i no stretim tok. Na yupela i save grisim ol man nogut. Yupela i mas helpim ol rabisman na ol pikinini, papa bilong ol i dai pinis. Na ol man i karim hevi na i no i stap gut, yupela i mas mekim gut long ol. Ol manmeri i stap nogut na i sot long ol samting, yupela i mas kisim bek ol long han bilong ol man nogut. "Yupela i no gat save, na yupela i long long tru. Yupela i save wokabaut long tudak, olsem na ol manmeri i no save bihainim stretpela pasin. Tasol bai yupela i dai wankain olsem ol man i save dai. Bai laip bilong yupela i pinis, olsem laip bilong ol pikinini bilong king i save pinis".

Buk Song 82: 1-5, 7



# Kastom na man daunim ol meri

## PEKU PILIMBO i raitim

PASIN kastom long planti hap bilong i kantri i save daunim ol meri tru na putim man olsem em i gat namba.

Dispela kain tingting bilong ol pipel i mekim na ol meri i stap olsem pipia na i no save mekim wok gut.

Planti taim ol man i save tok "yu meri nating, nogat save bilong yu", dispela kain

toktok na pasin i save daunim ol meri tru.

Dispela ol toktok i stap insait long wanpela buk we i lukluk long daunim hevi ol meri i save gat insait long ol komyuniti.

Buk i ripot olsem planti meri i save stap wantaim pret olgeta taim bikos ol man i save pretim ol. Ol meri ya i no save mekim wanpela wok long kamapim developmen bikos ol i pret tumas.

Ol man save paitim ol meri

nating na pretim ol olgeta taim.

Pasin kastom i mas senis bikos taim pikinini i kamap, namba wan askim em "em pikinini man o meri" na skelim tupela long dispela taim.

Pipel i save putim meri long wansait na man long nara-pela sait na skulim ol long kankain pasin.

Ol man i ting ol moa yet na meri kisim skul long stap pret long man.

Planti kastom i no gutpela

bikos ol i daunim meri tumas. Ol man i laik soim pawa bilong ol na ol i save pretim ol meri.

Pasin bilong man na kastom i mas senis.

Ol mama yet mas kisim skul long skulim ol yangpela pikinini man long respekim ol meri.

Asua i stap long ol mama na ol i mas kisim skul long luksave olsem ol i pilaim bikpela pat long laip bilong ol yangpela.

# Man Morobe dairekta bilong Luteran helt sevi

## HELEN REI i raitim

LUTEREN Sios bilong Papua Niugini i gat wanpela nupela dairekta bilong ol helt sevi bilong sios.

Dispela nupela man em Abraham Yapu na em i bin toksave long Morobe provins. Dispela apoinmen bilong Mista Yapu em ol i bin toksave long wanpela bikpela bung bilong sios long Hagen las yia.

I gat planti komiti i stap insait long ol wok Luteran sios i save mekim long kantri na ol dispela komiti i bin bung na mekim Mista Yapu na sios bod kaunsil i bin tok orait long dispela.

Mista Yapu i kisim opis bilong em long dispela yia Julai na em i bai stap long foapela yia tem.

Wanpela hap wok bilong em long lukluk long ol wok bilong ol provinsal helt administresen

long foapela distrik.

Dispela ol distrik em Morobe, Madang, Sepik na Hailans. Madang i save kamapim Niugini Ailans tu.

Mista Yapu bai tok-tok wantaim ol administreta na kodinetim wok wantaim PNG Mekikel Kaunsil. Ananit long Nesanel Helt Plen bilong 2001 i go 2005 ol wok bilong helt i mas go wantaim dispela ol plen.

Narapela wok Mista Yapu i mas mekim em long toktok wantaim ol ovasis patna long mekim ol wokbung. Na tu em i wok wantaim ol helt skul olsem nesening na ol

narapela skul long helt wantaim.

Mista Yapu bai gat pawa tu long mekim sampela rekomendesen i go long Sios Helt Bod sapos i gat nid long kisim moa wok lain long helpim em o long daunim namba bilong ol lain wok wantaim em.

# Faipwela Pomio skul kisim K6 milien helpim

## PEKU PILIMBO i raitim

FAIWPELA praimer skul long Pomio insait long Is Niu Briten Provins i kisim helpim pinis.

Is Niu Briten Gavana Leo Dion, Edministreta Aquila Tubal na memba bilong Pomio FRancis Koimanrea i kisim klostu long K6 milien i kam long PNG Insentiv Fan.

Mani bai go bilong stretim skul olsem Guma, Pomio, Malakur, Makean na Uvol. Ol dispela skul i kamap top-ap skul na bai kisim nupela klasrum, domitori, toilet, opis, laiberi, haus kaikai na kuk, pawa na haus na planti arapeal samting moa.

PNG Insentiv Fan i

lusim pinis mani inap klostu long K43 milien pinis 8-pela projek na tupela projek bai kisim helpim klostu.

Fan ya i wanpela han bilong AusAID. AusAID i save helpim wantaim mani, saveman na tu mekim olgeta wok na mani i save go bek long ples bilong ol yet. Tasol PNG Insentiv Fan i traim long gimv mani bai olgeta manmeri long kantri yet i ken ronim ol projek.

Tasol long kisim helpim mani, grup bilong yu i mas gat bikpela tingting long gimv sevis i go long olgeta manmeri bilong komyuniti.

Grup i mas gat gutpela rekot olsem em i bin gimv pinis gutpela sevis na planti manmeri i kisim helpim

pinis.

Grup ya i mas gat gutpela rekot long sait bilong lukautim mani. Ol opisal bilong PNG Insentiv Fan bai lukluk long amas mani i stap na wanem kain sevis i kamap long dispela mani.

Tim Lida bilogn PNGIF Bill Hamblin i tok olsem ol i helpim pinis 10-pela projek. 8-pela projek long kantri i kisim pinis helpim mani na tupela bai kisim bilong ol klostu.

Ol projek we kisim helpim pinis em Divain Wod Yunivesiti, Salvesen Ami, Porgera Menesa Menesmen kampani, Niu Briten Oil Pam, UPNG, Marianvil Hai Skul na nau mani bilong ol skul long Pomio distrik.

Minista Kaunsela

bilong Australia Hai Komisn Margaret Regnault i tok amamas olsem administresen bilong Is Niu Briten i gutpela tru.

Em i tok ol i gat gutpela menesmen na save gimv sevis long ol pipel olsem na dispela mani bai go long ol.

Pomio i wanpela distrik we nogat divlopmen na dispela mani bai helpim ol.

Edministreta Aquila Tubal i tok amamas long ol i luksave long gutpela menesmen provinsal administresen bilong ENBP.

Em i tok dispela mani bai ol i holim long tras akaun na bai go stret long olgeta skul bilong Pomio distrik.

Gavana Dion i tok amamas tu long

Australia long kankain helpim em i gimv long provins bilong em.

Em i promis olsem wanem samting ol i gimv bilong ol pipel bai go stret long ol pipel.

Planti provins long kantri i gat hevi lognkamapim rifom tasol ENBP i orait. I no long taim i go pinis olpela Gavana na nau memba bilong Pomio i bin askim Palamen olsem bilong wanem rifom long eria bilong ol i no wok.

Ating gutpela wok bilong ol lida na nau Gavman bilogn Australia i luksave na gimv moa helpim ol.

Aging olgeta lida long kantri i wok olsem ol opisal bilong ENBP gavman, ating yumi pipel inap lukim planti senis pinis.

# Yunitek opim nupela forestri bilding

## P. TALI i raitim

NESENEL Gavman nau bai wok klostu long strongim wok bilong Forestri Deputi Praim Minista na Fores Minista Michael Ogio i tok.

Fores Minista Mista Ogio i tok gavman bai wok long tupela polisi em domestik prosesing

polisi na rifestesen polisi.

Em i tok wok bilong fores bai go moa yet bikos wok bilong em i gat moa risos nid long em.

Dispela bilding nau ol i opim ol kolim Sir Philip Siaguru bilding bihain tasol long Pro Vais Sansela Philip Siaguru i go pas long Forestri Edukesen long kantri na Yunitek tu.

Mista Ogio i bin tok dispela

bilding mani kos olsem K48 milien. Yunitek Studen edministreta i tok strong long ol mas lukautim dispela bilding na yusim gut long skul wok bilong ol.

Mista Ogio i salensim ol staf tu olsem dipatmen bilong fores i ams kamapim ol save man mekim long painim wok bilong fores long lainim ol samting.

Bilding mani i kam long Australia gavman long ejensi bilong AusAid. Ananit long Humen Risos Developmen Projek.

Het bilong H. Risos Developmen Projek Dokta Frank tu i bin stap na witness dispela de bilong gimv ki bilding go long Yunivesiti Vais Sensela Mista Baloioli.

# Yut mas tingting gut long neks yia

PRESIDEN bilong Mendi Uban Yut, John Mombulu i tok ol yut long Sauten Hailans provins mas noken harim ol kankain gris tok-tok ol kendidet bilong neks yia jenerel ileksen i mekim long ol.

Mista Mombulu i tok planti ol yut i save harim toktok bilong ol kendidet tasol ol i no save olsem ol politisen i save yusim ol nating long strongim set bilong ol yet.

"Amas taim bai mipela ol yut i painim hevi taim mipela i harim giaman toktok bilong ol politisen. Planti taim mipela i save pait namel long mipela yet mipela i bin harim ol giaman toktok bilong ol politisen," Mista Mombulu i tok.

Em i tok yet olsem neks yia bai wanpela bikpela yia bikos planti ol skul lain na ol bisnisman bai i laik sanap long ileksen na planti milien kina bai stap long olgeta hap.

Planti kendidet bai yusim mani long baim vot bilong ol yangpela pipel tasol ol yut i mas askim ol yet sapos dispela em i gutpela pasin long votim man bikos long ol i guria long mani bilong ol.

Mista Mombulu i tok namba bilong ol yangpela vota long ples i antap tumas na sapos ol yangpela i bihainim mani bilong ol kendidet bai ol i makim ol rong lain tru long go long palamen.

Em i tok taim ol yut i gimv olgeta sapot bilong ol i go long ol kendidet na ol i go kamap memba ol i save lusim tingting long ol wari bilong ol yut na ol yut i noken poinim pinga long narapela, ol i mas tok em rong bilong ol yet.

Mista Mombulu i tok yet olsem dispela kain pasin bilong ol kendidet i save yusim ol yut i mas stap na ol yut i mas tingting gut taim ol i laik votim man we i tru tru gutpela lida. Ol i mas tingting long pasin na wok ol lida i save mekim na tu ol i noken lukluk long save na mani bilong ol man.

Nau em i taim bilong ol yut long lukluk gut na makim man we bai helpim ol long wanem kain wok ol i laik mekim na maski long olpela pasin long kisim gris mani na harim ol gris toktok nabaut.



• Ol skul meri bilong Simbu i danis long Boreboa praimer skul long Independens wik.



# UPNG kamapim gutpela plen long helpim skul

YUNIVESITI ov Papua Niugini (UPNG) i mekim wanpela bikipela plen long kamapim ol bisnis bilong em yet we bai i lukim mani i go bek long skul long helpim skul.

Sampela bisnis i stap long yunivesiti em sampela kontrakta i save mekim tasol yuni edministresen i luksave olsem dispela ol bisnis em ol yet i ken mekim long kism mani i kam insait long helpim skul.

Wanpela bilong ol dispela bisnis em buk stoa bilong

yuni we kontrakta i save kism saplai na salim ol buk i go long ol studen.

Edministresen bilong UPNG bai kolim nem bilong ol dispela projek 'Yunivesiti Bisnis'.

Long ol dispela bisnis bai ol studen husat i stadi long bisnis long UPNG yet i ken wok-bung wantaim long ranim ol bisnis na helpim skul.

Planti toktok i bin kamap namel long ol bisnis sekta na ol i laik helpim long givim wok long ol bisnis studen tasol ol i laik bai UPNG i mas kamap

wantaim ol studen we i gat gutpela moa save na wankain olsem ol yunivesiti long narapela ol kantri.

Narapela senis long UPNG tu em long senisim lo we i save givim rait long ol studen lida long makim maus bilong ol studen.

UPNG Vais Sensela Profesa Les Eastcott i tok UPNG edministresen Kaunsil i mekim planti toktok long ol i mas senisim ol lo we i givim rait long ol studen lida long mekim ol toktok na makim maus bilong ol studen long

mekim ol samting olsem protes na mas nabaut.

Profesa Eastcott i tok dispela senis i no bilong stapim rait bilong ol studen long toktok long wanem samting ol i bilip long em tasol ol i mas senisim bikos i gat nid long ol i mas traim long kontrolim kain lo we planti i no save yusim gut.

Ol lo i stap tasol wanwan tasol i no save bihainim na mekim ol pasin we i soim gutpela lidasip olsem na senis i mas kamap long stretim dispela.

Helpim plis na holim ol kalabus lain

OL HAP HAP  
nius

26 kalabus lain i bin ronawe long Bomana haus kalabus long Mosbi i no gutpela nius tru. Sampela bilong ol dispela kalabus lain em ol man nogut wantaim nem nogut bilong ol bikipela trabel. Sampela i bin kism laip yia kalabus long ol bikipela sas tru. Olsem na plis wantaim ol woda imas hariap mekim gutpela wok long traim holim ol dispela lain ya.

Taim ol kain man olsem i ronawe na hait raun long komyuniti, ol i ken pretim gutpela sindaun bilong ol gutpela manmeri na ol trabel na bikhet pasin inap kamap bikipela moa gen.

Ol pipel insait long komyuniti tu i mas pret long dispela lain na helpim plis long tokim ol long wanem hap ol lain ya i hait i stap. Maski em famili bilong yu, bringim em i go bek long han bilong lo bikos sapos yu larim em istap, bai em i mekim trabel na bagarapim gutpela sindaun bilong yu yet wantaim famili na tu bagarapim gutpela sindaun bilong ol arapela manmeri.

Sapos yu laik helpim dispela famili bilong yu long kamap gutpela man bihain, yu mas larim em i go bek na sevim taim bilong em long kalabus bai taim em i pinis na kam aut, em bai no inap tingting long go bek moa long kalabus. Em bai senisim pasin na sindaun gut bikos em bai save olsem kalabus i no wanpela gutpela hap bilong stap.

Yumi olgeta i gat wok long helpim ol plis na ol woda long holim ol dispela kalabus lain na putim ol i go bek long banis kalabus.

Noken larim ol, nogut ol bai bagarapim sindaun bilong yu na mipela olgeta.

## Ningil long Aitape bai gat nupela klinik wod

NINGIL helt senta long Yangkok sab distrik bilong Aitape, Sandaun provins bai gat wanpela nupela klinik wod bilong em yet klostu taim. Wok i stat pinis na i luk olsem bai dispela nupela wod bai pinis bipo long dispela yia i pinis.

Wok i stat bikos wanpela sista grup bilong Katolik sios ol i kolim Presentesen Sista, i lukim dispela bikipela nid long helpim ol pipel bilong Aitape wantaim dispela projek.

Dispela wod em i bilong helt senta yet na ol lokol asples wokman em wok long stretim na mekim wok long helt senta.

Amamas long mekim wok long helpim ol yet i mekim ol man bilong distrik yet i mekim wok long sanapim wod.

Taim dispela wod i pinis bai em i gat ples bilong ol mama save karim pikinini, aut pesen, intensip ke unit na opis spes. Presentesen Sista bilong Ningil i bin fandim dispela wok long helpim ol pipel bilong distrik.

Dispela ol sista i bilong Katolik sios na ol i save stap long hap.


I tru ol sios i wok long go pas long mekim planti wok we gavman i no mekim long wok wantaim ol pipel na sevim nid bilong ol pipel wantaim dispela kain ol developmen we ol pipel i laikim tru.

Bikos ol sios i stap klostu na save long hevi bilong ol pipel ol i save givim kain helpim we ol pipel i nidim tru.

Na tu sampela graun i stap redi pinis long wok long stat long nupela wod gen. I gat plen tu long ol i mekim ol haus bilong ol helt wokus tu long sem ples tasol.

Sampela ripot i kam long ol wokman long eria i tokaut olsem taim olgeta dispela projek i pinis olgeta bilding bai kamap pat bilong Ningil Sab Helt Senta long Nuku distrik.

Daiosis bilong Aitape i gat 11-pela sab helt senta we Ningil tu i stap insait. Dispela ol senta i save karamapim Nuku na Lumi peris tu wantaim.



• Seeds tieta gup bilong Morobe i soim ol sain na toktok bilong Sik Aids. Dispela em wanpela awenes kempen bilong ol.

## Aweanes em gutpela long stapim kensa

SAPOS Papua Niugini laik stapim sik kensa long bagarapim ol pipel long kantri orait yumi mas noken sasim ol lain husat i sik wantaim kensa long mani taim ol i laikim ol helt wokus long sekim ol.

Dispela toktok em wanpela meri husat i mekim namba tu yia residensi trening long kamap dokta long Angau Memorial Haus Sik long Lae, Morobe provins.

Meri ya nem bilong em Vinoria Anjaga na em i skul long kamap dokta wantaim Yunivesiti ov Papua Niugini skul bilong marasin na em i mekim trening i stap long Angau.

Long wanpela pepa em i bin presenim i go long sampela dokta husat i save wok long kensa.

Em i tok dispela kain tingting we ol lain husat inap long baim ol sevis i ken go long sekim sapos ol i gat sik kensa long ol helt wokus i nogutpela tingting na dispela tingting i mas senis.

Mis Anjaga i tok gavman i noken tingting tumas long baim ol masin bilong sekim kensa we i bai mak long planti moa mani na nau tu ol masin bilong sekim sik kensa long kantri tu em nogat lain i yusim na i stap nating.

Sapos gavman i tingting long kirapim gen Kensa Unit long

helpim ol pipel bai ol lain husat i gat sik kensa bai wet longpela taim na bai dai nating na gavman noken mekim olsem.

Em i to edukesen na aweanes tasol i moa gutpela we bilong stapim sik kensa long kantri. Dispela tingting bilong em i bin kism sapat long planti moa ol studen husat stadi long kamap dokta na tu ol narapela helt wokus tu.

Mis Anjaga i tok kensa bilong maus em wanpela bikipela sik we i save bagarapim ol lain husat i save kaikai buai na namba bilong ol i wok long go antap yet long Morobe na Madang.

Em i tok rekot bilong sik i stap long Angau haus sik na em i tok long ol ripot em yet i bin painim long dispela ol ripot.

Long wanpela stadi we i bin kamap bipo ol i bin lukim olsem gutpela aweanes bai helpim long stapim sik kensa long kantri na dispela i mas go het yet.

Mis Anjaga i tok gavman na helt dipatmen i mas wok strong long mekim ol aweanes long kamapim ol piksa na pilai nabaut long helpim long strongim tingting bilong ol lain long tingting gut long sik kensa.

Planti i save pret long larim ol helt wokus i mekim ol operesen nabaut long ol olsem na ol i save larim sik i go bikipela na bagarapim ol nogut tru.

## Viles pipel lainim helt wok

WANPELA Komyuniti Bes Helt Senta (CBHS) long Tari, Sauten Hailes Provins i bin holim wanpela greduesen bilong em long Tigibi viles ausait long Tari taun. Dispela greduesen i lukim mak long 95 helt wokus i bin kism ol setifiket long kamap ol helt wokus.

Long dispela 95 lain, 53 viles helt volentia na 42 viles helt na developmen komiti i bin greduet na kism setifiket bilong ol.

Moa long 4,000 pipel i bin kam bung long dispela greduesen. Ol dispela greduet i bin pinisim wanpela kos we i kism 3-pela mun olgeta long pinisim we ol i skul long ol komyuniti helt program.

Nau em ol i gat save long helpim ol komyuniti bilong ol long wanem kain sik ol i save kism we ol i ken wok long stapim.

Kodineta bilong projek Joseph Warai i tok CBHC em i wanpela program ol i kamapim long ol pipel long viles komyuniti i ken kism save long we bilong stapim ol kain sik we i save kamap long komyuniti.

Em i tok planti bilong ol sik ol viles lain i save kism i no bikipela tasol i save kism bagarap bikos ol i no save stapim hariap taim em i save stat olsem na sik i save go bikipela. Taim komyuniti i gat ol manmeri husat i save long helpim long stapim ol dispela sik bai i gat gutpela helti komyuniti.

Dispela program em sios bilong Nazarene i bin statim tasol olgeta manmeri long wanem kain ol sios i ken kam long skul na kism save sapos ol i laik.

## Ol Yunaited Sios yut lida i redi long bung

HELEN REI i raitim

YUNAITED Sios long PNG (UCPNG) i bin bungim faipela long ol siksela yut kodineta long wanpela de bung long Septemba 8. Asembli opis i bin singautim dispela bung long mekim laspela bikipela disisen we i karamapim UCPNG Nesenel Yut Konvensen long mun Desemba long dispela yia.

Faipela kodineta i kam long Nu Briten, Is Papua Meinlen, Eben, Bogenvil na Hailens rijen.

Ol dispela bilong Nu Ailan, Wes Galp na Papua Ailan rijen i no bin kam bikos ol bin gat hevi long trenspot.

Bung bai kamap long Desemba 9 inap long 15. Ol bai holim long Holebia Misin stesen long Tari insait long Sauten Hailens. Fi bilong wan wan yut kodineta em K30 na ol mas

peim bipo long Novemba 23, 2001.

Ol i ting moa long 1,000 yut i kam long olgeta hap kona bilong kantri bai stap long en. Yunaited Sios Modereta Samson Lowa bai i ges spika long dispela bung. Ol arapela sios lida, ol sios woka, ol kleji na ol bisop bilong Eben rijen Reveren Nou Oru na ol arapela gavman lida, helt wok, komyuniti gavman na praivet sekta lain bai kam long dispela bung.

Yut kodineta long Hailans rijen Reveren David Ako i amamas long lukim olsem ol wok redi long Tari na Mendi i go gut tasol.

Em i tok Hailens rijen i wok long givim bikipelas lukluik long dispela bung na ol yut lida i plen olsem ol lain i kamap long bung i mas go bek long ol wan wanples bilong ol.

Bisop bilong Hailens rijen Reveren Clarence Kapali bai hostim dispela UCPNG yut konvensen.




# HOLY ROSARY SISTERS

## Amamasim 50 yia Silva Jubili

### Rosary Sisters bilong Wewak amamasim 50 krismas

LONG Oktoba 7 dispela yia bai ol Sisters bilong Rosary Wewak bai selebretim Golden Eniveseri 50 krismas bilong ol olsem ol i wanpela wok misin komyuniti bilong Papua Niugini meri husat i givim laip bilong ol long sevim God na sios bilong em.

ol dispela Sisters i save holim nem bilong olpela Bisop husat i dai pinis, Bisop Leo Arkfeld, SVD olsem papa bilong ol. Insait long laip bilong em, Bisop Arkfeld i lukim na amamas long planti gutpela wok we lotu i mekim long kainkain rot na ol pasin. Planti dispela gutpela wok i no kamap tasol long gutpela wok ol i mekim, tasol i kamap tru long laip bilong ol we ol i givim i go long God long sevim em.



• **Bisop Leo.**

Bisop Leo i luksave olsem sapos sios long Niugini i mas

kamap bikpela na gutpela, em i mas gat ol lokol lotu manmeri bilong em yet we God i singautim ol insait long ol pipel bilong Niugini yet. Em i save tu olsem God bai singautim planti yangpela manmeri bilong Papua Niugini i kam long mekim wok bilong em tasol ol i mas i gat ol rait lotu ples bilong joinim. Olsem na long 1950 i kam, olsem Bisop biong Wewak, em i kamapim tupela kongrigesen bilong daiosis bilong em. Tupela kongrigesen ya em Sisters of Rosary bilong Wewak na bihain Sacred Heart Brothers bilong Wewak.

Dispela tupela tingting ya i karim kaikai. Sisters of Rosary nau i lukluk i go bek long laip na wok bilong komyuniti bilong ol

insait long dispela 50 yia bilong ol. Ol i bin lainim na luksave long planti samting we sampela i gutpela na sampela i no gutpela, i gat amamas, i gat wari, gutpela wok i kamap, sampela wok i no kamap gut tasol sanap strong long wok bilong ol i bin gutpela long planti krismas i kam.

Planti samting ol sister i bin kamapim i gat luksave bilong ol. Tasol long wok lotu bilong ol, planti samting we i kamap gut bihainim prea bilong ol em God yet i save. Long wok bilong ol, ol sister i bin stap insait long planti kainkain wok bilong karimaut wok bilong God i go long ol pipel bilong em insait long daiosis bilong Wewak na tu long ol arapela daiosis tu. Ol i bin karimaut ol pastorel wok,

kamap tisa long planti wok na eria, seketeri long ol daiosis wok long sait bilong Edukesen, sosel wokas, kuk, nes, helt, domestik woka, taipis, wok long komyunikesen na long edminstresen wok bilong kamapim komyuniti bilong ol.

Planti manmeri long Is Sepik na long ol arapela hap tu i amamas long gutpela wok ol Rosary Sister i mekim long ol na tu long laip na developmen bilong ol. Sisters tu i amamas long God long wanem samting em i mekim long ol long kamapim ol wok ol i mekim i kamap. Taim ol i lukluk i go bek long dispela 50 krismas wantaim amamas, ol i lukluk i go het tu wantaim bilip, gutpela bel na laikim.

### Toktok bilong Pater Hubert Suwete Wirui Paris Pris

Insait long daiosis bilong Wewak i gat tupela lokol kongrigesen. Mipela i gat Holi Rosary Sisters na Sacred Heart Brothers long Bois Taun. Dispela tupela kongrigesen em leit AsBisop Leo Arkfeld SVD i bin statim.

AsBisop Leo Arkfeld i bin kamap Bisop bilong Wewak long 1940. Em i kamap na lukim Is Sepik i gat bikpela eria na i gat planti samting long hap i hat na Bisop i ting ples i bikpela tru na em i no inap karamapim dispela bikpela ples em yet long wok bilong em tasol, em i mas go het yet wantaim wok bilong em long mekim wok bilong God.

Olsem na Bisop Leo i go het na kamapim Kongrigesen bilong Sisters of Rosary insait long sios we bai i go aut na autim Gutnius bilong Jisas Kraus. Long sem taim tu Gutnius i mas sanap strong antap long graun bilong mipela. Olsem na long kamapim ol lokol sister, bruda na pris, em i strong bilong tok bilong God i pundaun antap long gutpela graun.

Dispela i gutpela stori tu long harim olsem Bisop Leo i bin kamapim dispela kongrigesen taim Katolik sios i bin stat liklik yet. Tasol ol i bin kam longpela rot. Mipela sampela i kirap nogut long harim olsem Holi Rosary Sisters i bin kamap pastaim long mipela sampela i kamap. Tasol namba bilong ol sister i 70 bin groa o kamap bikpela.

Dispela em bikos sios i no bin tingting long kamap bikpela long namba, tasol bikpela samting em long sanapim bun bilong sanap long en pastaim. Olsem na long dispela as, mipela i ken lukim planti yangpela meri i save laik kam olgeta yia long kamap Roseri sister, olsem na planti i kam long kongrigesen long kamap Rosary sister na planti i save stap long konvent. Dispela em i no bilong yumi long askim kwesten olsem dispela em i stret o nogat?. Em i no kwesten bilong tok yes o nogat, em i wok bilong groa long spirit.



• **Ol lain i go pas long kongrigesen bilong Eurista Lohmanns SSpS na leit Asbisop Leo Arkfeld long beksait wantaim ol Rosary Sister taim ol i selebretim 25 yia Silva Jubili.**

### Rosary Sisters bilong Wewak Daiosis Toktok bilong Bisop Tony

Rosary Sisters bilong mipela long Wewak i olsem witnes i stap laip long harim singaut bilong wok bilong sios long sevim ol pipel.

Long nupela taim bilong sios long Wewak, Bisop Leo i lukim olsem i mas gat wanpela lokol sios na lokol lotu i sevim ol asples pipel. Olsem na tude dispela em wok ol Holi Rosary sister i wok long mekim.

Olsem na long dispela taim bilong Golden Jubili em i taim bilong makim 50 yia bilong Holi Rosary Sisters long wok bilong ol insait long asples sios na tok tenkyu long God long olgeta blesing em i bin givim long kamapim ol wok bilong ol.

### Ol Divain Wod Misinari na ol Sister sevens bilong Holi Spirit

Bihain long wol woa 2 Divain Wod Pris, ol Bruder na ol Sister sevens bilong Holi Spirit i kamap stap aninit long Sambania Hil (Misin Hil) we ol i ting olsem ating dispela em hap we ol misinari i bin kam sindaun long en long 1920 na 1930 long bipo.

Ol asples Sister

Kongrigesen bilong Holi Rosary Sister i bin wanpela bilong ol namba wan driman bilong Bisop Leo Arkfeld S.V.D. Em i bin yangpela na strongpela man na em i bin wokabaut long planti hap na lukim ol manmeri i sot tru long kisim tok bilong God na tu ol arapela helpim bilong kamapim gutpela sindaun long

komyuniti. Em i bin go raun long ol arapela kongrigesen we ol i gat ol asples sister na bruda i stap. Ol i givim em tingting long em i mas gat kain grup olsem tu long daiosis bilong em we em i laikim tru long ol i mas wok klostu long sait bilong Bisop, Pater na ol Relijen husat i kam long arapela hap bilong wol.

# HOLY ROSARY SISTERS

## Amamasim 50 yia Silva Jubili

### Ol lain i go pas long painim Kongrigesen

Sevenpela namba wan suster i mekim promis bilong ol long Oktoba 7, 1954. Dispela de tu i wanpela spesel de long histri bilong Vikariet. Mipela i wokim narapela nupela haus we ol dispela nupela suster i muv insait na ol postulen wantaim ol Novis i stap long namba wan haus.

Blesing bilong God i pundaun antap long Kongrigesen. Mipela i gat olsem 42 membas we 34 em ol suster we 8-pela i stap long mekim las promis bilong ol, 4-pela novis na 4-pela postulens.

Bisop Leo Arkfeld bilong Wewak Vikariet i painim na kamapim dispela kongrigesen bilong Holy Rosary Sisters long Wewak. Ol suster long dispela kongrigesen i save mekim isi promis. Ol i save mekim promis tripela taim

long wanpela yia na bihain tupela taim long tripela yia. Ol suster i save stap insait long postulensi wanpela yia na novisiet tupela krismas. Astingting bilong kongrigesen em long surukim glori bilong God i go long ol arapela na sanap long promis bilong ol olgeta yia long spirit bilong sios olgeta yia long holim strong promis ol i mekim na lo bilong bihainim.

Wanpela spesel wok bilong kongrigesen em bilong wok long ol skul, mekim wok olsem nes long lukautim ol sik lain, lukautim ol paris sios na mekim ol kain kain haus wok. Ol i mas redi long mekim ol wok we Bisop i askim ol long mekim. Ol i mas mekim ol wok we i sanap antap long wok bilong Holy Rosary. Ol suster i save kisim 10 de malolo long olgeta yia.



• (Lephan i go long raithan) Sister Stella Mare, Sister Maria Goretti, Sister Angela, Sister Celine Yakasere, Sister Maria Patnau i na Sister Regina Supo i sanap. Raithan: Sister Maria Goretti (namel) wantaim Sister Victoria Rumba (raithan) na Sister Aloysia Konau.



### Toktok bilong Sister Maria Geretti SR

Lida bilong Kongrigesen

Kongrigesen i wok long go bungim 50 yia Golden Jubili bilong em, yumi ken tingim na tok bikipela amamas long ol lain husat i bin go pas na bungim kainkain hat wok, hevi na ol sampela gutpela samting we i kamap long bipo insait long komyuniti long bipo i kam inap nau long dispela 50 krismas. Yumi ken tingim bek long ol namba wan suster i bin mekim wok bilong God long dispela taim i kam olsem God i bin singautim Abraham long lusim olgeta samting wantaim ol famili na ol lain bilong em long go na mekim wok God i laikim long em i mekim. Dispela 7-pela suster i bikipela piksa bilong Kongrigesen bilong yumi taim yumi laik tingim bek long ol samting we i bin kamap long bipo i kam. Yumi em lokol kongrigesen we leit

Bisop Leo Arkfeld i kamapim wantaim helpim bilong Holy Spirit Sister, Sister Eurista Loahaman. Lukluk na driman bilong em long lukim yumi yet i mas wok wantaim ol pipel bilong yumi insait long dispela kantri long Wewak. Taim mi lukluk i go bek, mi ken lukim kongrigesen i bin groa wantaim ol membas. Dispela i givim mi bikipela amamas na bilip olsem God i was gut na sapotim kongrigesen i kam. Mi tenkyu long God tu long go pas long 6-pela lain i bin go pas long karimaut mision bilong em long go pas long dispela komyuniti inap nau na ol membas bilong dispela komyuniti i makim mi long kamap lida.

Mi prea long moa yangpela meri i mas kam long strongim dispela komyuniti long go

het yet na karimaut tok bilong God long olgeta pipel. Dua i op long ol yangpela meri i ken kam na joinim Rosary Sister. Ol i noken pret long toktok wantaim mipela. Mipela i save wok hia long kantri tasol na mipela i gat wanwan haus long Wabeg daiosis na Wewak. Bikipela wok bilong mipela em long wok Tisa, Nes, Opis wok, Pastorel wok, kukim kaikai, komyunikesen na sapos i gat moa wok long sait bilong wok ministri mipela i save mekim. Long pinisim tok, laip em i olsem wanpela rot i go we i gat hevi na gutpela i stap long en na Holi Spirit i bin yusim planti pipel long wok long gaden wain bilong God na i wok long kamapim planti frut hia long dispela daiosis wantaim moa gutpela wok bilong mekim i go het yet.

## Catholic Diocese of Wewak

Phone: (675) 856 2346 / 47  
Fax: (675) 856 2142

P.O. Box 107  
Wewak, E.S.P  
Papua New Guinea

### Rosary Sisters - Oct 7, 2001

*Tok hamamas*  
long yupela long

*50 Aniuerseri.*

Ol sevis yupela i givim long Sios bipo i kam inap nau i bringim blesing bilong Asbisop Leo Arkfeld.

Mipela ol pipol bilong Diocese bilong Wewak i hamamas tru na givim tenk yu long God long gutpela wok bilong yupela.



# Amerika laik pait

SAPLIMEN BILONG WORD PUBLISHING

## Amerika laik kirapim woa long birua



• Presiden bilong Amerika George W Bush lukluk raun long ples birua i kamap.

PRESIDEN bilong Amerika George W. Bush i tok em bai birua long husat manmeri na kantri sori long ol teroris na haitim ol o sapatim ol wantaim mani.

Em i mekim dispela tok taim em i tok aut olsem Amerika bai wok hat long painim aut husat man o gavman i stap insait long kamapim birua we kilim planti tausen manmeri.

Namba bilong pipel husat dai long birua i stap olsem 6,500 tasol moa bodi inap kamap. Sampela bodi i paia olgeta na lus.

Sampela stap aninit long simen na ain bilong bilding. Ol pipel i sekim na rausim ol rabis yet long painim sapos sampela pipel i stap laip aninit long ol pipia.

Long bekim dai bilong ol dispela manmeri, h usat i no mekim wanpela asua. Amerika i tingting long kirapim pait na kilim olgeta manmeri hgsuat sapatim ol teroris long mekim ol pipia pasin.

Lida bilong planti arapela bikpela kantri long wol i givim sapat long tingting bilong Amerika long kamapim pait.

Ol ami na bikpela sip bilong karim balus na ami i stap redi pinis long Persian Gulf long Midel Is.

Preisden Bush i tok: "Moslem lotu bilip save toktok long bel isi na gutpela pasin. Wanem birua i kamap long em bilong God, i bagarapim tru gutpela nem bilong God."

Em askim olgeta kantri na rijen insait long wol long tok aut wanem sait ol i stap: sapatim bilong ol teroris o Amerika. Amerika i laik birua long olgeta kantri husat givim mani helpim givim trening.

### Osama bin Laden

Amerika i sutim toktok pinis long Osama bin Laden. Em i kamap namba wan birua bilong Amerika.

Amerika i tok em bai givim US\$150milien (K450 milien) lo ng husat manmeri i soim ol ples we em i hait na stap raun tasol nogat wanpela man i save.

Osama Bin Laden em wanpela man Moslem na em bilong kantri Saudi Arabia tasol ol i bilip Amerika i save olsem em i hat long Afghanistan.

Papa bilong Osama i wanpela miliona bilong Saudi Arabia na em i kisim mani long hap. Sampela taim i go pinis, Afghanistan i bin pait wantaim Rasia na ol Amerika i bin trenim ol man long pait wantaim



• Man ya i kisim bagarap na dai taim bom i bagarapim Ameriken Embesi long Nairobi long 1998. Amerika i bin sutim tok na bomim sampela bes kem bilong Osama bin laden.

Rasia. Wanpela bilong ol dispela man Amerika




• Osama bin Laden, man husat ol bilip i kamapim ol birua.

trenim em Osama bin Laden.

Tasol long 1999, Osama i bin tanim na kirapim pait wantaim Amerika taim em i bomim tupela embesi o opis bilong Amerika long Tanzania na Kenya.

Planti handret manmeri i bin dai long dispela ol birua

Amerika i bi painim yet dispela man na i bin bomim trening kem bilong em long Afghanistan tasol man ya i bin ronawe pinis.



• Ol Afghanihan i tok sapos Amerika i laik sikirap nating long kirap pait, larim ol i kam. Ol i tok ol i nogat asua.

### Amerika redi long woa

Gavman bilong Amerika i putim aut US\$40 bilien (K120 milien) long baset pinis bilong stretim ami na redim ol samting bilong pait.

Planti manmeri i tok dispela Wol Wa 3 tasol em i no klia yet. Amerika i tok Terorism em nupela pait Amerika bai pait long en.

Amerika i promis olsem em bai yusim olgeta pawa bilong em traime painim aut husat kamapim ol birua na bomim Wol Tred Senta.

Amerika i gat ami, sip na balus bilong pait i stap long olgeta hap bilong wol. Sampela i stap long Japan, Turkey, Britain na planti arapela kantri. Bikpela sip bilong karim ami na balus i redi taso na i stap.

Planti kantri olsem French, England, Pakistan, Australia, Japan na planti arapela kantri long wol i soim sapat na sori bilong ol long birua we kamap tupela wik i go pinis.

Planti pipel i luksave olsem manmeri nating tru i kisim bagarap na dai long birua. Moa long sampela 200-300 plisman na man bilong paitim paia i dai taim bilding bruk na karamapim ol.

Ol opis manmeri tu i bin dai na pasindia bilong ol balus tu i dai olgeta. Dispela em wanpela bikpela birua tru we kamap insait long Amerika. Long Julai, ol i bin kotim Timothy McVeigh, wanpela man husat ol i bilip o kilim ol manmeri taim em bomim wanpela bikpela opis tu.

## Taliban gavman i tok nogat

Taliban gavman bilong kantri Afghanistan holim em i stap. Amerika i askim pinis olsem gavman long givim Osama Bin Laden wantaim sapota bilong em.

Tasol Taliban (gavman bilong ol Moslem manmeri) i tok nogat. Pasin bilong givim man nating long han bilong ol birua i no stap long bilip bilong ol. Sapos Amerika i laikim Osama, ol i mas tok save wanem samting na rot Osama i bin bihainim long bomim Wol Tred Senta (WTC).

Gavman i tok kam tok klias wanem han mak na wanem taim ol lukim Osama i bomim na kilim ol manmeri bilong Amerika na 80 kantri husat stap insait long WTC.

Planti sapota bilong Moslem lotu bilip i ting olsem God i stap long sait bilong ol. Amerika i tanim buli na laik pretim ol olsem na ol i laikim Amerika long kam na kisim Osama long kantri bilong ol.

Dispela i min olsem Amerika bai traime go insait wantaim ami long kisim Osama tasol Taliban gavman wantaim ol lain bilong em inap kirapim pait.


Olgeta Moslem lotu inap sapatim Afganistan tasol planti i tok i no gutpela pasin long kilim man nating olsem ol teroris o mekim lonmg Amerika.

Ol kantri olsem Paksitan, Saina, India i bin askim Amerika long yusim ples balus na hap bilong bilong ol sapos ol i laik kirapim wa.



# Amerika laik pait

SAPLIMEN BILONG WORD PUBLISHING



## Paia man i dai

• (Iephan) Ol man bilong paitim paia i go insait yet long sekim na traim stapim paia taim bilding i bruk i kam daun. Wampela man i go aninit long ka na taim em kam aut gen, em painim aut olsem olgeta poroman bilong em i dai pinis.


## Meri kisim bagarap

tru • (raithan) Haus sik i painim hat long sekim ol manmeri kisim bagarap. Ol i salim ol dokta i gq long ples bilong birua long traim stretim ol liklik lain manmeri husat i kam aut laip.



## Dai bodi i stap yet aninit

• (raithan) Hap ain na pipia i pulap yet i stap. 110 stori bilding na pipia bilong em planti tru. Ol manmeri husat dai na stap aninit long dispela rabis i stap yet. Em bai kisim moa long wampela mun long rausim ol pipia. Long pela bilong pipia i stap olsem 75 mita olgeta. Dispela i wankain olsem 3 o 4 stori bilding.





## Tupela haus i stat long bruk

• Kainkain rabis i flai long olgeta hap. Ol manmeri les long dai insait kalap long windo na husat stap i go daun wantaim bilding bihain long haus i bruk. Hia bikpela hap simen na ain i kam daun olsem pipa taim bilding bilding long wol i bruk daun. Namel long ol pipia i mas gat bodi bilong ol man tu i stap.

## Helpim man kisim bagarap

• (raithan) Ol man i traim bes na givim helpim bilong ol long kisim ol man pipel husat kisim bagarap long birua.






Ol manmeri kalap • Taim balus bamim haus, ol manmeri painim hat long ronawe. Planti kalap i kam aut long windo na painim dai bilong ol. Moa long 50,000 manmeri, inap olsem namba bilong ol manmeri olsem long wampela liklik siti i wok long tupela bilding.



# Amerika laik pait

SAPLIMEN BILONG WORD PUBLISHING




**Taim balus bamim haus** • (antap lephan, antap na lephan) Balus i kam stret na bamim bilding. Tupela balus wantaim. Wampela i kam pas na narapela i bihainim 15 minit bihain na bamim bilding ya. Oi narapela dabol stori bilding i sot nating.

**Wantok i stap we?** • (antap raitan) Oi pipel i putim piksa bilong wantok long wal bilong dispela haus sik. Planti pipel husat i no lukim wantok bilong ol longpela taimi kisim piksa bilong ol i go putim na askim ol manmeri sapos ol lukim ol. Planti manmeri i dai.

**Laki bilong em!** • (aninit) I no planti manmeri i stap laip tasol dispela man i stap orait. Oi paia man wantaim ol man husat helpim i rausim em aninit long pipia. Planti i no laki na lusim laip bilong ol insait long birua.

**Planti manmeri helpim** • (aninit tru) Oi paia man na helpim manmeri i karim wampela man husat kisim bagarap i kam aut. Planti manmeri i givim fri sevis bilong helpim ol manmeri husat kisim bagarap. Oi man husat helpim i brukim tulaik na traim bes bilong ol long painim sapos ol pipel i stap laip yet.



## NATIONAL WEEKLY HIT PARADE

September 29th 09/2001

SPONSOR: TRADEWINDS

W/B	L/W	T/W	SONG	ARTIST
2	2	1	O SINE	DEMAS SAUL
1	1	2	OULAMAGI	DEMAS SAUL
3	3	3	TALAIGU	QUAKES
13	4	4	NGAU MALABONG	QUAKES
14	7	5	JABON IBALA	STRUGGLERS BAND
5	5	6	COME BACK	ANSLOM
6	6	7	CROCOMATO	K2 BIIS BAND
7	8	8	SORI VADA LASI	DEMAS SAUL
8	9	9	NONGA BASE	ANSLOM
9	10	10	EDA LOA	LISTA SERUM
4	11	11	PONDOPONDO	FELIX YAUSI
10	12	12	UKA BAI TEKE	ANSLOM
0	0	13	KEKENI KEKENI	KRYMUS
0	0	14	TINGE NA VUDU	PAINIM WOK
0	0	15	JESTY MORI	FEKE YUTZ
15	15	16	WOPA KANTRI	K-DUMEN
12	14	17	ELISON	KABU RITA
18	18	18	HAT WOK NATING	LISTA SERUM
16	17	19	SHANNA	PATTI DOI
20	20	20	SINAGU LAU	DEMAS SAUL

IN: KEKENI, KEKENI KRYMUS  
 TINGE NA VUDU PAINIM WOK  
 JESTY MORI FEKE YUTZ  
 OUT: TAVINE K2 BIIS BAND  
 WARAS SEPIK FELIX YAUSI

SOURCES: YUMI BELO SHOW  
 LAIK BILONG ANKOL E.T  
 COCA COLA GARAMUT  
 FLAME CULTURE & PHONE ENQUIRES



# Amerika laik pait

SAPLIMEN BILONG WORD PUBLISHING

## Wanem samting i bin kamap long Septemba 11

OL 19-pela teroris i bin haijekim (hansapim) foapela bikpela balus (winim Air Niugini tu) wantaim olgeta pasindia.

Tupela balus i flai stret long Wol Tred Senta (WTC). Tupela biding ya i 110 stori longpela na i save gat moe long 50,000 manmeri i wok wanwan de na 80,000 turis i save go insait na aut long olgeta de.

Narapela balus i pundaun i go insait stret long hetkwata bilong ami bilong Amerika (ol i kolim

Pentagon). Namba foa balus i bin pundaun long bus. Dispela balus inap pundaun long palamen biding Amerika tasol ol pasindia i stapim.

Olgeta balus wantaim pasindia insait i lus. Olgeta wok manmeri long tupela biding long WTC i dai.

Sampela long Pentagon na olgeta pasindia bilong balus pundaun long bus.

Ol teroris mekim plen gut tru na kamapim dispela birua na planti manmri tru i dai.

### Wok painim aut na birua

FBI putim 27,000 manmeri pinis long mekim wok painim aut long husat kamapim birua na kilim planti pipel.

FBI i holim pasim pinis 150 manmeri husat i gat sampela bung wantaim ol displea 19 man husat kisim balus na bamim.

Tupeola balus i bin karim 157 manmeri taim balus bamim WTC na kilim olgeta.

Tupela kampani i lusim 1,280

wok manmeri na 350 paia man na 40 plisman i dai taim biding i bruk.

Haus sik i kisim 3,750 manmeri na i wet yet long moa bodi, dai o laip long kamap tasol ating planti dai bodi tasol bai kamap.


Ol i rausim bodi bilong 152 manmeri pinis pipia tasol luksave long 59 manmeri na ol narapela i no kisim luksave yet.

Ol opisal bilong siti i odarim


30,000 bodi bek bilong pulumapim dai bodi bilong ol pipel husat dai.

Long rausim ol rabis insait long namba wan wik tasol bai inap kisim K600 milien na ol rabis bilong ples ya bai pulumapim 100,000 dam trak (bikpela).


Planti bagarap tru na inap kisim longpela taim tru long klinim ol gut.



• Rabis karamapim bodi yet. ol pipel wok painim aut long wanem samting i kamap. Ain na simen karamapim planti bodi yet.



Sekyuriti tait tude • Ol ples balus long Amerika i gat tait sekuriti. Sampela ripot i tok olsem ol France na Israel man i bin luksave na tokim Amerika long lukaut tasol em i no mekim wanpela samting. Olsem na birua i kamap tasol tude em bai hat tru long kain birua i kamap.



Fleg bilong Amerika flai yet • Bikpela bagarap na al wara i bagarapim ol pipel bilong Amerika. Tasol fleg wantaim tingting bilong ol stap strong long lukim ol manmeri husat bagarapim kantri na pipel bilong ol. Piknini wantaim papa long taim bilong sori.



# HOLY ROSARY SISTERS

## Amamasim 50 yia Silva Jubili

### Stori bilong Sister Culumba i kamap Sister

Sister Culumba i bin wok wantaim Leong Brothers long Wewak pastaim long em i go insait long Rosary Sisters Konvent. Em i bin go insait long postulensi long 1950 na mekim novisiet trening bilong em insait

long tupela krismas na namba wan wok tru bilong em long 1954.

Em i bin skul inap long gret 3 tasol. Na long 1956, em i bin go long nesing trening long Dagua aninit long Holy Spirit Sisters

and greduet olsem wanpela Komyuniti Helt Woka long 1963.

Sister Culumba i save biliip long wok bilong em na God em ansa long olgeta wok em i mekim.

### Laip stori bilong Sister Magarethis

Papa bilong Sister Magarethis i wok olsem kapenta wantaim Misin long Alexishafen long Madang na mama bilong em i wok olsem haus meri wantaim Holy Spirit sisters. Sister Magarethis i bin go long pri skul (kindagaden skul) long 1941 inap 1942 na kisim namba wan holi komunio bilong em taim em i bin gat 5-pela krismas. Bihain long dispela em i gat laik long kamap olsem wanpela sister.

Long 1943 papamama bilong em i kirap lusim Alexishafen na go bek long Kaunumbo long Wewak bikos i bin gat wol woa 2 i kamap.

Long 1948 em i bin askim papa bilong em sapos em i ken go bek long Alexishafen na joinim Sen Therese Sisters tasol papa i no inap larim em i go.

Wanpela krismas bihain long Holy Spirit Sisters i opim nupela stesin bilong ol long Wewak na Sister Magarethis i bin kisim tok orait long helpim ol sister wantaim ol wok long konven graun long de taim.

Long 1950 em i go insait olsem domestik gel na wok aninit long lukaut bilong Holy Spirit Sisters. Em i kamap postulent long 1951 na bihain

em i pinisim Novisiet bilong em na bihain go insait stret long wok bilong em long 1954. Em i mekim fainel promis bilong em long 1963. Em i selebretim silva jubili bilong em wantaim ol lain sister em i stap wantaim long Oktoba 7, 1979.

Sister Magarethis i save wok olsem nes. Em i mekim trening bilong em long wok bilong nes long St Therese Haus Sik long Badili long Pot Mosbi long 1958 inap 1961. Bihain long em i pinisim trening bilong em olsem nes, ol i salim em i go long Kunjikini wantaim Mesi Sisters long tupela krismas olgeta. Em i wok olsem nes tu long ol arapela eria ausait long Wewak olsem Torembi, Sassoya, Wirui, Sikiro lokng Enga provins na Kaffe long Sandaun provins.

Em i mekim ol bikpela wok tu insait long kongregesen olsem novis kompanion long 1966 inap 1968 na kamap asisten kompanion long 1992 inap 1994.

Inap tude, Sister Magarethis i risain long wok bilong em olsem nes tasol em i no tait long go pas long ol wok insait long kongregesen. Long nau yet em i wanpela komyuniti lida long Wirui Mada Haus.



• Sister Josepha Nangumaia (raithan) wantaim tripela Rosary Sisters. Ol tripela em Sister Columba Werina, Sister Theresia Allan na Sister Magarethis Jawaingo.

### Stori bilong Sister Theresia i kamap Sister

Sister Theresia Allan Kambu i bilong Timbunke ples (Timbunke paris). Mama i karim em long 1934 na em i go namba wan taim long Wewak long Julai 1950 wantaim paris pris bilong em, Pater Francis Swift SVD long wanpela liklik bot ol i kolim pius.

Mi nogat save long kamap Sister. Laik bilong mi em long kamap domestik woka (banis meri) na bihain go bek long ples. Mi no skul na liklik save mi gat em taim mi kisim skul long Katekis klas. Long Oktoba 7, 1951 kongregesen bilong em i bin kamap we Leit AsBisop Leo Arkfeld SVD i bin statim. Dispela em taim 9-pela meri i go insait long postulensi. Mi wanpela bilong tripela yangpela meri mipela i kam long Wara Sepik na go insait long dispela nupela Sister skul wantaim nogat edukesen.

Long 7 Oktoba, 1952 7-pela bilong mipela i bin kamap novis. Mipela i save werim su na mi no klia gut long wanem sait su i bilong rait lek na lep lek na planti taim mi wantaim sampela sister i save tanim su. Sister Davidiana SSPS i save wok hat tru long skulim mipela long werim stret su. Mi mekim namba wan profesen bilong mi long 7 Oktoba 1954 na bihain gen long 15 Ogas, 1964. Bisop Leo i bin Arkfeld i bin stap long Rom long dispela taim olsem na em i no bin selebretim Feast of the Rosary wantaim mipela.

Bikpela tingting bilong Bisop em long olgeta pikinini i mas kisim skul. Em i save gat bikpela tingting tu long olgeta Rosary Sister i mas gat edukesen. Olgeta sister i kisim sampela skul. Mi pinisim gret 6 na long narapela yia bihain, mi mekim wan yia tisa trening long Kunjikini long 1962. Mi tisa long tupela daiosis long Wewak na Wabeg. Taim mi bin wok tisa i stap, mi apim skul level bilong mi go antap long gret 10 bihainim wantaim CODE stadi. Long 1973 mi bin go stap insait long het mistres kos long Holy Trinity Tisa Koles long Maun Hagen.

Mi bin wok tu olsem kongregesen lida long 1979 inap 1985 na long 1988 mi wok olsem novis dairektres. Long 1999 Sister Sophie, wanpela yangpela sister i kisim ples bilong mi tasol mi stap yet long novisiet olsem asisten kompanion.

Taim mi kamap postulent, mi bin nogat wanpela klia save long laip bilong wok misin bai olsem wanem. Mi ken tok tru olsem mi wok long bihainim ol arapela tasol. Ol krismas i kam i go na wok long lainim na save long laip bilong mi long wok misin. Mi wanbel na wok strong long dispela wok bilong mi.

Lukluk i go bek long 50 krismas bilong kongregesen, mi no inap stop. Mi ken tok tenkyu na presim God Trinita na Mada Mary, Kwin bilong Rosary long planti bikpela blesing antap long kongregesen, Sister Theresia i tok.

## SPIRIT OF WEST NEW BRITAIN

**Ol wok manmeri na menesmen bilong Spirit Of West New Britain i tok amamas long Rosary Sisters long 50 Eniveseri bilong ol long Oktober 7**

# HOLY ROSARY SISTERS

## Amamasim 50 yia Silva Jubili

### Sister Eurista Lohmanns, S.SP.S

Sister Eurista i bin nupela superia bilong Holy Spirit Sisters. Sister Allena i bin trensfea i go long Madang. Sister Eurista i bin kam hia bihainim askim bilong Bisop Leo Arkfeld SVD.

#### Doris Maru (sip)

Sister Eurista i no wanpela yangpela meri. Em i bin wanpela bilong ol misinari husat i bin go antap long Doris Maru (sip) i go long Hollandia long 1944.

Em i bin lukim stret long ai

bilong em we ol wanwok misinari manmeri na ol turangu gutpela manmeri tu i bin pundaun na dai arere long em. Planti taim Sister Eurista i save tok, "taim mi tingim ol bagarap bilong pen, sindaun i bagarap, sot long kaikai na

ol samting na hevi bilong stap wanpis, mi save askim mi yet, bilong wanem na gupela God Papa i larim mi stap laip?" Tasol nogat wanpela manmeri inap lusim tingtiang long presim nem bilong God long dispela ol

wanbel wok oil dispela manmeri i bin na lusim laip bilong ol long ol pipel bilong Papua Niugini.

Taim Superia i askim mi sapos mi ken go long PNG na helpim Bisop Arkfeld husat i bin laik statim asples

kongrigesen, mi bin pret liklik. Tasol mi prea na tingting long dispela i go na bihainim wanbel. Em i tok nau em i klia long as tru God i no bin larim em i dai long taim bilong woa wantaim olgeta lain wanwok bilong em.

## Mipela ol Divine Word Missionaries

*i autim bikpela amamas long golden  
jubili bilong ol Rosari Sista.*

*Mipela i tenkim God long*

# 50 yia

*bilong gutpela wok na servis bilong ol.*

*Mipela i askim God Papa bai em i  
ken givim bikpela blesing long lain*

*bilong Rosari Sista na*

*sambai long*

*ol.*



## Stori bilong ol Sister long Rosary

Stori bilong lokol sisters long mein len Niugini i bin stat pastaim long woa. Bihainim stori bilong ol, namba wan Sister, leit Sister Eurista SSpS, tupela yangpela meri bilong Ali ailan i bin mekim praiwet promis long sister sapel long Sek, sampela taim long 1924. Ol em Scholastica Antigau husat i gat 28 krismas na Emma Makain husat i gat 25 krismas. Ol i bin stap laip bihain long woa long ples bilong ol na taim Rosary sisters i wok long kisim ol meri olsem namba wan postulens long 1952, Scholastica i bin 56 krismas long dispela taim na i join. Tasol em i no inap go het moa bikos em i gat bikpela wok long lukautim ol pikinini we papama-bilong ol i dai long woa. Olsem na em i stap tasol olsem postulen we em i save kolim em yet olsem.

Emma Makain i bin go long dispela nupela komyuniti tasol em i no joinim. Em i laik stap bek long ples bilong em long Ali Ailan olsem witnes bihain long ol i bin singautim ol SSpS sisters long Ogas 1952.

Long Julai 25, 1950, 4-pela yangpela meri wantaim bilas bilong ples i bin lusim ples bilong ol long Timbunke na kamap long Wiriu wantaim bikpela tingting long kamap sister. I no longtaim 5-pela moa i kam long Boikin. Insait long wanpela krismas ol i bin helpim ol SSpS sister wantaim ol wok bilong ol insait long konven na long Wiriu stesin. Bisop Leo Arkfeld i lukim dispela na amamas na em i laik statim wanpela postulensi bilong 9-pela meri ya na dispela i kamap long Oktoba 7, 1951. Bikos ol bai kolim ol Sisters bilong Rosary. Long dispela taim, ol i save werim wanpela kain spesel yunifom we i blu na longpela wantaim waitpela kola na liklik kruse i save hangamap long waitpela sen long nek bilong ol.

Taim ol i bin mekim promis bilong ol long go het long dispela wok bilong ol, olgeta famili na olgeta lain wantok i kam pulap tru long lukim na witnesim dispela nupela wok 9-pela lokol sister ya i laik mekim. Ol i harim tu nupela nem bilong sister ya. Ol nem em, Sister Maria, Josepha, Theresia, Culumba, Regis, Magarethis na Salvatora. Tupela krismas bihain long Oktoba 7 1954, 7-pela sister i mekim namba wan promis bilong ol na ol i wok long senisim yet long olgeta ya inap tripela krismas olgeta. Ol namba wan 7-pela sister i tokaut long las promis bilong ol long Ogas 15, 1963.

25 krismas bihain long Oktoba 7, 1979, Sister Theresia, Josepha, Margerethis na Culumba i selebretim silva jubili bilong ol long Wewak katedrel.


Taim Bisop Leo i bin statim dispela kongrigesen bilong Rosary Sister long Wewak, em i askim ol sister olsem Sister Allena long helpim em tasol sister Allena i tok em i no tisa, em i nes. Sister Aqvlonia i raitim pas i go long Sister Eurista na em i orait long kam long Wewak long helpim Bisop Leo Arkfeld. Dispela em long 1950.



# Enga sek poin long Tomba em gutpela piksa



• Gutpela haus kunai long malolo nā salim kaikai tu i stap long Enga - se poin.



• Sek-poin long Enga - Westen Hailans boda. Ol gad i save redi gut tru long dispela hap. (Aninit) • Maket tu i bruk long sait bilong sek poin. Yu ken kam stop na stretim bel gut na go long Wabeg o Mendi na Tari. Ol foto: JAMES KILA.

### JAMES KILA i raitim

SAPOS yu wanpela nupela man o meri long Hailans o Okuk Haiwe, bai yu guria liklik taim ol plis i stopim ka na askim olgeta pasindia long go daun pastaim na ol bai sekim ka.

Yes, dispela em wanpela wok bilong ol. Sapos dispela pasin kamap long boda bilong ol Hailans provins, em yu mas save olsem em sek-poin o boda bilong ol dispela provins. Sampela taim ol i save kolim ol dispela ples em bum-geit.

Yu i ken lukim sampela ol ain olsem bilong pasim geit i stap. Dispela em bai yu ken painim long lsten Hailans-Simbu boda klostu long Mangiro. Na long nait bilong Simbu-Westen Hailans boda, i no gat bum-geit, tasol yu ken painim ol plis-man i sanap redi wantaim ol bikpela ka bilong ol long askim ol bikpela trak na PMV bas i ran long dispela seksen bilong haiwe. Dispela ples bilong sekim ol ka long Simbu Westen Hailans boda i save kamap long hap bilong Whagi-bruk.

Long sait bilong Westen Hailans Sauten Hailans boda sek-poin em i stap long Kaupena. Dispela sek-poin i stap stret long Pauanda pawa stesin. Tasol mi ken tok stret olsem namel long olgeta dispela sek-poin insait long Hailans, Enga provins sek-poin long Tomba em i stail tru na yu ken lukim tru long ai bilong yu olsem o man husat i wok long dispela eria i mekim stret wok bilong ol long promotim provins bilong ol.

Long dispela sek-poin long Tomba yu ken lukim ol sekyuriti i sanap arere long ain geit. Longpela sain i stap long stopim ol ka na ol sekyuriti i mas sekim gut pastaim.

Dispela wok ol sekyuriti gad long Tomba i mekim i soim olsem ol dispela lain i mekim trupela wok long was gut long provins bilong ol egens ol birua o ol narapela samting nogut long go insait long Enga.


Ples arere long sek-poin tu i luk nais tru.

Ol i planim ol naispela ya diwai na haus. Wara tu i ran long ka na wanpela liklik maket long baim buai, smok na kol dring tu i stap long sait.

Taim ol sekyuriti i sekim pas yet yu ken hariap tasol i go baim buai o smuk bilong yu.

gut ol ka bipo ol i draiv i go insait long provins.

Long ol narapela Hailans provins olsem Simbu, Westen Hailans, Sauten Hailans na lsten Hailans dispela wok bilong sanap olgeta taim long sek-poin o



Yes, sek-poin long Tomba em stail moa yet.

Enga provinsel gavman aninit long gavana bilong Enga pastaim, Mista Peter Ipatas i bin givim kontrak go long wanpela lokal sekyuriti kampani long dispela eria long karimaut wok long dispela sek-poin long Tomba.

Olgeta taim ol sekyuriti i save slip na kirap long dispela sek-poin na sekim gut o bikpela trak na PMV i go insait long Enga provins.

Wanpela sekyuriti gad, Peter Pil i tok olsem planti taim ol sekyuriti i save was long traime stapim ol man long karim ol gan na ol narapela strongpela samting bilong pait i go insait long Enga provins. Olsem na planti taim ol sekyuriti i save tokim ol bas draiv long stopim ka na ol bai sekim gut tru hain bai ol i salim bas i go.

Wanpela gutpela samting mi skelim long ol dispela sekyuriti long Tomba em ol i save yusim gutpela pasin taim ol i askim kwesten long ol PMV bas na ol pasindia. Ol i no save kros na hat nating nating.

Peter Pil i stori tu olsem sampela taim ol sampela ka i save hait na karim ol bia na ol narapela strongpela dring olsem OP na Gold Kap i go insait long Enga. Olsem na sekyuriti gad i save stap strong na mekim

bum geit i no save strong tumas olsem Enga.

Em i tru olsem sampela taim ol plisman i save sanap was wantaim ka bilong ol, tasol sampela taim nogat. Bikpela as bilong dispela em bikos nogat mani long sapotim dispela wok bilong ol long sanap was long ol sek-poin o bum geit. Tarangu ol dispela lain plisman em ol man ya na ol i nidim sampela kain liklik helpim olsem alauwens. Na tu ka bilong ol nidim bensin na disel long ran na karimaut wok.

Planti taim sapos yu ron long ka o PMV long Simbu-lsten Hailans boda taim yu lusim Daulo na go olsem long Mangiro o Suave yu bai i no inap lukim ol plisman i sanap. Sampela taim tasol bai yu bungim ol.

Sek-poin long lsten Hailans/Simbu i mas strong, tasol dispela pasin i no save kamap bikos nogat gutpela sapot i save kam long tupela provinsal gavman bilong tupela.

Dispela i save mekim na planti taim ol "Bia" i save hait isi tasol na ol strongpela dring olsem OP na Gold Kap katen i go insait long Simbu provins.

Isten Hailans em wanpela provins insait long Hailans rijen em ol i ken salim bia long ol pablik. Ol narapela provins insait long Hailans rijen nau yet

gat dispela bikpela tambu o lika ben.

Ol hotel na ples tasol i ken salim bia long kastoma bilong ol tasol. Dispela sek-poin long Enga na Westen Hailans boda long Tomba em wanpela gutpela piksa tru long ol narapela provins insait long PNG.

Ol man bilong ples yet i kisim kontrak long provinsal gavman long mekim wok bilong ol. Dispela em wanpela gutpela piksa bikos em i soim olsem ol man i laik mekim wok long sevim provins na gutpela sindaun insait long komyuniti bilong ol.

Ol man i laik daunim hevi bilong lo na oda na mekim provins bilong Enga wanpela gutpela

ples we ol manmeri long narapela provins na tu ol turis i ken raun i go lukim ples bilong ol.

Yes, haiwe rot long Enga provins tu em i luk nais tru. Kolta rot i stat long Wanpenamanda i go olgeta long Wabag. Yu i no inap painim ol pipia o rabis arere long rot sapos yu draiv i go olsem. Ples i klin na nais tru.

Sapos yu draiv i go olsem long Sak Veli taim yu lusim St Pauls Haikul long Pausa bai yu ken painim wanpela kona we ol i save salim gutpela mit bilong mumu pik i stap.

Redim tasol mani bilong yu long baim mit bilong pik na kaikai wantaim kaukau o gutpela weil kumu ol salim.

## RADIO NETWORK

PORT MORESBY FM 100.3	MT. HAGEN FM 100.4	TABUBIL FM100.3	ALOTAU FM107
BOROKO FM 100.3	LAE FM 100.5	WEWAK FM100.8	BOREGORO FM 107.7
GOROKA FM 100.2	POPONDETTA FM 100.5	MADANG FM 100.8	HOREALOA FM 107.5
KAVIENG FM 100.2	RAMU FM 101	KOKOPO FM 100.8	WATERHOLES FM
107.3			
LORENGAU FM 100.3	KUNDIAWA FM 101	BUKA FM100.3	KAINGUMA FM 107.1

When you advertise on FM 100, you can rest assured that your message is being heard in and around these locations on these frequencies right around PNG. Just call 300 4300, fax300 4399 or email us at kalang@tiare.net.pg & we'll take care of all your advertising and promotion needs.



# Masalai soim pasin bilong wokim hap bris

**B**IPO bipo tru long taim bilong ol tumbuna i gat wanpela klen, i stap klostu long Chuave haikul. Nem bilong dispela ples em Mainmo.

Tupela klen ol toktok long bikman na ol paik, ol lain we ol stap yet long Mainmo ol strong na ol rausim hapsait lain i go. Ol ranim ol i go i go na ol wokim kem long wanpela ples nem bilong em Kruai. Neks de gen ol ranim ol i go long kem bilong ol long narapela ples ol kolim Gereyu, neks de gen ol i go ranim ol i go olgeta long wara Whagi, hapsait long Whagi em i gat gutpela ples.

Ol famili i sindaun long hap na ol stap na wokim gaden na planim kaikai. Wanpela man painim kapul long gutpela mun long nait i go na em i lukim ol masalai, ol soim em hau long wokim rop bris long kalapim Whagi i go long hapsait long wara. Em lukim ol i go i go na masalai mekim ai bilong em slip, em klostu tulait em i pasim ai na slip. Tulait pinis na wankain samting em kamap long wanpela man long narapela sait long wara Whagi.

Tupela singaut i go i kam long dispela driman bilong tupela na tupela i kam sekim long ples we ol masalai i go i kam long en. Long tupela sait wantaim ol lukim ol spaida wokim rot i go i kam na soim ol klia olsem, ol bai kisim tingting long wokim rop bris na ol bai i go i kam long en.

Em nau long gaden bilong ol, ol yam ol redi long kaikai nau ol lain famili ya ol pasim tok na bai yumi wokim rop bris na i go wokim gaden gen long hapsait. Yumi bai i gat kaikai inap long yumi bai kaikai. Em nau ol tokim meri bilong ol, ol kukim kaikai long bik moning tru bai ol kaikai na pulap na bai ol i go wokim gaden gen long hapsait.

I gat tupela kain yam wanpela ol kolim hon bongi na narapela ol kolim hon ha-a. Ol lain kukim hon bongi. Em save kuk hariap ol kaikai pinis na ol kisim meri, pikinini ol i go abrusim dispela rop bris bilong ol ya na ol i go pinis long hapsait. Na ol lain famili ol



**Stori Tumbuna**

kukim hon ha-a em i no kuk yet, na ol i wet yet stap long rop bris bilong ol, ol tu i no katim ol

Yaulu. Yaulu gol na Yaulu bel ol famili we ol stap yet long sait em ol kolim ol Keina Mana.

Maina Kama na Maina Gol long dispela as na mipela ol long Yobai mipela save kam raun long Elimbari. Mipela fil fri long wanem tumbuna bilong mipela em kam long Mainmo na i go olgeta long Yobai.

**Peter Table Kaupa**  
Kimbe, Wes Nu Briten provins.

# Mi laik kisim ol pikinini bilong mi

**Dia Laiplain,**  
Mi bin kisim dispela tingting long rait i kam long yu.

Rait bilong mi long kamap mama long ol pikinini bilong mi em mi i no bin gat taim ol i bin kisim ol pikinini bilong mi na ol i lusim mi tripela yia i go pinis.

Man bilong mi i bin salim mi i go bek long ples bilong mi na nau em i maritim nupela meri na mi no save long dispela. Em i hat liklik long mi bringim dispela hevi bilong mi i go long han bilong lo bikos mi nogat samting long soim olsem mi tok stret. Man bilong mi i no tokim ol dispela samting long mi tasol sampela gutpela pren i mekim ol dispela toktok long mi. Ol dispela pren i save go kam long provins bilong mi na ol i save tokim mi long kisim ol pikinini bilong mi bek bikos man ya i maritim nupela meri pinis.

Man bilong mi i bilong narapela provins na mi bilong narapela. Man i bin lusim mi wantaim ol pikinini long ples bilong em taim em i bin go long siti long painim wok.

Bihain papamama bilong man salim mi yet i go long siti long go painim man na painim wanpela wok tasol mi traim hat na mi no painim. Ol wantok bilong mi i lukim dispela na ol i tokim mi long go bek long ples bilong mi inap man ya i painim wanpela wok na haus long siti.

Mi wari tru long ol pikinini bilong mi bikos mi save olsem ol bai i no inap stap gut wantaim ol narapela lain. Mi save slip long wanpela haus kapa tasol ol pikinini bilong mi i save slip long haus kunai long ples bilong man.

Plis tokim mi long wanem we bai mi ken bringim ol

pikinini bilong mi kam bek long mi o nogat tokim mi long wanem we mi ken stretim marit bilong mi.

**"LONELY MUM"**

**Dia Pren,**  
Dispela em longpela taim tru yu bin lusim famili bilong yu na mipela i ting olsem yu mas kisim edvais bilong loya o Welfea Opisa long wanem kain samting yu mas mekim. Yu ken toktok wantaim ol Welfea Opisa long ples bilong yu o nogat toktok wantaim ol long ples man bilong yu i wok stap long en. Ol Welfea Opisa bai helpim yu long kisim wanpela kot oda long kisim ol pikinini bilong yu i kam bek gen long yu yet.

Yu mas helpim ol Welfea Opisa long raitim ol nem, krismas na wanem hap ol i stap na las taim yupela i bin stap wantaim.



Yu bin tok olsem sampela gutpela pren i bin tokim yu long pasin man i bin mekim long yu. Dispela toktok em yu mas tok-save tu long ol Welfea Opisa taim yu lukim ol.

Lo i tok olsem man bilong yu i mas peim mentenens bilong ol pikinini bilong em inap ol i gat 16 krismas. Ol Welfea Opisa bai tokim yu moa long dispela samting. I gat we long yu ken kisim kot oda long kisim mentenens bilong ol pikinini bilong yu.

LAIPLAIN



Nem: Elsie Amoah  
Krismas: 16 (meri)  
Adres: PO Box 252, Ghana Information Service, C/- Mr Sillpe Mensah, Cape Coast, Ghana, WA  
Save laikim: Singing na ritim baibel.

Nem: Gladys Aggrey-Fynn  
Krismas: 21 (meri)  
Adres: PO Box 205, Cape Coast, Ghana, WA  
Save laikim: Kuk na raun long narapela ples.

Nem: Nancy Coleman  
Krismas: 17 (meri)  
Adres: PO Box 205, Cape Coast, Ghana, WA  
Save laikim: Senisim presen na singsing.

Nem: Agnes Amoah  
Krismas: 19 (meri)  
Adres: PO Box 205, Cape Coast, Ghana, WA  
Save laikim: Pilai tenis na rit.

Nem: Gifty Takyi  
Krismas: 18 (meri)  
Adres: PO Box 205, Cape Coast, Ghana, WA  
Save laikim: Singing na harim musik.

Nem: Veronica Barbara Sam  
Krismas: 24 (meri)  
Adres: PO Box 1487, Cape Coast, Ghana WA  
Save laikim: Ritim baibel na swim.

Nem: Macelinda Williams  
Krismas: 28 (meri)  
Adres: PO Box 263, University Post Office, Cape Coast, Ghana, WA  
Save laikim: Mitim man.

Nem: John Kamga  
Krismas: 19 (man)  
Adres: Haella Plantation Division 3, PO Box 26, Kimbe, WNB, PNG  
Save laikim: Go wok, pilai soka na raetim pas.

Nem: John Siwi  
Krismas: 18 (man)  
Adres: Haella Plantation Division 3, PO Box 26, Kimbe, WNB, PNG  
Save laikim: Ritim pas na senisim poto.

Nem: John Kolip  
Krismas: 19 (man)  
Adres: Haella Plantation Division 3, PO Box 26, Kimbe, WNB, PNG  
Save laikim: Mekim pren na senisim.

Nem: Duxii Gimo  
Krismas: 17  
Adres: PO Box 153, Bialla, WNB, PNG  
Save laikim: Lukim TV, pilai soka, go lotu, waswas na raun long nambis na raetim pas.

Nem: Serum Lapan  
Krismas: 24 (man)  
Adres: PO Box 3283, Lae, Morobe Province  
Save laikim: Raetim pas.

Nem: Prince Daniel's  
Krismas: 17 (man)  
Adres: PO Box 156, Oguaa District, Ghana, West Africa  
Save laikim: Harim musikim, pilai basketball, pren na senisim poto.

Nem: Shillar Acquah  
Krismas: 18 (meri)  
Adres: PO Box 156, Oguaa District, Ghana, West Africa  
Save laikim: Lukim vidio, rit na mekim pren.

Nem: Esi Sophia  
Krismas: 27 (meri)  
Adres: North Oguaa Village, Block A House, Post Box 390, Oguaa Village, Ghana WA

Nem: Nana Fynn  
Krismas: 26 (meri)  
Adres: East Grand Forks-London Bridge, C/- Box CT 390, Cape Town City C/R, Ghana, WA

Nem: Kasie Jonah  
Krismas: 21 (man)  
Adres: PO Box 2905, Lae, Morobe Province  
Save laikim: Harim gospel musik, pilai soka, volibal, go lotu, lukautim kakaruk na wok gaden.



# KANAGE



Kanage bilong Rai Kos wanpela liklik ples ol i kolim Bilau. Wanpela taim em i kam stap wantaim tambu meri bilong em. Tambu bilong em i go long bus na kisim wanpela wel pik i kam. Na ol i mumuim na rausim mumu na kaikai. Na tambu bilong Kanage i tokim Kanage olsem, "Yu no ken kaikai pik tasol. Yu kaikai sampela taro na kaukau wantaim." Kanage bekim na tok. "Olgeta taim mi save kaikai taro, kaukau tasol olsem na nau bai mi kaikai pipia pik tasol." Em i tok olsem na em i kaikai pik tasol. Em long Sarere apinun. Orait long Sande moning бага les ya em i kaikai pik tasol na em i go waswas na werim waitpela trausis na siot na em i go lotu. Em i sindaun stap na em i pilim kapupu na em i ting olsem em bai rausim win tasol ya nogat strongpela pekpek warawara ya pairap pinis long waitpela long jin nau smel pekpek ya i bagarapim ol man i sindaun klostu. Potu na Kanage isi tasol kirap nau tekov i go long haus. Em i no bisi long lotu, em i go olgeta.

Mais K. Kimbe

Meri bilong Kanage i bilong Henganofi. Wanpela taim em i go long Goroka taun long baim senis bilong em. Em go insait long stua na kisim wanpela blaas (klos) na traim. Em kisim i go insait long fitting rum na werim tasol klos i pas long susu. "Meri bilong Kanage wet meri Malaysia askim em," em fit? Meri bilong Kanage i laik tok, "nogat klos i pas long susu," tasol em kirap na tok, "susu

and klos and pas." Ol manmeri stap insait long stua dai stret long lap. **Ovio Jasarsaffi Lae**

Kanage wantaim poro bilong em i bilong Bena Blok long 10 Mail Lae. Poro bilong Kanage save liklik long Inglis na Kanage yet nogat. Tupela go long pilai kas long kankum. Tupela pilai i go na tupela wantaim lus. Long hap Kanage tok mi lusim K20 nogat wanpela win. Poro bilong em tok, "Mi lusim K30: tasol, never mind." Kanage harim hap tok never mind i no stret long em na em kirap tok, "Yu tok never mind long mi? "Yu no inap tok never mind long mi. Yu tu yu never mind ya." Yu tok never mind long mi olsem i go na yu? Yu tu yu never mind ya. Tupela kros na kam long haus.

**Ovio Jasanafi Lae**

Kanage em i wanpela man bilong Ganggalawa long Buluminski haiwe, Nu Ireland provins. Wanpela taim bikpela kaikai i kamap long ples Lamusmus na olgeta manmeri long ol ples klostu i go. Ol i kilim planti pik na mumuim wantaim ol taro, saksak, kaukau na tapiok. Olgeta man na meri i bung pinis na meri ol i rausim ol mumu. Switpela smel bilong pik na taro i kisim nus bilong Kanage na aste yet maus bilong em i pulap pinis long spit na hangre tu i kilim em wansait. Kaikai i redi pinis orait man husat i go pas long dispela kaikai i askim, "I gat wanpela kateketkol pasto i stap i ken blesim kaikai na bai yumi kaikai?" Kanage em hangre pinis ya. Taim em harim maimai i askim long pasto, em hariap tru sanap na i tok, "Orait olgeta pasim ai na maus." Na em pre olsem, "Papa God smel bilong pik na taro i wokim na maus bilong mi i pulap long wara na hangre tu i painim mi. Krangi stret olsem na mi askim yu long blesim dispela ol kaikai na abus hariap tasol, na wanem hap ol dispela kaikai i kam long en na ol manmeri redim long en, em laik bilong yu. Sapos yu no laik blesim ol orait maski. Olgeta brata na lista yumi olgeta askim bikpela long nem bilong Maimai

bilong dispela Malagan na olgeta i tok? Na nogat wanpela man o meri i tok Amen. Olsem na Kanage yet i kirap i singim, "Aleluia."

**Pius Rocky Kavieng**

Kanage em bilong ples Barum. Wanpela apinun paps Kanage wantaim Misis bilong em tupela wetim PMV long Barum maus-rot. Wanpela ka bilong Joint Kampani i kam na papa Kanage i stopim na draiva askim tupela na paps ya i tok. "Mi laik go long Bos Comp." Orait draiva tokim tupela long kalap long ka na wanpela wokman i helpim paps long pulim bilum antap. Draiva i paps wantaim Misis bilong em, sindaun gut na holim strong. Misis bilong Kanage sindaun antap long wanpela taia bilong ka na paps yet em sindaun antap long sait bilong ka. Orait draiva i spitim ka. Ka wok long seksek na paps Kanage bin werim wanpela sotpela tait trausis. Em i bisi long holim strong sait bilong ka na lukluk long sait bilong draiva. Taim Misis Kanage i lukim wansait bilong paps i sain nogut tru, Misis bilong em i ting wanpela mabol bilong pikinini bilong tupela i sain, tasol nogat. Wheel bilong papa ya i lus kamdaun na hangamap. Orait olgeta man antap long ka i lukim olsem na meri bilong em i go klostu long em na i tok, "Papa wil ya i hangamap i kam daun ya." Papa Kanage i ting Misis bilong em i tok long wil bilong ka. Em kirap tokim draiva, "Wheel bilong ka ya i hangamap ya." Na draiva lukim nogat na i tokim em. "Yu giaman, ating wil bilong yu yet i hangamap ya." Paps Kanage i guria na lukluk i go daun na i lukim wansait wil bilong ka i sain nogut tru. Olgeta wokman antap long ka i lap nogut tru long em na Kanage sem pipia nogut tru.

**Naimao Amendan Madang**

Kanage i stap long ples bilong meri Kbilong em long Aitape, Sandaun provins. Wanpela nait em i go raun long nabis na i wok long pulim pis i stap. I no logntaim masalai bilong dispela hap i lukim nupela pes na i laik pretim em na

kaikaim olgeta pis bilong em. Kanage bisi long pulim plis i stap na long baksait masalai i bin kalap pinis na i wok long kaikaim ol pis i no tan i stap. Taim Kanage harim maus bilong man kaikai em kirap nogut na tanim lukim masalai ya. Na masalai kirap tokim kanage olsem, "Aha yu hambek, yu save olsem mi masalai ha? Mi pinisim olgeta pis nau bai mi kaikaim yu tu ya harim ha!" Kanage painim rot bilong ranawe i go na kirap tokim masalai ya, "Eh, na mi tu mi masalai ya." Na em kirap kaikaim wanpela pis wantaim blut. Tarangu masalai tru tru ya i ting tru na kirap lusim em na Kanage tekov long haus wantaim hap pis. Tasol long haus bel pen bilong ol pis i no tan i kilim em wansait.

**Narrie Gedisa Lae**

Kanage em wanpela manki Pinex. Em man bilong wok gaden kopi, lukautim pik na em stap tasol long Pinex bus. Em wanpela i stap nogat meri pikinini. Em olsem Gohundue na stap tasol man ya i gat moa samting. Wanpela Fraide i gat maket na pilai laki na bingo long ples. Nau em waswas na i go wantaim tupela dok bilong em. Tupela dok ya nem bilong ol, em Mogi na Sunupi. Ol i kam kamap long maket na ol sindaun long ai bilong diwai i stap. Kanage i go baim ol karamap skon, rais boil, buai na smok na em kam sindaun na ol kaikai i stap. I no long taim wanpela marit meri lukim tasol kam sindaun klostu na singaut, "M hangre tu." Papa Kanage seken raun gen pinisim kaikai na stat kaikai buai na smok. Yu save paps kam long bus olsem na em putim sampela grisbata long meri na nau man bilong meri ya kam tasol na tok, "Yupela wokim wanem?" Kanage kirap tasol tok gris pinis bata tasol i stap. Man ya tanim het putim tupela i go long jas na kotim tupela. Jas tokim Kanage long statim tok. Kanage tokim kot olsem, "Ol i save katim gras arere tasol long banis na papa bilong gaden yet save planim tapiok long dispela gaden. Mi nogat?" Paps Kanage winim kot na em tekov wantaim tupela dok bilong em long Pinex bus.

**Wankon Liru Goroka**

**RAUN WANTAIM**

© JADA WILSON 2001

**KANAGE**

**PAPS KANAGE HARIM OLSEM KIK BOKSA STANLY NANDEX I WINIM WOL TAITOL NA EM TU LAIK TRAIM KIK BOKSEN...**

KANAGE! KANAGE!  
KANAGE REPRESENTA PNG LONG KIK BOKSEN!  
NANDEX HOLIM WOL TAITOL!  
CLAP! CLAP!  
CLAP! CLAP!

**EM I GO PULAMAPIM WESAN LONG WANPELA IOK-G RAIS BEG NA PRAKTIS LONG KIK I STAP...**

**HAIII CHAA!!**

**OLGETA DE EM BAI PRAKTIS NA MISIS KANAGE I LES PINIS LONG EM... EM KIRAP NA RAUSIM WESAN NA PUTIM OL TRAIPELA STON I GO INSAIT NA HANGAMAPIM BEG I GO BEK GEN...**

HE! HE! HE! PASTAIM YU TRAIM WESAN, NAU BAI YU PILIAM KIK BILONG OL MANU STON!

**NAU KANAGE RAUN PINIS NA KAM BEK LONG PRAKTIS... LONGWEI YET KANAGE RAN NA KALAP WANTAIM NA KIKIM BEG...**

AIYOOO MA-MAA!  
HAIII!!!  
GRAK!

**BAGA KISIM TAIM STRET BIKOS OL STON TASOL PULAP LONG BEG...**

**LEK BILONG EM I BRUK NA EM SILIP LONG HAUSSIK WAN YIA OLGETA...**

MI GIVAP YAH!



### Givim gan long sekyuriti

**Dia Edita,**  
Dispela belhevi bilong mi i go olsem watpo tru ol bisnisan i save kamapim ol sekyuriti sevis long taun na ol i no save givim ol sekyuriti gan o pistol na bai ol i kolim ol dispela samting.

Planti taim mi save lukim ol sekyuriti i save sanap wantaim ol hap diwai tasol na dispela hap diwai i no gat pawa long em. Planti taim ol raskol i save bagarapim ol sekyuriti na sapos ol sekyuriti i gat gan na pistol em i gutpela bai ol i ken sutim ol raskol na bai ol raskol i ken suruk na bai ol raskol i ken pret long ol sekyuriti.

**Sonny Taken  
Kimbe, WNPB.**

### Ol hevi kamap

**Dia Edita,**  
Mi bilong Mt Hagen distrik. na seksek bilong mi Terea seket na Paris Nebilyer Paris, ples nogut.

Mi raitim dispela strongpela pas long ol pasin nogut i kamap. Dispela 4-pela samting, namba wan em spak brus. Ol yangpela gutpela manki ol i save pulim smok nogut i go i go na ol i kamap long long gen. Na ol gat laik long kilim man i dai na stil na kainkain pasin nogut long dispela kantri bilong yumi Papua Niugini. Na

namba tu em sik AIDS i sik nogut i luk olsem olgeta manmeri bai i dai pinis ya.

Yu husat man o meri tingting gut. Na namba tri em ol wanpela save pretim ol gut tru na lusim famili na ting em i meri bilong mi o man bilong mi tasol nogut yu lusim mani nating na ol famili i stap nating.

Namba foa em ol raskol bilong pulim mani long wan sait bilong yu tasol i no gat sem.

**George Tendi  
Mt Hagen, WHP.**

### Memba bilong PNG

**Dia Edita,**  
Planti taim mi save ritim long Wantok niuspepa olsem ol i save toktok long wanwan memba long wanwan provins. Orait bilong wanem memba bilong ol i no save helpim ol. Ating ol memba i no save lukluk long pipel bilong ol?

Planti taim mi pasim ai na mi les tru. Sapos ol memba bilong yupela ol bikhet orait yupela mas wetim ol long 2002 ileksen.

Olsem na long taim long givim vot yupela mas lukim gut na givim vot.

I no ken vot nating nating na kain komplek bai kamap long Wantok nius.

Sekim gut na glasim gut lida bilong yu na givim X long em. Sapos em i grisim yu long wanpela K50, yu kaikai tasol na laik bilong yu yet long votim man.

**Monias Kanaka  
Kavieng, NIP.**

### Stretim taun

**Dia Edita,**  
Mi wanpela manki bilong kol ples K92, lsten Hailans provins. Kavieng taun yumi i no lukautim gut. Ol yangpela bilong Kavieng i no lukautim gut taun bilong ol.

Planti kain sitisen bilong ol i bagarapim taun. Yumi ol wokman planti das tumas na taun i bagarap. Yumi mas yusim het bilong yumi.

Taun em i no kamap gut liklik.

Pasin bilong tok pilai long ol narapela man em pulap.

Yupela pasin bilong ol manmeri bilong narapela hap tu em nogut olgeta. Traim na sori na marimari long ol.

**Manias Kanaka  
Kavieng, NIP.**

**Toksave i go long ol manmeri husat i save salim pas kam long Wantok Niuspepa. Sapos yu no putim nem tru bilong yu long pas bai mipela i no inap prininim pas bilong yu.**

# No gat senis

**Dia Edita,**  
Mi laik komplek long gavman bilong Sir Mekere Morauta. Yumi kisim independens long Septemba 16, 1975 i kam inap nau. Tasol i nogat mining o senis bilong en. Ol samting bilong stua i go antap na fiul, bensin, wel bilong blaus, sip, ka, olgeta sevis insait long kantri i go antap yet.

I nogat senis liklik na tu ol pe bilong wok manmeri i stap daunbilong long K50 o K40 foatnait pe. I luk olsem yumi i no kisim independens yet. Olgeta samting i stap olsem bipo long taim bilong tumbuna.

Sapos gavman i ting yumi kisim

independens pinis orait em i ken mekim wok bilong en long apim pe long olgeta wok manmeri long gavman na kampani. Yu antap na tu gavman i mas opim ai na lukim gut.

Planti wokman kampani bilong ol ovasis waitman i sekim ol na ol i stap nating na gavman bilong Sir Mekere i mas tokorait wantaim kampani long baim pinis pe bilong ol.

Olsem bilong yumi PNG independens pinis. Na i no ovasis moa.

**Joel Genisem  
Kimbe, WNPB.**

### Toktok i swit

**Dia Edita,**  
Mi tok tenkyu long givim dispela spes long mi tokaut long belhevi bilong mi.

Mi laik toksave long Alfred Pogo olsem ai bilong em i pas pinis yau bilong em tu i pas.

Yumi save olsem ai na yu i no bilong Finsafen em i stap long olgeta hap. Mi no save em i memba bilong Kerowagi?

Mi Finsafen yu no save long mi bilong wanem yu entatenim ol lain bilong yu long ol 4x4 ka hia long Mosbi na ol ponim pinga long yu? Olsem wanem ol PNG lukim yu long televisen insait long arapela ilektoret na i no long Finsafen. Gayiolu taun i les pinis, ol suka pisin, ol wokim haus na yu i stap TV feveret.

Mi salensim yu husat nupela kendidet i redi long kapsait olsem ren. Kainkain giaman polis i swit toktok. Pulapim Gagiodu ros taun long laud spika.

Wanpela kaskas dok i stap was long yu. Em kam tasol was long swit loli bai manmeri go long em na givim sia i go long em nau bai yu givim gen.

Sapos yupela i no lukaut gut ilektoret sia em i strong bilong yumi na em givimaut ol Finsafen swit loli.

**Mote Piti  
Pot Mosbi, NCD.**

### Tiket i dia tumas

**Dia Edita,**  
Mi wanpela manki bilong Kainantu, lsten Hailans provins.

Mi save lotu long Lutheran sios. Tasol mi laik putim gel-pren bilong mi antap long Lutheran sip MV Manigulai.

Mipela save baim bikipela mani tumas long dispela sip. Yupela ol lain i go pas long dispela sip i no inap long diskaun long mipela o olsem wanem? Ol liklik pikinini tu ol baim bikipela mani.

Ol liklik pikinini ol i stap 5 yia na baim dispela kain mani em i no gutpela tumas. Traim na putim prais i go daun pastaim maski long sip em i spit tumas, putim prais i go daun.

Sapos yumi kristen soim gutpela pasin.

**Monias Kanaka  
Kavieng, NIP.**



### 15 yia lus nating

**Dia Edita,**  
Mi wanpela manki long Paroma tasol nau mi stap long Kutubu. Na mi laik egensim pas bilong brata Kency Mesa.

Kency Mesa i luk olsem yu mas wanpela man we i no save stap gut long ples na raunraun tumas long ples bilong narapela man.

Sori long ol pipel bilong Nipa Paroma Kutubu na Vosani. Olsem na mi tok, Embel Philemon i no wokim wanpela wok insait long 15 yia. Ol pipel bilong Nipa Paroma, Kutubu na Vosavi mas votim wanpela nupela man we bai sori long krai bilong yumi pipel. Brata yu sapotim Philemon ya na inap yu listim ol projek yu tupela

Embel i wokim insait long 15 yia na ol pipel bilong Nipa Kutubu bai lukim na tok olsem em i tru?

Sapos nogat, orait ol pipel bilong Nipa Kutubu mas makim wanpela gutpela man bai lukim nid bilong ol pipel.

**Lexie Topau  
Kutubu, SHP.**

### Salim ol Tari i go bek

**Dia Edita,**  
Mi laik painim memba bilong mi Tom Tomiape memba bilong Tari-Pori Open. Em i go lus na hait olgeta long Pot Mosbi siti wantaim ilektoret developmen fan mani bilong mipela long kirapim ol wok developmen long ol rurel viles eria long Tari.

Mi amamas long ripot bilong Wantok nius olsem dispela memba bilong Tari-Pori Open, Mista Tom Tomiape, em i kandre tru bilong mi. Em i lusim ples longpela taim tumas long 1997 ileksen taim em i winim Tari-Pori na em i sindaun long Pom siti 3-pela yia. Em i gat haus na bisnis wantaim nem bilong em i stop pinis long siti. Mi laik askim Mista T. Tomiape long risain long Tari-Pori memba o memba makim mipela Tari-Pori ilektoret pinis olgeta. Ol manmeri bilong Tari na Huli-Hela ol i no amamas long memba lusim ol pipel bilong em.

Sapos memba Tom Tomiape i no laik risain, okey yu mas painim arapela rot long amamasim ol pipel bilong yu. Ol i pulap i stap long Gordon maket, Erima maket na Tokarara maket.

Mi lukim planti planti handet manmeri bilong Tari pulap tru long dispela 3-pela maket ples olsem na mi laikim yu memba yet baim balus bilong ol i go bek long ples.

Em rong bilong yu memba lusim ples i kam i stap olgeta long Pot Mosbi siti na ol manmeri tu ol i bihainim yu i kam long siti, laka?

Mi askim Mista Tom Tomiape yu yet salim ol i go bek long asples bilong ol. Na bihain long 2002 ileksen ol i ken tingim yu.

**Matiabe Yuwi  
Hela, SHP.**

### Rait man i stap

**Dia Edita,**  
Mi wanpela man we i laikim tumas long ritim Wantok niuspepa. Nesenel ileksen bai kamap long neks yia

2002 na hevi bilong kantri na ol lida i wok long bagarap, na tu tumoro tasol bai yumi makim gen ol nupela.

Ol olupela lain i soim rot pinis long pasin nogut bilong ol, na yupela i lukim na harim pinis. Mi bilip ol nupela lain lida bai mekim wankain pasin tu. Bikos bagarap i stap pinis ol blut bilong PNG. Na yu husat nupela man laik traun long sanap long neks yia i mas tingting gut.

I tru yumi kisim independens tasol i no inap yet bikos lida i wok long mekim stil pasin long mani bilong pipel na arapela samting tu.

I gutpela long olgeta pipel long PNG mas makim Sir Michael Somare na ol waitman i pikinini o kamap sindaun bilong PNG. Sir Michael i mas lidim ol dispela lain bai orait stret.

Mi tok ken, kantri i mas makim papagraun Sir Michael Thomas Somare i mas lukautim yumi ol pikinini PNG, em bai rait olgeta.

**Tappe Angu  
Lae, MP.**



## Skelim man gut

**Dia Edita,**

Mi wanpela manki long Mt Tawa insait long Erave distrik long Sauten Hailans provins tasol. Nau mi kam stap long Pot Mosbi siti.

Mi laik tok klia olsem PDM i bagarapim pipel bilong PNG na kantri wok long bungim hevi i kam inap nau. Mi tok strong bilong yupela olsem yupela no ken votim man nating long 2002 nesanel ileksen yupela mas save olsem ol lida strong long haiarim ol plis i kam na sutim sumatin bilong yumi.

Mi no amamas long gavman yet mekim dispela kain pasin nogut long pipel. Olsem na mi putim long pablik niuspepa.

**Stanley Kewa  
Hohola, NCD.**

Sapos yu laik salim ol pas bilong yu i kam long dispela niuspepa, Salim i kam long dispela adres:

THE EDITOR  
WANTOK NEWSPAPER  
PO BOX 1982,  
BOROKO, NCD.

## Mak bilong gutpela lida

**Dia Edita,**

Toksave bilong mi i go long olgeta grasrut pipel bilong PNG. Nau 109 memba i stap insait long Nesanel Palamen.

Mi lukim 10 o 11 pela memba i lida tru bilong PNG. Mi lukim 97 o 98 memba ol i no lida tru bilong PNG.

Dispela 97 o 98 memba yumi no tingting gut na votim ol. Olsem na taim ol i win, ol i lusim tingting long helpim yumi. Mi lukim ol i politikal pati

lida yusim ol memba olsem meri.

Nau dispela toksave bilong mi i go long olgeta grasrut pipel bilong PNG. Long yia 2002 Nesanel Ileksen, yupela mas lukluk gut, tingting gut, plen gut na votim gutpela lida.

Dispela gutpela lida mas wok wantaim yumi, kaikai wantaim yumi na slip wantaim yumi.

**Paul Baulin  
14 Mile, Pom.**

## Ol Hela kisim taim

**Dia Edita,**

Mi wanpela bus manki long Hela i luksave olsem 2002 ileksen bai i no inap isi tumas bikos mipela manmeri long Hela i kisim taim.

Ating Nesanel Gavman i no gat balus long Hela kantri, Sauten Hailans pipel. Sapos yu wanpela man laik kam mauswara long Hela pipel yu

lukaut bikos mi stap long maus na mi tok.

Long 1999 mipela manmeri long Magarima i bin maketim laip bilong mipela olsem na mi tok.

Nau ol pipel bilong Magarima i stap long gret 2 levul.

**Hela Igiri  
Tari, SHP.**

## Pulim nating kopi

**Dia Edita,**

Mi wanpela manki Tairona tasol mi stap long Noribori Isten Hailans provins. Mi laik autim hevi na wari bilong mi i go long ol pablik manmeri.

Mi save lukim ol kopi baias long Kainantu i save taitim wan o tu kilo na giaman na ol i save apim prais bilong kopi i go antap long K2.20 o K2.30 na tu i no gutpela pasin ol kopi baia i save mekim.

Ol i save go na pulim kopi bilong ol lapun man na meri i kam skelim na papamama bilong kopi i no tok orait na wai i kapaaitim kopi i go long bag bilong em na kauntim mani na givim papamama bilong kopi.

Plis dispela kain pasim i no stret ya. Kopi i gat bikpela hatwok bilong em mipela i save mekim.

**Mea Kavante  
Norikori, EHP.**



## Kisim laip bilong man

**Dia Edita,**

Mi wanpela manki long ples Pangia, Sauten Hailans provins Las Wiru. Las taim mi harim olsem wanpela haikul tisa i bin dai long Goroka haikul. Dispela em mun kilim bilong yumi yet em yumi kilim Papua Niugini.

Na narapela long Mosbi siti ol Yuni studen dai long Mosbi, NCD.

Sori tru brata yu mekim pasin nogut na yu bai i go we yu mas tingim. Bihain yu bai sanap long kot bilong papa God antap. Mi ken tok olsem mi manki long ples na mama long Wantok niuspepa na mi tok olsem yu kilim yu yet.

Mi manki long ples Las Wiru mi kamap long Wantok niuspepa na mi tok olsem yu kisim laip bilong Papua Niugini. Dispela pen yu mekim long komyniti skul na haus sik na gavman na yu mekim pawa long olgeta lain nau.

Dispela kain man mi ken tok olsem ol dok save traat na bihain em yet save kisim na kaikai. Yu tingting olsem yumi kilim man olsem raun na yumi bai stap longpela taim o nogat? Mi tok olsem yumi tu bai dai olsem animel.

Lo bilong papa God antap i tok yu no ken kisim laip bilong man. Tingim papa God-em yet bai kisim laip bilong man bikos em yet kamapim yu na mi no save wanem taim em laik kisim bek. Laik bilong em tasol yumi bai nogat.

**Junnia Wilox  
Pangia, SHP.**

## Strongim kona bilong Aitape/Lumi

**Dia Edita,**

Mi wanpela manki Lumi tasol nau mi i stap long Morobe provins. Mi save lukim na redim planti niuspepa tasol mi i no save lukim ol memba bilong Aitape/Lumi openim sampela projek olsem skuls, et pos, wara saplai o ol narapela samting we ol pipel bai amamas na sapotim ol.

Ating yupela i no toktok long palamen ating long ples tasol yupela totok bai ol meri pikinini lukim na harim. Long ai bilong i narapela saveman yupela kamap bebi bebi olsem na yupela i no inap kisim wanpela samting.

**Mathson Borex  
Lae, MP.**



**Gavman mas kamapim wok bilong ol yut - Dispela em ol yangpela mangi long Wewak taun. Taun i save pulap tru long olgeta wik Fraide na Sarare. Dispela em long wanpela Fraide na ol i kam limlimbur long taun. Planti hap bilong kantri i save wankain olsem.**

## Nil gras i pulap

**Dia Edita,**

Mi lak autim wanpela komplek bilong mi i go long pablik na long ol pipel bilong Talasea long Wes Nu Briten.

Bipo dispela ples long Talasea i gat planti gutpela gavman sevis, olsem Pos, Opis, Didiman Wokman, Plis Stesin, Haus sik, Ples Balus, ol Saina Stua, opis bilong lokal gavman kaunsil, maket ples, bikpela plantesin bilong kampani long Valupai.

Nau i no gat nem moa.

Pasin raskol na bikhet pasin long ples i bikpela tru. Ol i brukim na stilim olgeta kapa na ol samting na ples i slip sori wantaim nil gras.

Bipo dispela ples Talasea nem bilong em i save pairap. Kimbe taun i kamap nau tasol.

Dispela kain pasin bilong bagarapim gavman sevis, em i stopim developmen long ples.

Nau ol i kam soim sampela biket pasin tu

long Kimbe taun. Em i pasin bilong ol pik na dok na i no pasin bilong man i gat tingting.

Las long en mi laik tok olsem i no Talasea tasol, planti hap long narapela hap long Papua Niugini tu dispela pasin bilong bagarapim sevis tu i stap.

Plis lukautim samting na i no ken bagarapim ol sevis.

**Luke Glumchen  
Kimbe, WNBP.**

## Rausim ol blek maket long Kimbe taun

**Dia Edita,**

Mi wanpela manki Sinasina, Simbu provins. Mi save raun na lukim husat taun bilong Kimbe i no gutpela tru.

Mi save lukim ol papamama na ol gutpela yangpela meri save sindaunim long fran long ka pak na Kimbe Supamakot.

Sampela long bas stop bilong Hella, Garu na Numondo. Ol biklain save tuhat na sindaunim long Kisere stua lain salim buai, daka, smok na ol kaikai.

Ating Kimbe taun nogat mein

maket ya? Planti hap taun na sili mi lukim ol i gat seperet maket, mein maket na buai maket. Kimbe taun olsem wanem stret? Taun atoriti o kaunsil mas pulim su na soks bilong yupela.

Sapos yu husat Wes Nu Briten manmeri i no wanbel long mi, traim kam raun long Simbu, Kundiawa taun bai yu wanbel na ting tru long ol toktok bilong mi.

**Bomai Gunahyal  
Kimbe, WNBP.**



Ol yangpela i laikim nem bilong ol i stap insait long niuspepa long painim pen pren i mas prinim tupela nem wantaim adres, na wanem samting yupela i save laikim long mekim (hobbie).

# Whaling

## I no toktok long lukautim Envaironmen

### Tasol em bikpela toktok bilong Lukautim Kaikai

Wanpela tingting long kamapim wanpela ples bilong ol whale (bikpela pis bilong solwara) long stap fri long wanpela hap long Saut Pasifik Osen i no kisim sapot long Intenesenel Whaling Komisnin (IWC) Miting we i kamap long London long mun Julai long dispela yia. Em i bin kamap klia olsem ol man husat kamapim dispela tingting i no mekim sampela wok painim aut long sains o lukluk raun long wanem samting i stap long eria, ol i toktok tasol bikos ol i bihainim wanpela politikel na ikononik lukluk bilong ol yet.

#### 1. Giaman tok save kamap long whale na pasin bilong kilim ol

Sampela kantri na manmeri i giaman ol pipel na surikim giaman na wansait edvetismen long pepa olsem kilim whale i wanpela pasin nogut. Planti pipel i no klia na wok long bihainim ol kainkain giaman toktok.

#### (a) I gat moa long 80-pela kainkain whale olgeta

Wanpela giaman bilip ol manmeri i save kamapim long ol whale i olsem olgeta kainkain whale i stap long birua na bai ol i dai olgeta. Long wol i gat moa long 80 kainkain whale, ol whale olsem ol baleen whale na ol lit whale. Planti pret na tok olsem ol whale bai dai aut tasol dispela i no tru. I gat sampela whale olsem ol wara dolphin we namba bilong ol i go daun liklik tru na klostu bai ol i dai aut olgeta. Namba bilong sampela bikpela whale olsem blu whale i liklik yet, dispela whale em wanpela bikpela animel long dispela graun. Ol kantri long Yurop, Amerika na Australia i kilim ol dispela blu whale long laik bilong ol long 1800s na long stat bilong 1900s. Tasol long nau yet ol dispela whale i no inap dai aut olgeta bikos i gat sampela tok orait bilong olgeta kantri long wol long lukautim ol na nogat man bai kilim ol.

Long narapela sait, namba bilong kain whale olsem minke whale i bikpela tru na sampela hap ples ol i stap long en i save paspas nogut tru. Olsem na em i gutpela long skelim ol kainkain whale grup na luksave wanem grup i laik dai aut na wanem i gat planti namba. Ol manmeri i noken kirap na ting olsem olgeta 80-pela grup bilong whale i stap long birua na inap dai aut.

#### (b) Whaling - gutpela rot bilong skelim na yusim risos bilong solwara

Narapela kranksi tingting ol planti

pipel i save holim em i olsem "ol kantri husat i laik kilim whale i pasim tok long kilim olgeta kain whale wantaim tu ol whale we laik dai aut." Dispela em i no trupela tingting. Ol kantri husat i gat laik long kilim whale i tingting olsem ol kain whale husat gat bikpela namba olsem minke whale na narapela abus bilong solwara husat i gat bikpela namba em yumi ken kisim. Na i gat tok orait long olgeta kantri long wol olsem "yumi ken yusim gut ol samting tasol lusim sampela bilong bihain taim" tingting i save stap olgeta taim. Ol kantri husat i gat tingting long kisim whale i no tok olsem ol bai kisim olgeta kain whale na kilim ol long laik bilong ol. Ol i sapotim tru tingting bilong lukautim wanem whale namba i liklik na i laik klostu dai aut olgeta.

#### (c) "Noken kilim Whale" - I no tingting bilong planti manmeri

Kantri na grup husat i no laikim ol man i kilim whale i surikim bikpela giaman toktok tru olsem "planti kantri sapot na tok noken kilim whale." Insait long IWC i gat planti memba kantri husat no laik kilim whale tasol dispela i no tingting bilong olgeta manmeri long wol.

Long kibung bilong CITES (Convention on International Trade in Endangered Species of Wild Fauna and Flora) tingting bilong salim, baim na kisim minke whale i kisim bikpela sapot long hap bilong ol memba kantri husat kam long bung. I gat klostu long 150 memba kantri bilong CITES tasol IWC i gat 40 memba kantri tasol. Dispela namba i soim olsem noken kilim whale em i tingting bilong sampela manmeri tasol na i no tingting bilong olgeta manmeri long wol.

#### 2. Wanpela ples bilong ol whale long Saut Pasifik Osen

#### (a) I no kamap long tingting bilong ol saintis

Tingting bilong kamapim wanpela ples bilong ol whale insait long Saut Pasifik Osen em Australia na New Zealand i givim long miting bilong IWC long las yia, tasol ol i no kisim tok orait. Na tu i kamapim wankain toktok long dispela yia na ol i no kisim tok orait gen. Wanpela as tingting em tingting bilong Australia na New Zealand tasol IWC i no wanbel, bikos em dispela tupela kantri wantaim i no lukluk long sains na ekosistem i stap long eria. Dispela tingting bilong kamapim dispela ples bilong whale bai i tambuim ol manmeri long kilim ol whale we i gat bikpela mama wantaim ol whale i gat liklik namba. Ol i no klia wanem kain whale ol i laik lukau-

tim na wanem whale ol i laik kilim. Long wankain taim dispela tingting bilong tupela kantri i no tok klia wanem wanem gutpela samting bai kamap bihain long sait bilong sains na wok painimaut.

Planti saintis bilong whale long tupela sait wantaim (husat laik kilim na husat tok tambu) i ting olsem nogat inap wok painim aut long sait bilong Sains i go insait long dispela tingting. Long tok tru, IWC Saintifik Komiti i no tok orait long dispela tingting. Long i go moa Wol Fan bilong Netua (WWF), wanpela bikpela grup bilong tok nogat long kilim whale i tok i no gutpela tingting long stapim olgeta kain whale long kilim.

#### (b) I no bihain "yusim gut na tingting bihain tingting bilong yusim risos"

Bikpela tingting bilong yusim risos na inap long bai stap long bihain taim tu, i tingting bilong bihain ol tumbuna i kisim luksave i kam long 183 kantri na Convention on Biological Diversity em ol i sainim tok orait long Earth Summit we ol i holim long Rio de Janeiro, Brazil long 1992. Long dispela bung tingting bilong yusim gut risos na tingting bihain i bin wanpela bilong ol bikpela toktok. Long planti arapela kain bung, miting na kibung, olgeta kantri i bung na kamapim dispela tingting olsem wanpela bikpela tok orait bilong Intenesenel Komuniti.

Long Pasifik Osen, i gat sampela grup bilong whale i stap we i gat planti bilong ol na bai i no inap sot na inap stap longpela taim. Ol dispela kain risos bilong solwara em ol manmeri i mas yusim gut na i ken stap longpela taim. Tasol tingting bilong putim na makim wanpela ples bilong ol whale i stap bai i no inap givim tok orait long ol manmeri i kisim whale long laik. Dispela i no bihainim stret dispela intenesenel tok orait.

#### (c) Nogut samting bai kamap long piseris

Ples bilong larim ol whale i stap long laik inap kamapim bikpela bagarap long laip bilong olgeta kainkain pis insait long Saut Pasifik Osen. Long tok tru dispela yia, ripot i soim olsem planti bagarap i save kamap. Insait long solwara bilong Papua Niugini, ol whale i save kaikai ol tuna pis we ol man inap kisim wantaim ol kuk. Na long Tonga bikpela namba bilong ol whale i kamapim birua wantaim ol pisamen. Antap long dispela, ol whale i save kaikaim olsem 80 milien ton bilong kainkain laip i stap insait long solwara long wanpela yia insait long Saut Pasifik, sampela gutpela tuna pis

em bai ol pipel i ken kaikai. Dispela kaikai em whale i save kaikai em wankain olsem 4-pela taim moa long namba bilong pis ol manmeri i save kisim long wanwan yia. Sapos ol i tok tambu long kisim olgeta kainkain whale olsem, bikpela bagarap tru inap kamap na daunim narapela laip bilong solwara. Ol risos bilong solwara we manmeri inap yusim long en olsem pis nabaut bai i pinis long solwara.

#### 3. Noken Kilim whale -giaman politikel toktok

(a) Tok orait long kilim kengeru Gavman bilong Australia i save tok orait long ol pipel kilim moa long 2 milien wel kengeru long wanwan yia na salim mit i go long ovasis na i save giaman na tok kros long ol kantri husat laik yusim risos bilong solwara gut olsem kilim whale. Long USA bikpela namba tru bilong ol wel dia em ol pipel i kilim na i kaikai mit bilong em (moa long 5,600,000 dia long 1996). Wanem samting em narapela namel long dispela wel animel na minke whale? Nogat na nogat tru. Dispela ol kantri i gat tupela polisi na taim ol tok nogat long kilim whale, tingting bilong ol i no klia tumas.

#### (b) Ol trik kantri husat save salim mit i pilai long yumi

Planti bilong ol kantri husat tok nogat long kilim whale i save salim mit i go ovasis o kantri husat gavman bilong ol i laik kisim sapot bilong ol Envaironmen na animel rait grup na holim yet politikel pawa bilong ol. Ol kantri ya i ting olsem sapos ol tok kilim whale, mit ol save salim bai i go daun. Na tu em wanpela kain rot ol i save yusim long kisim sapot long ol envaironmen grup sapos ol tok tambu long kilim whale. Dispela em ol bikpela as tingting bilong ol kantri i pasim tok strong na tambu long kilim whale. Sampela bilong ol dispela kantri i no yusim gutpela rot na save giaman ol pipel gut tru na kamapim ol sampela maus wara olsem "Japan baim vot wantaim promis bilong givim ovasis aid." Ol i save yusim ol dispela kain giaman toktok long salensim ol kantri husat save laik long kisim whale bikos ol i save olsem ol i nogat wanpela saintifik o strongpela toktok bilong strongim tru bilip bilong ol long tambuim ol kantri long kilim whale.

#### 4. Yusim gut risos bilong developmen

Tumbuna papa bilong mi wantaim brata bilong em bipo i save kisim whale long Japan. Tupela wantaim i pinis long wok taim IWC i putim moratorium long stapim olgeta komesol operesen

bilong kilim whale long 1982. Planti wanwok bilong tupela tumbuna papa i lusim wok. Mit bilong whale em wanpela gutpela namba wan abus long kaikai long Japan we i lus olgeta. Nogat whale mit i save stap moa long tebol. Long kisim ples bilong whale mit, bulmakau mit bilong Amerika na Australia i save stap antap long tebol.

Bipo long Tonga ol i save kilim whale na kaikai mit bilong em. Taim itambu toksave long kilim whale i kamap na ol manmeri i stat long kaikai "lamb flaps", gris mit bilong sipsip. Na nau ol i kisim ol kain bikpela sik olsem sik long hat na rop bilong blut. Em dispela pipia mit i kam long New Zealand na Australia, tasol ol manmeri bilong dispela kantri ol yet i no save kaikai. Papua Niugini i gat planti gutpela risos. Sampela ples manmeri i save yusim gut ol abus bilong solwara olsem dugong na trausel long kaikai na planti ol arapela abus bilong bus we i stap yet na i kam bipo long taim bilong tumbuna. Tasol dispela ol kain abus bai ol i traime stapim. Ol kantri husat salim bulmakau na sipsip mit bilong ol giaman ol pipel long noken kisim ol narapela abus moa. Ol i mekim olsem bai ol i ken go het long salim abus bilong ol yet na giaman tasol ol pipel husat i no inap save. Dispela gris mit bilong sipsip we inap kamapim sik i stap nau long bikpela taun na ol liklik taun long Papua Niugini. Ol yet tingting long salim mit bilong ol na mekim bikpela mani olsem na ol i giaman tumas.

Inap Papua Niugini developmen em yet long taim ol narapela lain i tambuim ol pipel long yusim wanem risos bilong ol yet long ples bilong ol?

Solomon Ailians, wanpela Saut Pasifik Ailan kantri i no sapotim tingting bilong Australia na New Zealand long kamapim wanpela ples bilong lukautim ol whale. Australia na New Zealand givim tok strong long Solomon Ailians mas tok orait tasol Solomon Ailians i strong na tok nogat bikos gavman na pipel bilong Solomon Ailians i klia pinis olsem wanem toktok i kamap i nogat gutpela wok painim aut long sains na tu nogat wanpela win mani long sait bilong ikononi. Na tu ol i save long rot bilong "yusim sampela risos nau na lusim sampela bilong bihain taim" tingting long bringim developmen.

#### Ichiro SHIMIZU

Tumbuna pikinini bilong wanpela whaler long Japan 3397, Taiji, Taiji-cho, Higashimuro-gun, Wakayama Prefecture, JAPAN Septemba 2001



# Ol Spot Dro

## Toksava

Salim ol dro. risalts na poin lada i kam long Wantok Niuspepa long Tunde olgeta wik. Salim long Spots Edita: Fax: 325 2579 o ringim em long telepon no: 325 2500

### PORT MORESBY SOCCER ASSOCIATION

SATURDAY, SEPTEMBER 29, 2001

<b>GRAND FINAL</b>		
<b>BISINI ONE</b>		
0800		GATE OPEN
0900	D3	M. BARRACKS V MOMASE
1100	W2	RAPATONA V KULA
1300	D2	BURESONG V BAVAROKO
<b>BISINI TWO</b>		
0800		GATE OPEN
0900	D4	RAPATONA V ANZ UNIVERSITY
1100	Y2	ARNOTTS ELA UTD V POM INTER SCHOOL
1530	D1	KURTI ANDRA V BLUE KUMULS

SUNDAY, SEPTEMBER 30, 2001

<b>BISINI TWO</b>		
0800		GATE OPEN
0900	Y1	COSMOS V BFW PS UTD
1100	W1	COSMOS V TELIKOM
1300		ENTERTAINMENT MANUS SINGSING GROUP.
1330		STANLEY NANDEX EXHIBITION KICK BOXING DISPLAY.
1350		WELCOME ADDRESS BY PATRON MR BENNYN POPOITAI.
1400		VARIOUS SPEAKERS.
1430		TEAMS TO ASSEMBLE IN FRONT OF THE OFFICIAL GRANDSTAND.
1450		INTRODUCTION.
1500		NATIONAL ANTHEM.
1510		OFFICIAL KICK OFF.
1530		PREM BFW ELA UTD V ANZ UNIVERSITY

### NATIONAL ATHLETIC CHAMPIONSHIP GOROKA

SATURDAY, SEPTEMBER 29, 2001

<b>(9AM)</b>		
100M HURDLES	U20	(F)
100M HURDLES	OPEN	(F)
110M HURDLES	U20	(M)
110M HURDLES	OPEN	(M)
<b>(9.30AM)</b>		
100M HEATS	U16 INVITATIONAL	(F)
100M HEATS	U16 INVITATIONAL	(M)
100M HEATS	U20	(F)
100M HEATS	U20	(M)
100M HEATS	OPEN	(F)
100M HEATS	OPEN	(M)
SHOT PUT	U20 AND OPEN	(M)
JAVELIN	U20 AND OPEN	(F)
<b>(10.30AM)</b>		
1500M FINALS	U16 INVITATIONAL	(F)
1500M FINALS	U16 INVITATIONAL	(M)
1500M FINALS	U20	(F)
1500M FINALS	U20	(M)
1500M FINALS	OPEN	(F)
1500M FINALS	OPEN	(M)
DISCUS	U20 AND OPEN	(F)
LONG JUMP	U20 AND OPEN	(M)
HIGH JUMP	U20 AND OPEN	(F)

SUNDAY, SEPTEMBER 30, 2001

<b>(9AM)</b>		
800M HEATS	U16 INVITATIONAL	(F)
800M HEATS	U16 INVITATIONAL	(M)
800M HEATS	U20	(F)
800M HEATS	U20	(M)
800M HEATS	OPEN	(F)
800M HEATS	OPEN	(M)
SHOT PUT	U20 AND OPEN	(F)
JAVELIN	U20 AND OPEN	(M)
<b>(10.30AM)</b>		
200M HEATS	U16 INVITATIONAL	(F)
200M HEATS	U16 INVITATIONAL	(M)
200M HEATS	U20	(F)
200M HEATS	U20	(M)
200M HEATS	OPEN	(F)
200M HEATS	OPEN	(M)
DISCUS	U20 AND OPEN	(M)
LONG JUMP	U20 AND OPEN	(F)
<b>(10.45AM)</b>		
400M HURDLES	U20	(F)
400M HURDLES	U20	(M)
400M HURDLES	OPEN	(F)
400M HURDLES	OPEN	(M)

(11.15AM)

400M SEMI FINALS	U16 INVITATIONAL	(F)
400M SEMI FINALS	U16 INVITATIONAL	(M)
400M SEMI FINALS	U20	(F)
400M SEMI FINALS	U20	(M)
400M SEMI FINALS	OPEN	(F)
400M SEMI FINALS	OPEN	(M)

#### MEDAL PRESENTATION LUNCH BREAK

(11.15AM)

4X100 RELAY	U20	(F)
4X100 RELAY	U20	(M)
4X100 RELAY	OPEN	(F)
4X100 RELAY	OPEN	(M)
TRIPLE JUMP	U20 AND OPEN	(M)

#### MEDAL PRESENTATION LUNCH BREAK

(1PM)

200M FINALS	U16 INVITATIONAL	(F)
200M FINALS	U16 INVITATIONAL	(M)
200M FINALS	U20	(F)
200M FINALS	U20	(M)
200M FINALS	OPEN	(F)
200M FINALS	OPEN	(M)

(1.15PM)

100M FINALS	U16 INVITATIONAL	(F)
100M FINALS	U16 INVITATIONAL	(M)
110M FINALS	U20	(F)
110M FINALS	U20	(M)
100M FINALS	OPEN	(F)
100M FINALS	OPEN	(M)

(1.45PM)

800M FINALS	U16 INVITATIONAL	(F)
800M FINALS	U16 INVITATIONAL	(M)
800M FINALS	U20	(F)
800M FINALS	U20	(M)
800M FINALS	OPEN	(F)
800M FINALS	OPEN	(M)

(2PM)

3000M FINALS	U16 INVITATIONAL	(F)
3000M FINALS	U16 INVITATIONAL	(M)
3000M FINALS	U20	(F)
3000M FINALS	U20	(M)
3000M FINALS	OPEN	(F)
HIGH JUMP	U20 AND OPEN	(M)
TRIPLE JUMP	U20 AND OPEN	(F)

(2.30PM)

4X400 RELAY	U20	(F)
4X400 RELAY	U20	(M)
4X400 RELAY	OPEN	(F)
4X400 RELAY	OPEN	(M)

(2.45PM)


400M FINALS	U16 INVITATION	(F)
400M FINALS	U16 INVITATION	(M)
400M FINALS	U20	(F)
400M FINALS	U20	(M)
400M FINALS	OPEN	(F)
400M FINALS	OPEN	(M)

(3.30PM)

5000M	U20 AND OPEN	(F)
5000M	U20 AND OPEN	(M)

#### MEDAL PRESENTATION AND CLOSING

#### AWILUNGA BASKETBALL ASSOCIATION DRAW



SATURDAY, SEPTEMBER 29, 2001

#### MIX DIVISION

09.00AM AWILUNGA V DRYMATES	WOMEN
09.55AM LANGS V NARI BUBIA	MEN
10.50AM NARI BUBIA V 11 MILE	WOMEN
11.40AM E. MOUNTAINS V 11 MILE	MEN
12.30PM LANGS V DRYMATES	WOMEN
01.20PM NARI BUBIA V DRYMATES	MEN

02.10PM E. MOUNTAINS V NARI BUBIA WOMEN  
03.00PM AWILUNGA V 11 MILE MEN

SUNDAY, SEPTEMBER 30, 2001

11.00AM AWILUNGA V 11 MILE	WOMEN
11.55PM LANGS V E. MOUNTAINS	MEN
12.50PM DRYMATES V E. MOUNTAINS	WOMEN



01.40PM DRYMATES V 11 MILE	MEN
02.30PM 11 MILE V LANGS	WOMEN
03.20PM AWILUNGA V LANGS	MEN

#### DRAW FOR THE WEEKEND

**BLACK DIVISION**  
LUANGA 1 V TIKAI MULEI 1 AT KONE CLUB  
P/R SERGENT 2 V POM TECH AT CLUB 21  
**GREEN DIVISION**  
ZULU 3 V SANKAMAP 4 AT CLUB 21  
SERGENT P/R 2 V SANKAMAP 3 (ANGELS) AT CLUB 21  
NOTE: ALL GAMES TO BE START AT 1PM.

#### POPONDETTA BASKETBALL PREMINARY FINALS



SATURDAY, SEPTEMBER 30, 2001

**COURT ONE**  
WOMEN - A RESERVE  
11.00 GUNS VS WANTOKS


12.00 GUNS VS WATERBOARD

**A GRADE**  
01.00 SOROVOI VS WATERBOARD  
02.30 GUNS VS HARBOURS BAY RUTZ





*Ol  
kainkain  
spot  
eksen*





## Wollom helpim ol skol

CASPAR Wollom i tromoi K13,250 long baim ol Fan Ran t'siot bilong ol 6-pela skol insait long Nesenel Kaptiel Distrik.

Aninit long nem bilong kampani bilong em Alert Securities Services, Mista Wollom i tromoi bikpela mani tru long helpim ol skol. Dispela fan ran bai kamap long dispela wik Sande.

Ol skol i kisim helpim em Gordons Secondary, Coronation, Bomana, Evedahana, Laloki na Is Boroko.

Mista Wollom i tok em i amamas long sapatim ol skol. Tasol bikpela askim em i laik ol i mas yusim gut mani ol i kisim long t'siot long wokim ol skol projek bilong ol.

Em i tok "Taim mi givim helpim, mi givim wantaim hat bilong mi. Na mi no laikim kainkain tok."

Planti ol kampani i baim t'siot bilong ol skol insait long siti. Tasol Mista Wollom i baim bilong ol skol i stap long setelmen eria insait long siti. Ol skol i stap long eria bilong 8-mail na 9-mail eria.

Wollom i tok helpim i no bikpela tasol em i bilip ol i ken yusim gut mani long taim ol i salim ol siot.

# Gazelle makim ol nupela sofbal opisel

GAZELLE Sofbal Asosiesen insait long Is Nu Briten i makim ol nupela opisel bihain long wanpela anuel jenerel miting (AGM) long Tomaringa Bareks long las wiken.

Taim presiden Matalau Nakikus i lusim Rabaul na trense i go long Pot Mosbi, vais presiden Aaron Maramun i lukautim asosiesen. Olsem na long soim sapat, jenerel miting i makim Maramun olsem nupela presiden.

Ol arapela opisel ol i makim em Andrew Ponda olsem vais presiden, Bai Igua olsem sekretari na Marie ToVue olsem tresera.

Long strongim GSA, miting i oraitim tu ol komiti long mekim wok bilong ol. Ol i makim judiseri komiti, grauns komiti, teknikel komiti, seleksen komiti na fan raising komiti.

Nem bilong ol komiti i stap olsem Grauns: Raphael Naive, Peter Serevi, John Bangut na Andrew Ponda.

Teknikel: Cleopas Warapit. Judiseri: Michael Peniwingi, Alois Tamean na Cleopas Warapit.

Fan raising: Tony Puiket, Marie ToVue, Daniel ToVue na James Warapit

Seleksen: Alfred Malana, Richard Tataik, Tony Puiket, Melky Tutai na Cleopas Warapit.

Mista Maramun i tok tenk yu long ol klab i makim em olsem presiden bilong ol. Em i tok em i no nupela long wok bikos em i bin stap olsem namba tu presiden bilong bilong asosiesen las yia.

Em i askim olgeta klab long wok bungwantaim na asosiesen i ken ran gut. Maramun i tok sapos em i kisim wankain helpim olsem ol opisel long bipo, GSA i ken lukim gutpela fainel long dispela sisen. Em i namba wan taim stret long 2000-2001 sisen we

sofbal fainel i nogat trabel na olgeta man i amamas tasol ya.

Maramun i tok wanwan klab i makim ol yut grup, viles na spoting grup insait long Gazelle Penansula eria.

Em i tok sofbal i mekim bikpela senis tru. Na planti ol yangpela i lusim pasin nogut na i wok long kamapim gutpela tingting long sindaun isi.

Vunadidir em wanpela ples i gat nem long rap pasin. Tasol nau sofbal i daunim olgeta hevi na ol yangpela i nogat taim long stap nating na mekim ol pasin nogut.



• Caspar Wollom (namel) wantaim Sir John na bos bilong Trukai, Neville Whitecross.

## Waliya i gat bikpela wok tru

WALIYA klab i gat bikpela wok tru long dispela Sande taim olgeta tim bilong ol bai pilai insait long priliminari fainel.

Insait long A, Waliya bai bungim Rusa Cowboys. Dispela gem planti man i no klia long husat bai win long wanem tupela tim i strong tru na ol sapat i no inap tok long dispela gem.

Waliya em wanpela strongpela tim bilong 1990. Ol i winim gren fainel 9-pela taim olgeta. Tasol klab i lusim planti gutpela

pilaia long wanem ol i trense i go long arapela hap bilong Westen provins na tu bai pilai insait long kantri.

Kosa bilong Waliya Sowati Ole i tok ol pilaia bilong i gat stail na stamina long pilai long semi fainels. Hevi bilong tim em ol pilaia i nogat disiplin na tu i nogat ekspesriens long fainel.

Tupela lapun Yaeti Sikili husat i kepten bai pilai wing sem-taim. Na arapela lapun Joe Pagru bai go pas long huka posisen. Dispela tupela olpela pilaia bai go pas long Waliya long dispela wik Sande.

Waliya i lusim seken rowa bilong ol Dykes Dewo husat i stap wet kot long sas bilong lukautim spak brus (marawana). Tasol tupela arapela sek rowa Gilbert Mulake na Samson Menai i gat wok i stap ya.

Yangpela hapbek bilong Waliya Dickson Sanaka i mas helpim ol pilaia bilong ol stap isi na pilai gut. Sapos Waliya i laik win Sanaka i mas lukautim beklain gut wantaim bal long larim faiv-et bilong em Teddy Diboga i setim ol winga long skoa.

Hapbek bilong Cowboys Lobog Terry em wanpela bilong yangpela mani long Kiunga i wok long mekim mak long ragbi lig fil. Em bai kisim sapat i kam long Jackson Piagari long helpim em.

Cowboys i gat ol senta i save spit tru olsem Samsie Lalamo, David Sano na fulbek Sam Buia. Ol bai resis wantaim beklain bilong Waliya long Sande apinun.

Wanem tim i stap isi, pilai strong na fit bai winim dispela priliminari fainel bilong Kiunga ragbi lig.

## Difending premier Storms bukim namba wan spes long fainel

SEMPION tim Fly Storms i bukim namba wan spes long Kiunga ragbi lig gren fainel bihain long em i autim Rusa Cowboys long mesa semi fainel las wiken.

Namba wan hap i no go gut long wanem bikpela ren na win i

bagarapim gem.

Cowboys i nogat ol gutpela pilaia i kamap long taim long wanem ol i spak na planti i gat bagarap long skin bilong ol.

Kosa bilong Cowboys Ovehere Kerere i askim sampela ol yangpela long riserv gret long

kam kisim ples na pilai.

Ol boi Cowboys i kamapim gutpela gem tru long namba wan hap.

Winga David Sano na Mark Mili long senta i skorim trai bilong Cowboys long helpim ol i go pas long skoa bot 14-12.

# PNGSF kisim nupela sponsa

SEKRETARI bilong Papua Niugini Spots Federesen Sir John Dawanincura i tokaut long dispela wik olsem Institut ov Bisnis Stadi (IBS) i joinim famili bilong koperet kampani long sapatim opis bilong em.

Long soim olsem IBS i gat namba, kampani i givim K25,300 long PNGSF long mekim wok bilong em.

Sir John i tok olsem IBS i no nupela skol. Em i save helpim PNGSF planti taim tru long wokim mani bilong PNGSF long ol kainkain fanraising. IBS i stat sapatim PNGSF long 1998.

Dispela yia mani bilong K25,000 i go long tripela eria. Namba wan em Prime Minister Corporate Golf salens (K2,500), Prime Minister Celebrity Walk (K2,000), Trukai Fun Run (skolasip) K5,800 na tu ol i baim Fan Ran t'siot long oksen K15,000.

Sir John i tok IBS em wanpela bilong ol lain i tromoi bikpela mani tru long taim bilong Trukai Fan Ran oksen. Arapela wok em IBS i helpim em long trenim ol wokman bilong PNGSF long skol long kompyuta.

Papa bilong IBS Mick Nades i tokaut olsem skol bilong em i amamas long sapatim wok bilong PNGSF. Dispela em wanpela sevis i go long komyuniti na ol i amamas long givim helpim.

Nades i tok skol bilong em i save tromoi K30-35,000 long spot tasol. Tasol em i pilim olsem dispela i no gutpela tumas olsem na ol i givim long PNGSF we olgeta lain i ken gat sans long yusim.

Dispela em wanpela as watpo IBS i rausim sponsasip bilong em long PS United las yia. Tasol ol PS United i go ken na kisim Boroko Foodworld long sapatim ol bikos em i kampani bilong Is na Wes Sepik.

Mista Nades i pasim toktok na givim olgeta mani i go long PNGSF. Bipo IBS i save sponsorim planti ol soka klab insait long Sogeri na NCD. Tupela bikpela sponsasip em IBS soka klab long Pot Mosbi soka na IBS Pukpuk long Sogeri Valley Ragbi Lig kompetisen.

Em i tok olsem em i amamas long joinim koperet famili long sapatim spot insait long kantri.



• Ila Geno (raithan) wantaim pikinini bilong em husat i resis long Nesenel Swiming sem-pisip long Pot Mosbi las wik.

# Bogia i soim pes long skul soka salens

BOGIA em wanpela liklik distrik long boda bilong Madang na Is Sepik. Sapos yu laik raun long Pot Mosbi, yu bai tromoi klostu K600 long kam na go bek.

Tasol dispela i no stapim wanpela Anda 17 tim bilong dispela eria. Dispela soka tim i gat ol pilaia long Bieng Top-Up (Manam Island), Bogia Katoik Misin Top-up, Banara Katoik Misin skul Top-up, Bogia Admin Top-up, Mikarew Top-Up.

Man i go pas long bringim tim i go long Goroka em olpela intanesenel pilaia Albert Saragum.

Planti soka pilaia long Rabaul na tu long Pot Mosbi bai save long en. Em wanpela gutpela straiika bilong Air Niugini soka klub.

Nau taim bilong em i pinis na em i go sindaun long ples na traim developim soka, wanpela spot em i gat bikpela laik long en.

Saragum i tok dispela tonamen em i olsem opim ai bilong ol yangpela mangi. Soka em wanpela bikpela spot long Bogia eria tasol i nogat gutpela kosing na sapot em i save kisim long PNGFA long traim strongim soka.

Planti askim bilong Saragum i save pundaun long iau na ai bilong PNGFA tasol nogat wanpela samting i save kamap.

Saragum i amamas tru long ol Nesenei Orogenaisa i orinim soka i go long Goroka. Na dispela i mekim isir long tim bilong Bogia long kam stap long dispela resis em wok

olsem sapos tonamen i ken stap long Niugini sait long Lae o hailens, Bogia bai bringim bikpela tim neks yia.

• Insait long arapela stori, Praim Minista Sir Mekere Morauta i givim K6,000 long salim Skul ov Excellence tim i go long stap insait long Orogen Skul soka salens we i kamap nau long Goroka.

Sir Mekere i givim dispela mani las wik Fraide long sekretari bilong Pot Mosbi Skul Soka Michael Michael Sanginambuk.


Pot Mosbi i gat tim long Anda 13, Anda 15 boys, Anda 15 girls, Anda 17 boys na Anda 17 girls.

Mosbi i nogat tim long Anda 11 long wanem ol i go resis long Boomben Soka Kanivel long Cairns, Australia.

Praim Minista i gok em i mekim bikpela seleksen long givim mani. Na em i ting skul soka em rait we long strongim ol yangpela long pilai soka. Opis bilong Praim Minista i kisim planti askim long sapotim ol, tasol em i givim long soka tasol.

Mista Sanginambuk i tok tenk yu long Praim Minista long helpim bilong em. Wokabout i go long Goroka i kos long K53,000. Pot Mosbi Skul Soka Asosiesen i wokim K38,000. Praim Minista i givim K6,000 na Orogen i sapotim ol wantaim arapela K5,000.

• Gat tupela arapela tim bilong Pot Mosbi Boreboa na Wardstrip tu i salim tim bilong ol i go. Arapela ol tim olsem Philip Aravure St John - Tokarara na Waigani i no soim pes long dispela resis em wok



• Tupela pilaia i pait long kisim bal insait long wanpela netbal resis long Mosbi.

## Bikpela namba bilong senta kamap long tonamen

SAMTING olsem 70 tim olgeta long 16 senta i wok long resis insait long 2001 Orogen Nesenei Skul Soka salens i wok long kamap long Nesenei Sports Institute long Goroka.

• Tim i kam long ol soka eria olsem Pot

Mosbi, Goroka, Lae, Bulolo, Vanimo, Tari, Mendi, Finschhafen, Madang, Tabubil, Kainantu, Bogia na Markham.

Ol tim i resis long ol dispela divisen Anda 13, Anda 15 (boys/girls) na Anda 17 (boys/girls).

Pot Mosbi yet i salim 5-pela tim olgeta long dispela sempionsip.

Ol i salim Anda 12 School of Excellence soka tim long pilai long Anda 13 divisen. Na Anda 13 divisen tru i go pilai long Australia.

Tabubil i gat wan-

pela strongpela tim tru husat planti bilong i bin pilai long Anda 10 tim long winim Orogen taitel long Pot Mosbi.


Geoffrey Gideon wanpela komiti bilong dispela tonamen amamas tru tasol em i gat planti wok tru long mekim dro

# PAINIM BAL RESIS NAMBA 8

WINIM K100

### RUL BILONG PILAI:

1. Makim X long boks long poto yu ting bal i stap
2. Makim X long pen tasol
3. Katim poto long sisos na salim long: **PAINIM BAL RESIS NAMBA 7, Wantok Niuspepa, P.O. Box 1982, Boroko, NCD.**
4. Nambawan entri i makim stretpela hap bal i stap, em bai win.
5. Las de bilong kisim ol entri em Fraide 31 Ogas, 2001.
6. Long Wantok bilong Fonde Septemba 27, bai gat nupela K100 prais mani resis. Bai gat resis bilong olgeta mun i go inap mun Desemba, 2001.
7. Disisen bilong komiti i makim wanpela wina em i fainel.
8. Wina bai kisim sek mani, na i no long kes.
9. Sapos nogat wina bai skruim win moni i go long narapela resis.
10. Yu ken salim moa long wanpela entri, tasol noken yusim poto kopi.
11. Ol wokman meri na pikinini bilong Wantok i no stap insait long dispela resis.



# Skul soka i kukim stret Goroka

MOA long 1000 skul mangi insait long kantri nau i wok long brukim bun long 2001 Orogen Nesenei Skul Soka salens long Goroka.

Dispela junia soka sempionsip bilong ol skul mangi i stat long Mande na bai pinis long Fraide long dispela wik.

Meya bilong Goroka Michael Gotaha i opim dispela wantaim mas na givim sampela gutpela toktok long strongim spot insait long kantri.

Kodineta bilong Orogen Salens John Mogi i makim maus bilong sponsa, Orogen i tok olsem kampani i amamas tru long stap wantaim soka.

"Mipela bilip olsem soka i muv fowat na developmen long ol yut em as bilong muv fowat, Mogi i tok.

Em i namba wan taim Orogen Soka salens i go stap long narapela senta. Long las 4 yia, tonamen i save kamap long Pot Mosbi tasol.

Nesenei kodineta i muvim skul soka i go ausait long Pot Mosbi long pulim moa tim ausait long Pot Mosbi long resis.

Sinia vais presiden bilong PNGFA Seth Daniels tu i stap long opening seremoni. Arapela ol bikman em Elizabeth Solon bilong Edukesen Dipatmen long Isten Hailens provins.



• Ol skul manki long Mosbi i brukim bun.

Mista Seth i tok olsem "Yupela i gat bikpela laik long pilai soka, nau em i wok bilong PNGFA long kisim na lukautim na sapotim dispela tonamen. Olsem na wanpela de ol i ken kamapim wanpela tim long wol.

Siaman bilong ol Ogenaising Komiti Paddy Kelly i strongim toktok bilong Fair Play na i askim olgeta pilaia long kamapim gutpela pilai long trupela spirit bilong soka.

Raitim nem na adres bilong yu: **Nem**..... **Address**.....

..... **Krismas**.....

Yu ken salim moa long wanpela entri, tasol no ken yusim poto kopi.



# PS United bai difendim taitel

BOROKO Foodworld PS United i winim pinis las spes bilong Kina Fainens Pot Mosbi Soka Asosiesen gren fainel. Ol boi PS United i memeim stret Cosmos 3-2 long bungim ANZ University long gren fainel long Sande.

Na long gem bilong wimen divisen wan, Cosmos bai salensim Telikom long fainel bihain long ol i nekim ANZ University 1-0. Dispela gem na em gutpela dinau stret long wanem ANZ University i autim ol 1-0 long namba wan fainel gem.

Olpela intanesenel straiika Paschalis Atalou i skorim tripela gol long rausim ol lain Cosmos.

Gem namel long United na Cosmos i strong tru. Olgeta dipatmen long strong na dua bilong Cosmos i op taim biknem Steven Mune i kisim bagarap na lusim fil.

Yangpela Sam Mulina i kisim ples tasol i no kamapim strongpela gem tumas olsem lapun Mune.

Cosmos i skorim namba wan gol taim Mune i skoa. Tasol em i kisim bagarap, ol United i kam insait long namba tu hap, na Paskalis Atalou i no westim taim long levelim skoa ya.

Bihain liklik tasol Paskalis i skorim narapela gol ken. Dispela i surikim skoa bilong United i go long tu na Cosmos wan yet.

Dispela gem i strong yet na yangpela junia intanesenel pilaia Abraham Enoch i setim wanpela gutpela bal na Michael Lohia i hetim i go insait na skoa i stap 2-2.

Insait long ekstra taim, ol i bihainim golden gol rul na Paskali i skorim winning gol.

Dispela gem i no isi bikos PS United i no laik givim sans long ol. Ol i strong tru na kamapim wanpela pilai we i blokim tru Cosmos.

Ol boi bilong Cosmos i laik kamapim histori long go insait long fainel tasol ol i sot liklik ya.

Insait long wimens divisen, Cosmos i autim ol ANZ University na bai bungim ol lain Telikom long gren fainel.

Dispela gem i gutpela stret. Tupela tim wantaim i strong tasol University i no yusim gut sans na ol lain Cosmos i autim ol.

Lydia Barnabas i salim wanpela gutpela bal i kam long Fiona Soso husat i hetim na go insait long winim dispela gem 1-0.

# ANZ Yuni bai kisim taim

WANEM tim i pilai strong na i gat gutpela midfil bai winim bikpela Kina Finance Kap soka resis long Pot Mosbi long dispela wiken.

Dispela kik resis bilong gren fainel i stap namel long lig sempion, ANZ University na difend- ing sempion, PS United.

ANZ University i winim maina primia taitel na tu winim namba wan gem na bukim namba wan spes long fainel.

PS United i pinis namba tu tasol Cosmos i autim long long namba wan fainel 1-0. Tasol long prilimineri fainel, ol PS United i bekim bek na nekim ol 3-2.

Tupela tim, University na PS United i gat wankain stail long pilai. Ol boi University bai kisim strong long kepten Joe Aisa, straiika Reg Davani, Steve Mali na Ben Lakasa long winim gem.

Kosa John Davani husat i gat bikpela bilip olsem PS United bai salensim University long fainel i redim pinis gem plen long winim ol boi Sepik.

Na long sait bilong PS United, kosa Stalin Jawa bai strong tru long winim dispela taitel gen. Em bai kisim sapot long Paul Komboi na Paskalis Atalou long winim dispela gem bilong ol.

Ol arapela pilaia husat i save kamapim gutpela pilai long PS United em kepten Nathan Vincent, Adolf Horris na Jimmy Korei.

Korei i save hatim bel bilong ol sapota wantaim kain isi isi pilaia bilong em. Sapos em i laik PS i win, em i mas senisim long taim bilong gren fainel.

Namba wan birua bilong PS United em Ber Lakasa. Boi Karkar ya i save bagarapim tru sindaun bilong ol beklain bilong

ol tim. Ol fulbek bilong PS United i mas was gut long straik bilong em.

Kepten bilong University Joe Aisa i wok long kamapim gutpela gem long beklain. Sapos ol PS i laik win, ol i mas mekim poisin long stapim em. Sapos nogat, em bai hat long brukim difens bilong em.

Na long gem bilong ol meri, Telikom husat i sempion tim bilong Papua Niugini bai tu gut long winim dispela taitel.

Ol meri Telikom i gat ol pilaia olsem Margaret Aka, Nelly Taman, Julie Alau, Frederica Swin, Priscilla "Ghost" Konalali, Judith Sauto na yangpela Cathy Alau long winim dispela gem.

Long sait bilong Cosmos em Miriam Lanta, Rosie Keni, Lydia Barnabas na Fiona Soso long winim dispela gem.



• Lukim kain kung fu eksen bai kamap namel long PS United na Yunivesiti long bikpela gren fainel bilong Pot Mosbi Soka Asosiesen long Sande long Bisini.

## Popondetta makim junia skwat

POPONDETTA Skuls Basketbal Asosiesen i makim pinis wanpela trening skwat bilong Anda 22 long go stap insait long Nesenel Junia Basketbal sempionisp we bai kamap long Lae.

Anda 22 basketball sempionisp bai kamap long. mun Oktoba 12-13.

Dispela skuls basketbal kompetisen em wanpela spesel projek bilong Popondetta Basketbal Asosiesen (PBA) long traim strongim spot insait long Noten Provins.

Presiden bilong PBA Jack Ami i tok olsem dispela skwat ya i gat planti ol skul mangi long tripela skul olsem

Martyrs, Sangara na Popondetta.

Em i tok planti bilong ol skwat memba i sumatin na olgeta i save tren hat tru long go pilai. Nem bilong ol skwat ya (man) Manson Baduga, David Baduga, Eric Buriwaia, Trevor Sabina, Adrian Okoma, Danny Itari (Martyrs), Douglas Baituru, Peter Yabunisa, Nande Nangia, Jack Avese, Selby Mamunai, Garry Gaibiri (Sangara).

Meri: Lillian Gadebo, Cathy Ogaita, Rebecca Bill, Agathan Hudson (jnr), Lashma Kohota, Melinda Tahima, Barbara Hangiri (Martyrs), Aida Korede, Barbara Tei, Elsie Jimuni, Agnes

Namembo, Lulu Kambari and Diana Hojavo (Sangara).

Popondetta Praimeri Skul i no salim yet nem bilong ol mangi long go long ol kosa long skelim na lukluk long em.

Dispela em i namba wantaim PBA i givim tok orait long wanpela skul tim long go makim provins long nesenel basketbal sempionisp.

Mista Ami i singaut i go long ol wanwan pilaia long baim K100 levi fi. Dispela em bilong baim wokabaut bilong ol. PBA bai lukautim haus slip na kaikai bilong skwat taim ol i stap long Lae.

Trening de bilong ol mangi em Tunde, Fonde na Sarere. Ol

## PMSA pinisim 2001 sisen wantaim stail

POT MOSBI Soka Asosiesen (PMSA) bai pinisim 2001 sisen bilong em wantaim nupela stail long dispela wiken.

Vais presiden bilong PMSA Mark Kelep i tok namba wan taim mesa spona, Kina Finance bai givim prais mani i go long primia na tu divisen wan fainel bilong meri.

Kina Finance aninit long lukaut bilong Kina Securities Limited i go pas long mesa spona bilong Pot Mosbi soka sisen long dispela yia.

Mista Kelep i tok dispela em i namba wan taim ol primia tim bai kisim prais mani long gren fainel.

Em i tok bipo long fainel, bai i gat sampela danis olsem Manus Dancing Grup we i kam yet long ples bilong Mark Kelep yet. Bihain long dispela bai i gat sampela Wol sempion, Stanley Nandex bai putim kamap sampela giaman pait wantaim ol paitman bilong em long kiboksing skul.

Vais presiden i tok bihain long dispela patron bilong PMSA Benny Popoitai bai mekim sampela toktok.

Bihain long olgeta toktok tupela tim bai sanap na lain we ol referi na opisel bai sekim ol ya.

Na las tru em bikpela gem bilong Boroko Foodworld PS United na ANZ University bai statim pilai bilong ol.

Mista Kelep i tok olsem ol lowa divisen bai pilai long Sarere. Na Yut Divisen namel long Cosmos na BFW PS United bay statim gem long 9 kilok na bihain long em Cosmos na Telikom i brukim bun.

Ol eksekutiv bilong PMSA i askim olgeta sapota na pilaia long kamapim gutpela spirit long taim bilong fainel. Ol i askim ol long sapot gut na mekim dispela gren fainel i namba wan.

Presiden Fabian Chow tu i mekim wankain tok- tok long olgeta sapota long kamap na sapotim gut tim bilong ol.


Em i tok strong olsem ol i mas save olsem i gat wanpela tim tasol bai win na narapela bai lus, olsem na ol pilaia i mas pasim tingting long kamapim strongpela gem.

Mista Chow husat i kisim wok presiden i ranim gut tru kompetisen na tu i pulim moa sapot i kam insait long soka long Pot Mosbi.

Nau yet ol i gat wanpela bikpela projek developim Bisini long kamap olsem Intanesenel stedium long hia.

Taim Mista Chow i stap presiden, PMSA i gat bikpela tenis long graun, na banis na tu mani i wok long kamap gut long get.

Nau dispela yia, ol tim bai kisim mani olsem prais wantaim Kina Finance Cup.



• Netbal eksen long Mosbi.

# WANTOK SPOTS

## Nu Ailan tok gutbai long Spot voluntia

NU AILAN Edministresen las wik i mekim wanpela gutbai pati bilong wanpela spot voluntia bilong Japan long Kavieng.

Dispela voluntia em Yosi husat i go pas long bi spot program insait long Nu Ailan provins. Em i joinim Nu Ailan Edministresen aninit long wanpela agrimen namel long Niu Ailan na JICA.

Deputi Edministreta bilong Nu Ailan Simon Passingan i tokaut oisem tenk yu long JICA long larim Yosi long kam wok insait long provins. Yosi i stap tupela yia na 18 mun olgeta long Kavieng.

"Mipela i wok long tingting tasol long spot bilong ol bikman, na mipela i no tingting long ol pikinini. Tasol mipela i tok tenk yu long luk-save bilong yu long strongim pikinini spot.

"Mipela i laik tok tenk yu long yu go pas long stretim pikinini spot husat em as bilong ol spotman na meri bilong bihain taim," Passingan i tok.

Deputi edministreta i tok taim ol pikinini i kamap bikpela, ol bai

gat gutpela filing, gutpela tingting na bodi bilong ol i helti. Na taim ol i save pilai, ol i noken wari long win o lus.

Em i askim Yosi long toksave long JICA olsem Nu Ailan i no laikim moa voluntia. Bikos Yosi i mekim planti gutpela wok we Nu Ailan Edministresen i bilip olsem Yosi tasol i mas stap gen na mekim wok.

Siman bilong Sotel Sevis Francis Wasau i tok Nu Ailan i amamas tru long kisim gutpela helpim i kam long gavman na pipel bilong Japan. Ol i save givim ol kain helpim we long pasin bilong mani na tu teknikel.

"Mipela ol Nu Ailan na


Papua Niugini bai traim hat long holim gutpela gutpela prensip mipela i gat name long dispela tupela kantri," Wasau i tok.

Siaman i tok ol Nu Ailan yet i save olsem Japan i mekim planti samting tru long helpim provins na tu kantri.

Em i hop olsem Mista Yosi i amamas tru insait long tupela yia bilong long Nu Ailan. Na em i bilip olsem Yosi i ken holim yet sampela gutpela memori long Nu Ailan taim em i go bek long Japan.

Dispela agrimen namel long JICA na Nu Ailan i stat long 1992. Yosi em las spot voluntia aninit long dispela program.

.... Nu Ailan i askim Yosi long toksave long JICA olsem Nu Ailan i no laikim moa voluntia. Bikos Yosi i mekim planti gutpela wok we Nu Ailan Edministresen i bilip olsem Yosi tasol i mas stap gen.



• Golkipa long Mermaids i autim bal bipo long suta bilong Telstars Mimi Ori i blokim em. Tupela tim i pilai long gren fainel bilong Pot Mosbi netbal na Mermaids i winim 50-48.

## Noken harim giaman toktok: PNGFA

PAPUA New Guinea Futbal Asosiesen (PNGFA) i singaut i go long ol memba asosiesen long noken bilipim tok win olsem FIFA i saspending PNGFA.

Ekting jenerel sekretari Paul Peter Pondo i mekim dispela toktok bihain long Wantok Nius i askim PNGFA sapos dispela toktok i tru.

Mista Pondo i tok dispela olgeta toktok long FIFA saspending PNGFA i no tru na em i wok bilong sampela lain husat i laik bagarapim gutpela wok PNGFA i laik mekim insait long kantri.

Dispela tokwin i kamap olsem FIFA i saspending PNGFA bihain long PNGFA i rausim o saspending sekretari jenerel Ivan Ngahan sampela taim i go pinis.

Mista Ngahan em wanpela man i go pas long pulim ol wok olsem gol projek i kam insait long kantri. Mak bilong gol projek inap long US\$1.3 milien.

Las mun tasol Glen Turner, mausman bilong FIFA long Osenia rijen, i tokaut olsem PNG bai kisim helpim aninit long Gol Projek. Nau em i wok bilong PNGFA long stretim olgeta samting long kisim helpim mani.

Pondo i no amamas long kain toktok olsem. Em i toktok strong olsem dispela saspensen bilong Ngahan em samting bilong PNGFA na i no bilong FIFA. Ekting jenerel sekretari i askim olgeta asosiesen long noken bilipim dispela toktok win.


Insait long arapela soka stori, Mista Pondo i tok olsem nesenel klab soka sempionsip bilong ol man i pulim planti tim tru insait long kantri.

# Fan Ran long Sande

MOA long 200,000 pipel insait long kantri bai kamap long bikpela Trukai Fan resis long dispela wik Sande.

Dispela Fan Ran i save kamap olgeta yia long helpim PNG Spots Federesen long wokim mani bilong salim PNG tim i go long ovasis kompetisen olsem Saut Pasifik Gems, Komenwelt Gems na Olimpiik Gems.

Nau yet 16 senta i tokaut pinis long stap long dispela resis. Ol senta ya em Alotau, Daru, Goroka, Kavieng, Kimbe, Kiunga Kokopo, Lihir, Madang, Misima, Mt Hagen, National Capital District (NCD), Tabubil, Porgera,



•Sir John

Rabaul na Wewak.

Daru na Kiunga long Westen provins bai soim pes namba wan taim long kain Fan Run resis ya.

Deputi sekretari bilong PNGSF Ivan Ravu husat i go pas long Fan Ran resis i tokaut olsem ol i holim oksen long 4-pela bikpela senta olsem Pot Mosbi, Lae, Rabaul na Goroka tasol.

Na long Pot Mosbi yet, ol i salim 14,300 Trukai t'siot long ol skul insait long NCD na Central Provins.

Igat 29,412 t'siot we ol i salim long ol senta. Yu ken lukim wanwan senta i kisim hamas t'siot long redi long dispela wik Sande. Alotau is kisim 200 na Daru tu kisim 200. Goroka (800), Kavieng (300), Kimbe (200), Madang

(200), Misima (200) Mt Hagen (2,100), Porgera (200), Port Moresby (15,612), Rabaul (601) na Wewak (300)

Sekretari bilong PNGSF Sir John Dawanicura i tok PNGSF i save strong long Fan Ran long wokim mani long salim tim i go ovasis. Na em i askim olgeta lain pipel husat i baim t'siot long kamap long dispela fan ran.

Em i tok Brian Bell em i mesa sponsa long dro bilong ol man i baim t'siot na filim fom. Kampani ya i tromoi K5,239 long baim ol TV, radio na ol arapela samting bilong winim long dro.

Dispela mani i kam aninit


long K25,000 Brian Bell i givim long PNGSF long mekim wok bilong em. Hap mani bilong dispela K25,000 bai go long Praim Minista Golf salens, Praim Minista Selebriti Walk na Trukai Fan ran.

Sir John i tok em i laik olgeta man i mas baim t'siot na kamap long Sande sapos ol i laik winim dispela dro.



Maketing menesa bilong Brian Bell Graham Wheatley i amamas long sapatim PNGSF long mekim wok bilong spot. Brian Bell i save kamap olsem mesa sponsa bilong ol prias bilong PNGSF long ol fan raising aktiviti bilong em.

## DISPELA WIK INSAIT LONG WANTOK NIUSPEPA

□ Orogen Skul Salens ripot - pes 30



□ PMSA gran fainel





# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.